





孝安帝紀第五

後漢書五

唐章懷太子賢注

恭宗孝安皇帝諱祐

諡法曰寬容和平曰安伏侯古今注曰祐之字曰福

肅宗孫也父清河孝王慶

母左姬帝自在邸第

倉頡篇曰邸舍也說文云屬國之舍也前書音義曰第謂有甲乙之次第

數有神光照室又

有赤蛇盤於牀第之間

第牀也

年十歲好學史書

史書者周宣王太史福所作之書也凡五十五篇可

以教童幼和帝稱之數見禁中延平元年慶始就國鄧太后特詔留帝清

河邸八月殤帝崩太后與兄車騎將軍鄧騭定策禁中其夜使騭

持節召王青蓋車迎帝齋于殿中

續漢志曰皇太子皇子皆拔車朱班輪青蓋金華蓋皇子爲王錫以乘之故曰王青蓋車皇孫

則祿皇太后御崇德殿百官皆吉服

洛陽南宮有崇德殿不可

羣臣陪位引

拜帝爲長安侯

不即立爲天子而封侯者不欲從微即登皇位

皇太后詔曰先帝聖德淑茂早棄

天下朕奉皇帝夙夜瞻仰日月冀望成就豈意卒然顛沛天年不

遂悲痛斷心朕惟平原王素被痼疾念宗廟之重思繼嗣之統唯

長安侯祐質性忠孝小心翼翼

翼翼敬慎也詩曰惟此文王小心翼翼

能通詩論篤學樂古

仁惠愛下年已十三有成人之志親德係後莫宜於祐

係即也

禮昆弟

之子猶己子

禮記檀弓之文

春秋之義爲人後者爲之子不曰父命辭王父

命爲人後者謂出繼於人也王父謂祖也穀梁傳曰備靈公廢太子蒯瞶立孫伋不受父之命而受王父命其曰祐爲孝和皇帝嗣奉

承祖宗接禮儀奏又作策命曰惟延平元年秋八月癸丑皇太后

曰咨長安侯祐孝和皇帝懿德巍巍光于四海大行皇帝不永天

年前書音義曰禮有大行人有小行人主誥號官也韋昭云大行者不反之辭也天子崩未有諡故稱大行也穀梁傳曰大行受大名風俗通曰天子新崩未有諡故且稱大行皇帝義兩

通朕惟侯孝章帝世嫡皇孫謙恭慈順在孺而勤孺幼也或作在孺辛勤宜奉郊

廟承統大業今曰侯嗣孝和皇帝後其審君漢國允執其中一人

有慶萬民賴之皇帝其勉之哉讀策畢太尉奉上璽綬卽皇帝位

年十三太后猶臨朝

公羊傳曰猶者可止之辭也

九月庚子謁高廟辛丑謁光武廟

六州大水已未遣謁者分行虛實舉災害賑乏絕丙寅葬孝殤皇

帝于康陵

陵在慎陵塋中庚地高五丈五尺周二百八步

乙亥隕石于陳留西域諸國叛攻都護

任尙遣副校尉梁懂救尙擊破之

惟音

冬十月四州大水雨雹詔曰

宿麥不下

宿舊出麥必經年而熟故稱宿

賑賜貧人十二月甲子清河王薨使司空持

節弔祭車騎將軍鄧騭護喪事乙酉罷魚龍曼延百戲

漢官典儀曰作九寶樂舍利之獸從

西方來戲於庭入前殿激水化成比目魚轍水作霧化成黃龍長八丈出水遊戲於庭炫耀日光曼延者獸名也張衡西京賦所云巨獸百尋是爲曼延音以戰反

永初元年春正月癸酉朔大赦天下蜀郡徼外羌內屬

東觀記曰徼外羌龍橋等六種

戊寅分犍爲南部爲屬國都尉稟司隸兖豫徐冀并州貧民

隸

隸附 領河南河內河東弘農都

於洛陽魏末因爲司州 二月丙午呂廣成游獵地

廣成死名在汝州西

及被災郡國

公田假與貧民丁卯分清河國封帝弟常保爲廣川王

廣川縣屬信都國故城在今山東

州嶽州

庚午司徒梁鮪薨三月癸酉日有食之詔公卿內外眾官郡

國守相舉賢良方正有道術之士明政術達古今能直言極諫者

各一人己卯永昌徼外僦種夷貢獻內屬甲申葬清河孝王贈

龍旗虎賁夏五月甲戌長樂衛尉魯恭爲司徒

前書曰衛尉秦自掌宮門衛屯兵也長樂建章甘泉

官皆隨所掌以爲官名秩中二千石也

丁丑詔封北海王睦孫壽光侯普爲北海王九真徼

外夜郎蠻夷舉土內屬

九真郡名今愛州縣

六月戊申晉皇太后母陰氏爲新

蜀君丁巳河東地陷壬戌罷西域都護先零種羌叛斷隴道大爲

寇掠遣車騎將軍鄧騭征西校尉任尙討之丁卯赦除諸羌相連

結謀叛逆者罪秋九月庚午詔三公明申舊令禁奢侈無作浮巧

之物殫財厚葬是日太尉徐防免

以災異屢見也

辛未司空尹勤免

以水雨漂流也

西調揚州五郡租米

五郡謂九江丹陽廬江吳郡豫章也揚州領六郡會稽最遠蓋不調也

贍給東郡濟陰陳

留梁國下邳山陽丁丑詔曰自今長吏被考竟未報

考謂考問其狀也報謂斷決也

非父母喪無故輒去職者劓縣十歲平縣五歲自上乃得次用壬

午詔太僕少府減黃門鼓吹百羽林士

漢官儀曰黃門鼓吹百四十五人羽林左監主羽林八百人右監主九百

人廄馬非乘輿常所御者皆減半食

乘輿天子所乘車輿也不敢斥言尊者故稱乘輿見蔡邕獨斷諸所造

作非供宗廟園陵之用皆且止丙戌詔死罪已下及亡命贖各有

差庚寅太傅張禹爲太尉太常周章爲司空漢官儀曰章字次叔荊州隨縣人也冬十月

倭國遣使奉獻倭國去樂浪萬二千里男子黧面文身以其文左右大小別尊卑之差見本傳辛酉新城山泉水大出

東觀記曰突壤人田水深二丈十一月丁亥司空周章密謀廢立策免自殺戊子勅司

隸校尉冀并二州刺史民訛言相驚奔捐舊居老弱相攜窮困道

路其各勅所部長吏躬親曉諭若欲歸本郡在所爲封長檄不欲

勿強對謂印封之也長檄猶今長牒也欲歸者皆給以長牒爲驗強音其兩反十二月乙卯潁川太守張敏爲司空

是歲郡國十八地震四十一雨水或山水暴至二十八風雨雪

二年春正月稟河南下邳東萊河內貧民古今注曰時州郡大飢米石二千人相食老弱相并道路

騎大將軍鄧騭爲種羌所敗於冀西續漢書曰種羌九千餘戶在隴西臨洮谷冀縣屬天水郡也二月乙

丑遣光祿大夫樊準呂倉分行冀兖二州稟貸流民夏四月甲寅

漢陽城中火燒殺三千五百七十八人五月旱丙寅皇太后幸洛陽

寺及若盧獄錄囚徒賜河南尹廷尉卿及官屬曰下各有差即日

降雨六月京師及郡國四十大水大風雨雹東觀記曰雹大如芋魁雞子風拔樹發屋秋七

月戊辰詔曰昔在帝王承天理民莫不據璇機玉衡曰齊七政孔安

國尚書注曰璇美玉也以璇為機以玉為衡王者正天文之器也七政日月五星各異其政制即今之渾儀朕曰不德遵奉大業而陰陽

差越變異竝見萬民飢流羌貊叛戾夙夜克己憂心京京詩小雅曰憂心京京

爾雅曰京京憂也閒令公卿郡國舉賢良方正遠求博選開不諱之路冀得

至謀曰鑿不逮而所對皆循尚浮言無卓爾異聞卓爾高遠之貌也論語曰如有所立卓爾

其百僚及郡國吏人有道術明習災異陰陽之度璇機之數者各

使指變曰聞二千石長吏明曰詔書博衍幽隱衍猶引也朕將親覽待

曰不次冀獲嘉謀曰承天誠問月辛丑廣川王常保薨無子國除

癸未蜀郡徼外羌舉土內屬東觀記曰徼外羌薄申等八種舉眾降九月庚子詔王主官

屬墨綬下至郎謁者續漢書曰王國有中大夫秩比六百石謁者比四百石郎中二百石其經明任博士居鄉

里有廉清孝順之稱才任理人者國相歲移名與計偕上尚書公

府通調令得外補

移書也
調選也

冬十月庚寅稟濟陰山陽立菟貧民征西

校尉任尙與先零羌戰于平襄尙軍敗績

平襄縣屬天水郡故襄戎邑也

十一月辛酉

拜鄧騭爲大將軍徵還京師留任尙屯隴右先零羌滇零稱天子

於北地

滇零羌名
音丁田反

遂寇三輔東犯趙魏南入益州殺漢中太守董炳

十二月辛卯稟東郡鉅鹿廣陽安定定襄沛國貧民廣漢塞外參

狼羌降分廣漢北部爲屬國都尉是歲郡國十二地震

三年春正月庚子皇帝加元服

元服謂加冠也土冠禮曰令月吉辰加爾元服鄭玄云元首也

大赦天下賜

王主貴人公卿曰下金帛各有差男子爲父後及三老孝悌力田

爵人二級流民欲占者人一級遣騎都尉任仁討先零羌不利羌

遂破沒臨洮

縣名屬隴西郡

高句驪遣使貢獻三月京師大飢民相食壬辰

公卿詣闕謝詔曰朕曰幼沖奉承鴻業不能宣流風化而感逆陰

陽至今百姓飢荒更相噉食永懷悼歎若墜淵水咎在朕躬非羣

司之責而過自貶引重朝廷之不德貶引謂貶損引過也重音直用反其務思變復已

助不逮癸巳詔呂鴻池假與貧民續漢書曰鴻池在洛陽東二十里假借也令得漁采其中壬寅司徒魯

恭免夏四月丙寅大鴻臚九江夏勤為司徒勤字伯宗壽春人也三公呂國用

不足奏令吏人入錢穀得為關內侯虎賁羽林郎五大夫官府吏

緹騎營士各有差續漢志曰桃金吾緹騎二百人緹赤黃色營士謂五校營士也漢官儀曰屯騎越騎步兵射聲各領士七百人長水領士千三百六十七

也己巳詔上林廣成苑可墾闢者賦與貧民甲申清河王虎威薨

五月丙申封樂安王寵子延平為清河王丁酉沛王正薨癸丑京

師大風六月烏桓寇代郡上谷涿郡秋七月海賊張伯路等寇略

緣海九郡遣侍御史龐雄督州郡兵討破之庚子詔長吏案行在

所皆令種宿麥蔬食務盡地力其貧者給種餉九月鴈門烏桓及

鮮卑叛敗五原郡兵於高渠谷東觀記曰戰九原高渠谷渠梁相類必有誤也冬十月南單于

叛圍中郎將耿种於美稷十一月遣行車騎將軍何奭討之十二

月辛酉郡國九地震乙亥有星孛于天苑天苑星名是歲京師及郡國四

十一雨水雹續漢書曰雹大如鴈子也并涼二州大飢人相食

四年春正月元日會徹樂不陳充庭車每大朝會必陳乘輿法物車輦於庭故因充庭車也以年飢故不陳辛

卯詔曰三輔比遭寇亂人庶流冗除三年逋租過更口算芻稟前書

青義曰天下人皆成邊三日不可人人自行者自戍三日不可往便還因便住一歲諸不行者出錢三百入官官以給戍者言過其本更之日故曰過更又曰人年十五至五十六出賦錢人百

二十為一算稟上郡貧民各有差海賊張伯路復與勃海平原劇賊劉文

河周文光等攻厭次殺縣令遣御史中丞王宗督青州刺史法雄

討破之度遼將軍梁懂遼蔣太守耿夔討破南單于於屬國故城

丙午詔減百官及州郡縣奉各有差二月丁巳稟九江貧民南匈奴

寇常山乙丑初置長安雍二營都尉官漢官儀曰京兆虎牙扶風都尉以涼州近羌數犯三輔將兵衛護

樓扶風都尉居雍豳故俗人稱乙亥詔曰自建初以來諸祇言它過坐徙

遷者各歸本郡其没入官爲奴婢者免爲庶人詔謁者劉珍及五

經博士校定東觀五經諸子傳記百家藝術整齊脫誤是正文字

洛陽宮殿名曰南宮有東觀前書曰凡諸子百八十九家言百家舉全數也三月南單于降先零羌寇襄中縣名屬漢中郡今梁

州襄城縣漢中太守鄭勤戰歿徙金城郡都襄武襄武縣名屬隴西郡今滑州縣戊子杜陵

園火癸巳郡國九地震夏四月六州蝗東觀記曰司隸豫交徐青冀六州丁丑大赦天

下秋七月乙酉三郡大水己卯騎都尉任仁下獄死九月甲申益

州郡地震冬十月甲戌新野君陰氏薨東觀記曰新野君薨贈以玄玉亦祓賜錢三十萬布三萬匹使司

空持節護喪事大將軍鄧騭罷

五年春正月庚辰朔日有食之丙戌郡國十二地震己丑太尉張

禹免甲申光祿勳李修爲太尉漢官儀曰修字伯游豫州襄城人也二月丁卯詔省減郡

國貢獻大官口食先零羌寇河東遂至河內三月詔隴西徙襄武

安定徙美陽安定郡今涇州也美陽縣故城在今武功縣北北地徙池陽北地郡今靈州也池陽縣故城在今涇陽縣北也上

郡徙衙

上郡今綏州也衙縣故城在同州白水縣東北左傳曰秦晉戰于彭衙卽此也

夫餘夷犯塞殺傷吏人閏月

丁酉赦涼州河西四郡戊戌詔曰朕已不德奉郊廟承大業不能

興和降善爲人祈福災異蜂起寇賊縱橫夷狄猾夏

猾亂也夏華夏也

戎事

不息百姓匱乏疲於徵發重巨蝗蟲滋生害及成麥秋稼方收

甚可悼也朕已不明統理失中亦未獲忠良已毗闕政傳曰顛而

不扶危而不持則將焉用彼相矣公卿大夫將何已匡救濟斯艱

屝承天誡哉蓋爲政之本莫若得人褒賢顯善聖制所先濟濟多

士文王已寧

詩大雅之詞也

思得忠良正直之臣已輔不逮其令三公特進

侯中二千石二千石郡守諸侯相舉賢良方正有道術達於政化

能直言極諫之士各一人及至孝行與眾卓異者并遣詣公車朕

將親覽焉六月甲辰樂成王巡薨秋七月己巳詔三公特進九卿

校尉

九卿表常充祿衛尉太僕鴻臚廷尉少府宗正

司農經以謂駟屯騎越騎步兵長水胡騎等舉列將子孫明曉戰陳任將

帥者九月漢陽人杜琦王信叛

東觀記曰琦自稱安漢將軍

與先零諸種羌攻陷上

邽城十二月漢陽太守趙博遣客刺殺杜琦

東觀記曰漢陽故吏杜習手刺殺之

是歲九

州蝗郡國八雨水

六年春正月庚申詔越巂置長利高望始昌三苑又令益州郡置

萬歲苑犍爲置漢平苑

犍爲郡名前書音義曰故夜郎國也故城在今眉州隆山縣西北也

三月十州蝗夏四

月乙丑司空張敏罷己卯太常劉愷爲司空五月旱丙寅詔令中

二千石下至黃綬一切復秩還贖賜爵各有差戊辰皇太后幸雒

陽寺錄囚徒理冤獄六月壬辰豫章員谿原山崩

員谿

辛巳大赦天

下遣侍御史唐喜討漢陽賊王信破斬之

續漢志曰傳信首詣洛陽梟殺城門外

冬十一

月辛丑護烏桓校尉吳祉下獄死是歲先零羌滇零死子零昌復

襲僞號

七年春正月庚戌皇太后率大臣命婦謁宗廟

喪服傳曰命夫者其男子之爲大夫也命婦者

其大夫之妻也臣賢案東觀續漢袁山松謝沈書古今注
皆云六年正月甲寅謁宗廟此云七年庚戌疑紀誤也 二月丙午郡國十八地震

夏四月乙未平原王勝薨丙申晦日有食之五月庚子京師大雩

左傳曰龍見而雩杜預注云謂建己之月龍星角亢見東方雩遠也遠爲百穀
求膏雨周禮司職曰若國大旱則帥巫而舞雩鄭玄注云雩呼也雩而求雨 秋護羌校尉

侯霸騎都尉馬賢破先零羌八月丙寅京師大風蝗蟲飛過洛陽

詔賜民爵郡國被蝗傷稼十五以上勿收今年田租不滿者已實

除之九月調零陵桂陽丹陽豫章會稽租米 零陵郡名今永州縣也丹陽郡
名今湖州江寧縣也餘並見上

賑給南陽廣陵下邳彭城山陽廬江九江飢民又調濱水縣穀輸

敖倉 詩曰薄狩于敖即此地秦於此築太倉亦曰敖廩在今鄭州滎陽縣
西北東觀記曰濱水縣彭城廣陽廬江九江穀九十萬斛送敖倉

元初元年春正月甲子改元元初賜民爵人二級孝悌力田人三

級爵過公乘得移與子若同產同產子民脫無名數及流民欲占

者人一級鰥寡孤獨篤癯貧不能自存者穀人三斛貞婦帛人一

匹二月己卯日南地坼 東觀記曰坼長百八
十二里廣五十六里 三月癸酉日有食之夏四

月丁酉大赦天下京師及郡國五旱蝗詔三公特進列侯中二千

石二千石郡守舉敦厚質直者各一人五月先零羌寇雍城六月

丁巳河東地陷秋七月蜀郡夷寇蠶陵殺縣令蠶陵縣屬蜀郡故城在今

因以爲名焉九月乙丑太尉李修罷先零羌寇武都漢中絕隴道辛未大

司農山陽司馬苞爲太尉謝承書曰苞字仲成東緡人也冬十月戊子朔日有食之先

零羌敗涼州刺史皮陽於狄道乙卯詔除三輔三歲田租更賦口

算解見光武紀也十一月是歲郡國十五地震

二年春正月詔稟三輔及并涼六郡流冗貧人蜀郡青衣道夷奉

獻內屬青衣道縣名在大江青衣二水之會今嘉州龍遊縣也東觀記曰青衣蠻夷等歸義修理西門豹所分漳水爲

支渠呂溉民田史記曰西門豹爲鄴令發人鑿十二渠引水灌田所鑿之渠在今相州鄴縣西也二月戊戌遣中謁者收

葬京師客死無家屬及棺槨朽敗者皆爲設祭其有家屬尤貧無

棺葬者賜錢人五千辛酉詔三輔河內河東上黨趙國太原各修

理舊渠通利水道曰漑公私田疇

前書音義曰美山曰疇

三月癸亥京師大風先

零美寇益州遣中郎將尹就討之夏四月丙午立貴人閻氏爲皇

后五月京師旱河南及郡國十九蝗甲戌詔曰朝廷不明庶事失

中災異不息憂心悼懼被蝗自來七年于茲而州郡隱匿裁言頃

畝裁與纆同右字通今羣飛蔽天爲害廣遠所言所見盍相副邪三司之職

內外是監既不奏聞又無舉正天災至重欺罔辜大令方盛夏且

復假貸曰觀厥後假貸猶寬容也盛夏不可不加刑罰故且寬容其務消救災眚安輯黎元六

月丙戌太尉司馬苞薨苞爲太尉常食糲飯菽布衣妻不厭食會

也洛陽新城地震裂秋七月辛巳太僕山太山馬英爲太尉英字文

蓋縣人也蓋縣名屬遼東屬國八月遼東鮮卑圍無慮縣屬遼東郡慮音岡有醫九月又攻夫犁營

殺縣令夫犁縣名屬遼東屬國王午晦日有食之冬十月遣中郎將任尙屯三

輔詔郡國中都官繫囚減死一等勿笞詣馮翊扶風屯妻子自隨

占著所在女子勿輸不輸作也亡命死罪目下贖各有差其吏人聚爲

盜賊有悔過者除其罪乙未右扶風仲光安定太守杜恢京兆虎

牙都尉耿溥與先零羌戰於丁奚城東觀記曰至北地靈州丁奚城也光等大敗竝沒

左馮翊司馬鈞下獄自殺東觀記曰安定太守杜恢與鈞等并擊先零乘勝深入爲虜所害鈞擁兵不救收鈞下獄也十一月

庚申郡國地震十二月武陵澧中蠻叛州郡擊破之東觀記曰蠻出山高少等攻城殺長

吏州郡募五里蠻夷六亭兵追擊山等皆降賜五里六亭渠率金帛各有差己酉司徒夏勤罷庚戌司空劉愷爲司

徒光祿勳袁敞爲司空

三年春正月甲戌修理太原舊溝渠溉灌官私田潞元水經注曰昔智伯

謹其遺跡蓄以爲沼分爲一派北瀆卽智氏故渠也其瀆乘高東北注入晉陽城以溉灌東南出城注於汾水今所修溝渠卽謂此東平陸上言木連理

多美近於有實故書見於某處自安帝以下王道衰缺容或虛飾故書某處上言也蒼梧鬱

林合浦蠻夷反蒼梧郡今梧州縣也合浦郡今廉州縣也二月遣侍御史任遵督州郡兵

討之連音丁角反郡國十地震三月辛亥日有食之丙辰赦蒼梧鬱林合

浦南海吏人爲賊所迫者夏四月京師旱五月武陵蠻復叛州郡

討破之癸酉度遼將軍鄧遵率南匈奴擊先零羌於靈州破之

靈州縣名屬北地郡故城在今慶州馬領縣西北

越檣徼外夷舉種內屬六月中郎將任尙遣兵擊

破先零羌於丁奚城秋七月武陵蠻復叛州郡討平之緄氏地坼

九月辛巳趙王宏薨冬十一月蒼梧鬱林合浦蠻夷降丙戌初聽

大臣二千石刺史行三年喪

文帝遺詔以日易月於後大臣遂以爲常至此復遵古制也

癸卯郡國九

地震十二月丁巳任尙遣兵擊破先零羌於北地

四年春二月乙巳朔日有食之乙卯大赦天下壬戌武庫災夏四

月戊申司空袁敞薨己巳鮮卑寇遼西遼西郡兵與烏桓擊破之

遼西郡故城在今平州東陽樂城是

五月丁丑太常李邵爲司空六月戊辰三郡雨雪秋

七月辛丑陳王鈞薨京師及郡國十雨水詔曰今年秋稼茂好垂

可收穫而連雨未霽

霽雨止也懼必淹傷夕惕惟憂思念厥咎夫霖雨者

人怨之所致左傳曰凡明三日以上爲霖菜房其武吏已威暴下文吏妄行

苛刻鄉吏因公生姦爲百姓所患苦者有司顯明其罰又月令仲

秋養衰老授几杖行糜粥鄭之注云助老氣也行適賜也方今案比之時東觀記曰方今八月案比之時謂案

比之也郡縣多不奉行雖有糜粥糶相半長吏怠事莫有躬親

甚違詔書養老之意其務崇仁恕賑護寡獨稱朕意焉九月護羌

校尉任尙使客刺殺叛羌零昌冬十一月己卯彭城王恭薨十二

月越雋夷寇遂久殺縣令遂久縣屬越雋郡甲子任尙及騎都尉馬賢與先

零羌戰于富平上河大破之富平縣屬北地郡故城在今靈州回柔縣西向鄯元水經注曰河水於此有上河之名也虔人

羌率眾降虔人羌號出東觀記曰虔人種羌大家括頂等諸度遂將軍降隴右平是歲郡國十三地震

五年春正月越雋夷叛二月壬戌中山王憲薨三月京師及郡國

五旱詔稟遭旱貧人夏六月高句驪興穢豹寇玄菟郡名在遼東秋七月

越雋蠻夷及旄牛豪叛殺長吏旄牛縣屬蜀郡華陽國志曰在岷嶽山表也丙子詔曰舊令

制度各有科品洪令今亡欲令百姓務崇節約遭永初之際人離荒厄

朝廷躬自菲薄去絕奢飾食不兼味衣無二綵比年雖獲豐穰尙

乏儲積而小人無慮不圖久長嫁娶送終紛華靡麗至有走卒奴

婢被綺縠著珠璣綺文縵縠紗也璣珠不圓者也京師尙若斯何巨不四遠設張法

禁懇惻分明而有司惰任訖不奉行秋節既立鷩鳥將用鷩鳥謂鷹鶴之類也

廣雅曰鷩執也以其能服執眾鳥月令孟秋鷹乃祭鳥始用行戮言有司怠惰不遵法令將欲誅其罪順秋行誅同鷹鷩之鷩擊也且復重申呂觀後效

八月丙申朔日有食之鮮卑寇代郡殺長吏冬十月鮮卑寇上谷

十二月丁巳中郎將任尙有辜奔市是歲郡國十四地震

六年春二月乙巳京師及郡國四十二地震或坼裂水泉涌出壬

子詔三府選掾屬高第能惠利牧養者各五人光祿勳與中郎將

選孝廉郎寬博有謀清白行高者五十人出補令長丞尉乙卯詔

曰夫政先京師後諸夏月令仲春養幼小存諸孤季春賜貧窮賑

乏絕省幄使表貞女所居順陽氣崇生長也

鄭玄云幄使謂幄細之事

其賜民尤貧

困孤弱單獨穀人三斛貞婦有節義十斛甄表門閭旌顯厥行

志操義謂推讓甄明也旌章也里門謂之闕旌表者若今樹闕而顯之

三月庚辰始立六宗祀於洛城西北

續漢志曰元初

六年以尚書歐陽家說謂六宗者在天地四方之中爲上下四方之宗以元始中故事謂六宗易六子之氣日月雷公風伯山澤者非也乃更六宗祠於戌亥之地禮比大社也

夏四

月會稽大疫遣光祿大夫將太醫循行疾病賜棺木

漢官儀太醫令一人秩六百石

田租口賦沛國勃海大風雨雹五月京師旱六月丁丑樂成王賓

薨丙戌平原王得薨秋七月鮮卑寇馬城

搜神記曰昔秦人築城於武周塞以備胡將成而崩者數矣有馬馳

走周旋反覆父老異之因依以築城城乃不崩遂以名焉其故城今朔州也

度遼將軍鄧遵率南單于擊破之九月

癸巳陳王竦薨十二月戊午朔日有食之既郡國八地震是歲永

昌益州蜀郡夷叛與越嶲夷殺長吏燔城邑益州刺史張喬討破

降之

永寧元年春正月甲辰任城王安薨三月丁酉濟北王壽薨車師

後王叛殺部司馬沈氏羌寇張掖

沈氏羌號也續漢志曰羌在上郡西河者號沈氏也

夏四月丙寅

立皇子保爲皇太子改元永寧大赦天下賜王主三公列侯下至

郎吏從官金帛又賜民爵及布粟各有差己巳紹封陳王羨子崇

爲陳王濟北王子萇爲樂成王河間王子翼爲平原王壬午琅邪

王壽薨六月沈氏種羌叛寇張掖護羌校尉馬賢討沈氏羌破之

秋七月乙酉朔日有食之冬十月己巳司空李郃免癸酉衛尉廬

江陳襄爲司空

襄字伯仁舒縣人也

自三月至是月京師及郡國三十三大風

雨水十二月永昌徼外揮國遣使貢獻

揮音擅

戊辰司徒劉愷罷遼

西鮮卑降癸酉太常楊震爲司徒是歲郡國二十三地震夫餘王

遣子詣闕貢獻燒當羌叛

建光元年春正月幽州刺史馮煥率二郡太守討高句驪穢貊不

克二月癸亥大赦天下賜諸園貴人

謂宮人無子守園陵者也

王主公卿百下錢

布各有差曰公卿校尉尙書子弟一人爲郎舍人三月癸巳皇太

后鄧氏崩丙午葬和熹皇后丁未樂安王寵薨戊申追尊皇考清

河孝王曰孝德皇皇妣左氏曰孝德皇后祖妣宋貴人曰敬隱皇

后夏四月穢貊復與鮮卑寇遼東太守蔡諷追擊戰歿丙辰

呂廣川并清河國丁巳尊孝德皇元妃耿氏爲甘陵大貴人

甘陵孝德皇后

甲子樂成王萇有辜廢爲臨湖侯

續漢書曰坐輕側不孝故貶臨湖縣名屬廬江郡也

己巳令公卿特進侯中二千石二千石郡國守相舉有道之士各

一人賜鰥寡孤獨貧不能自存者穀人三斛甲戌遼東屬國都尉

龐奮承僞璽書殺玄菟太守姚光五月庚辰特進鄧儵及度遼將

軍鄧遵竝曰譖自殺

乳母王聖與中黃門李閎等誣告尙書鄧訪等謀廢立宗族皆免官騰與遵皆自殺

丙申貶平原王

翼爲都鄉侯秋七月己卯改元建光大赦天下壬寅太尉馬英薨

八月護羌校尉馬賢討燒當羌於金城不利甲子前司徒劉愷爲

太尉鮮卑寇居庸關九月雲中太守成嚴擊之戰歿鮮卑圍烏桓

校尉於馬城度遼將軍耿夔救之戊子幸衛尉馮石府續漢書曰賜賞實劍玉玦雜綰

布是秋京師及郡國二十九雨水冬十一月己丑郡國三十五地

震或坼裂詔三公以下各上封事陳得失遣光祿大夫案行賜死

者錢人二千除今年田租其被災甚者勿收口賦鮮卑寇玄菟庚

子復斷大臣二千石以上服三年喪癸卯詔三公特進侯卿校尉

舉武猛堪將帥者各五人丙午詔京師及郡國被水雨傷稼者隨

頃畝減田租甲子初置漁陽營兵伏侯古今注曰置營兵千人也冬十二月高句驪馬

韓穢貊圍玄菟城夫餘王遣子與州郡并力討破之

延光元年春二月夫餘王遣子將兵救玄菟夫餘王子子尉仇台也擊高句驪馬

韓穢貊破之遂遣使貢獻三月丙午改元延光大赦天下還徙者

復戶邑屬籍賜民爵及三老孝悌力田人二級加賜鰥寡孤獨薦

瘞貧不能自存者粟人二斛貞婦帛人二匹夏四月癸未京師部

國二十一雨雹癸巳司空陳褒免五月庚戌宗正彭城劉授為司

空漢官儀曰宗正卿秩中二千石授字孟春徐州武原人也己巳改樂成國為安平封河間王開子得

為安平王六月郡國蝗秋七月癸卯京師及郡國十三地震高句

驪降虔人羌叛攻穀羅城穀羅屬西河郡度遼將軍耿夔討破之八月戊子

陽陵園寢火景帝陵也辛卯九真言黃龍見無功無功縣屬九真郡己亥詔三公

中二千石舉刺史二千石合長相視事一歲曰上至十歲清白愛

利能勅身率下防姦理煩有益於人者無拘官簿清曰謂貞正也愛利謂愛人而利之也無拘官

簿謂超遷之不拘常牌也刺史舉所部郡國太守相舉墨綬墨綬謂合長之屬也隱親猶親自隱也悉盡也言令三公以下各舉所知皆隱審盡心勿取浮華不實者

九月甲戌郡國二十七地震冬

十月鮮卑寇鴈門定襄十一月鮮卑寇太原燒當羌豪降十二月

九真徼外蠻夷貢獻內屬是歲京師及郡國二十七雨水大風殺

人詔賜壓溺死者年七歲以上錢人二千其壞敗廬舍死亡穀食粟人三斛又田被淹傷者一切勿收田租若一家皆被災害而弱小存者郡縣爲收斂之虔人羌反攻穀羅城度遼將軍耿夔討破之

二年春正月旄牛夷叛寇靈關殺縣令

靈關道屬越嶲郡

益州刺史蜀郡西

部都尉討之詔選三署郎

三署解見和帝紀

及吏人能通古文尙書毛詩穀

梁春秋各一人丙辰河東潁川大風夏六月壬午郡國十一大風

九眞言嘉禾生

東觀記曰永百五十六本七百六十八穗

丙申北海王普薨秋七月丹陽山崩

八月庚午初令三署郎通達經術任牧民者視事三歲以上皆得

察舉九月郡國五雨水冬十月辛未太尉劉愷罷甲戌司徒楊震

爲太尉光祿勳東萊劉燾爲司徒

燾字季明青州長廣人也

十一月甲辰校獵上林

苑鮮卑敗南匈奴於曼柏是歲分蜀郡西部爲屬國都尉京師及

郡國三地震

三年春二月丙子東巡狩丁丑告陳留太守祠南頓君光武皇帝

于濟陽復濟陽今年田租芻橐庚寅遣使者祠唐堯於成陽

古成伯國也故

城在今濮州雷澤縣北述征記云成陽東南有堯冢

戊子濟南上言鳳皇集臺縣丞霍收舍樹上

臺屬濟南故城在今齊州平陸縣北

賜臺長帛五十匹丞二十四匹尉半之吏卒人三匹鳳

皇所過亭部無出今年田租賜男子爵人二級辛卯幸太山柴告

岱宗

太山王者告代之處爲五岳之宗故曰岱宗燔柴以告天

齊王無忌北海王翼樂安王延來朝壬

辰宗祀五帝于汶上明堂癸巳告祀二祖六宗

二祖高祖光武也六宗謂孝文曰太宗孝武曰代宗

勞賜郡縣作樂三月甲午陳王崇薨戊戌祀孔

子及七十二弟子於闕里自魯相令丞尉及孔氏親屬婦女諸生

悉會賜褒成侯目下帛各有差還幸東平至東郡歷魏郡河內壬

戌車駕還京師幸太學是日太尉楊震免夏四月乙丑車駕入宮

假于祖禰

假音格格至也

壬戌沛國言甘露降豐縣戊辰光祿勳馮石爲太

尉五月南匈奴左日逐王叛使匈奴中郎將馬翼討破之日南徼

外蠻夷內屬六月鮮卑寇玄菟庚午閩中山崩

閩中縣屬巴郡臨閩中水以爲名今隆州縣也

辛未扶風言白鹿見雍辛巳遣侍御史分行青冀二州災害督錄

盜賊秋七月丁酉初復右校合左校丞官

續漢志曰將作大匠屬官有左右校皆有令丞中興未置今始復

口南徼外蠻豪帥詣闕貢獻馮翊言甘露降潁陽

潁陽縣故城在今雍州美原縣西南

衛見潁川上言水連理白鹿麒麟見陽翟鮮卑寇高柳梁王堅莫

明帝孫節王賜之子也

八月辛巳大鴻臚耿寶爲大將軍戊子潁川上言麒麟一

白虎二見陽翟九月丁酉廢皇太子保爲濟陰王

常侍江京等譖之也

乙巳詔

郡國中都官死辜繫囚減罪一等詣敦煌隴西及度遼營

漢官儀曰度遼將軍

屯五原曼相縣也

其右趾弓下及亡命者贖各有差辛亥濟南上言黃龍見

歷城

歷城縣屬濟南國今齊州縣也

庚申晦日有食之冬十月行幸長安壬午新豐上

言鳳皇集西界亭

今新豐縣西南有鳳皇原俗傳云卽此時鳳皇所集之處也

丁亥會三輔守令掾史

於長安作樂閏月乙未祠高廟遂有事十一陵歷觀上林昆明池

遣使者祠太上皇于萬年呂中牢祠蕭何曹參霍光十一月乙丑

至自長安十二月乙未琅邪言黃龍見諸縣

諸縣名故城在今密州諸城縣西南

是歲京

師及諸郡國二十三地震三十六雨水疾風雨雪

四年春正月壬午東郡言黃龍二麒麟一見濮陽

縣名屬東郡卽古昆吾國帝顓頊之墟今濮州

二月乙亥下邳王衍薨甲辰南巡狩三月戊午朔日有食之庚申

幸宛帝不豫辛酉令大將軍耿寶行太尉事祠章陵園廟告長沙

零陵太守祠定王節侯鬱林府君乙丑自宛還丁卯幸葉帝崩于

乘輿年三十二祕不敢宣所在上食間起居如故庚午還宮辛未

夕乃發喪尊皇后爲皇太后太后臨朝呂后兄大鴻臚閭顯爲車

騎將軍定策禁中立章帝孫濟北惠王壽子北鄉侯懿

東觀記及續漢書並曰北鄉

撰今誌
蓋二名

甲戌濟南王香薨

光武曾孫簡
王錯之子也

乙酉北鄉侯卽皇帝位夏四月

丁酉太尉馮石爲太傅

石字次初荆州湖
陽人也馮魴之孫

司徒劉熹爲太尉參錄尚書

事前司空李郃爲司徒辛卯大將軍耿寶中常侍樊豐侍中謝暉

周廣乳母野王君王聖坐相阿黨豐憚廣下獄死寶自殺聖徙鴈

門己酉葬孝安皇帝于恭陵

在今洛陽東北二十七里伏侯古今注
曰陵山周二百六十丈高十五丈也

廟曰恭

宗六月乙巳大赦天下詔先帝巡狩所幸皆半入今年田租秋七

月西域長史班勇

西域都護
之長史也

擊車師後王斬之丙午東海王肅薨冬

十月丙午越嶲山崩辛亥少帝薨是冬京師大疫

論曰孝安雖稱尊享御而權歸鄧氏至乃損徹膳服克念政道然

令自房帷威不逮遠始失根統歸成陵敵遂復計金授官

永初元年
合吏人人

錢穀傳至
朔內侯也

移民逃寇

羌旣轉盛詔賜西徙襄武
安定徙美陽北地徙池陽

推咎台衡曰答天書

台謂三台
三公象也

循平也言天下所取平
伊尹爲阿衡卽其義也

既云哲婦亦惟家之索矣

哲智也索盡也謂鄧后爲禍國柄
也詩曰哲夫成城哲婦傾城書曰

化雜之晨
惟家之素

贊曰安德不升秕我王度

秕穀不成也論政教之穢左傳祈招之詩曰思我王度

降奪儲嫡開萌邪

儲嫡謂太子也邪蠹謂江京等也

馮石承歡楊公逢怒

續漢志曰上賜衛尉馮石寶劍玉玦雜趙布等故曰承歡也楊公楊震逢怒謂樊豐

等譖震云有恚恨心帝免之

彼日而微遂禳天路

日君道也微不明也禳陰陽相侵之氣也詩曰彼月而微此日而微此日而微此日而微言君道闇亂政化陵

遲漢祚衰微自此而始故言遂禳天路也

金陵書局

新刊

孝安帝紀第五

後漢書五

孝順孝沖孝質帝紀第六

後漢書六

唐章懷太子賢注

孝順皇帝諱保

謚法曰慈和徧服曰順伏侯古今注曰保之字曰守

安帝之子也母李氏爲閭皇后

所害永寧元年立爲皇太子延光三年安帝乳母王聖大長秋江

京前書曰長秋皇后官本泰官將行也景帝更名大長秋或用中人或川士人秩二千石中典常用宦者中常侍樊豐譖太子乳母

王男厨監邴吉殺之太子數爲歎息王聖等懼有後禍遂與豐京

其搆陷太子太子坐廢爲濟陰王明年三月安帝崩北鄉侯立濟

陰王曰廢黜不得上殿親臨梓宮悲號不食內外羣僚莫不哀之

及北鄉侯薨車騎將軍閭顯及江京與中常侍劉安陳達等白太

后祕不發喪而更徵立諸國王子乃閉宮門屯兵自守十一月丁

巳京師及郡國十六地震是夜中黃門孫程等十九人十九人見孫程傳共

斬江京劉安陳達等迎濟陰王於德陽殿西鍾下漢官儀曰崇賢門內德陽殿也卽皇

帝位年十一近臣尙書曰下從輦到南宮登雲臺召百官尙書令

劉光等奏言孝安皇帝聖德明茂早弃天下陛下正統當奉宗廟

而姦臣交搆遂令陛下龍潛蕃國從太子廢爲王故曰龍潛蕃國羣僚遠近莫不失望

天命有常北鄉不永漢德盛明福祚孔章孔甚也章明也近臣建策左右扶

翼內外同心稽合神明陛下踐祚奉遵鴻緒爲郊廟主承續祖宗

無窮之烈上當天心下欺民望而卽位倉卒典章多缺請條案禮

儀分別具奏制曰可乃召公卿百僚使虎賁羽林士屯南北宮諸

門漢官儀曰書稱虎賁三百人言其猛怒如虎之奔赴也孝武建元三年初置羽林士

元年更名虎賁郎又武帝太初元年初置建章營騎後更名羽林以天有羽林之星故取名焉又取從軍死事之子孫養羽林官教以五兵號曰羽林閭顯兄弟聞帝立率兵入

北宮尙書郭鎮與交鋒刃遂斬顯弟衛尉景戊午遣使者入省奪

得璽綬乃幸嘉德殿遣侍御史持節收閭顯及其弟城門校尉耀

執金吾晏竝下獄誅己未開門罷屯兵壬戌詔司隸校尉惟閭顯

江京近親當伏辜誅其餘務崇寬貸壬申謁高廟癸酉謁光武廟

乙亥詔益州刺史罷子午道通褒斜路

子午道平帝時王莽通之三秦記曰子午長安正南山名秦嶺谷一名樊川褒

斜漢中谷名南谷名褒北谷名斜首尾七百里

己卯葬少帝己諸王禮司空劉授免

東觀記曰以阿附惡逆辟召非其人

罷賜公卿已下錢穀各有差十二月甲申已少府河南陶敦爲司

空

敦字文理京縣人也其令郡國守相視事未滿歲者一切得舉孝廉吏

漢法視事滿歲

乃得舉今帝新卽位施恩惠雖未滿歲得令舉人

癸卯尙書奏請下有司收還延光三年九月丁

酉已皇太子爲濟陰王詔書奏可京師大疫辛亥詔公卿郡守國

相舉賢良方正能直言極諫之士各一人尙書令已下從輦幸南

宮者皆增秩賜布各有差

永建元年春正月甲寅詔曰先帝聖德享祚未永早弃鴻烈姦慝

緣間人庶怨譴上干和氣疫癘爲災朕奉承大業未能寧濟益至

理之本稽弘德惠蕩滌宿惡與人更始其大赦天下賜男子爵人

二級爲父後三老孝悌力田三級流民欲自占者一級鰥寡孤獨

篤瘡貧不能自存者粟人五斛貞婦帛人三匹坐法當徙勿徙亡

徙當傳勿傳徒因逃亡當傳捕者放之勿捕宗室呂罪絕皆復屬籍其與閭顯江京等

交通者悉勿考勉修厥職呂康我民辛未皇太后閭氏崩辛巳太

傅馮石太尉劉熹司徒李邵免馮石字次初東觀記曰馮劉以阿黨權貴李邵以人多疾疫免二月甲申葬

安思皇后丙戌太常桓焉爲太傅大鴻臚朱寵爲太尉參錄尚書

事長樂少府九江朱偃爲司徒朱寵字仲威京兆杜陵人朱偃字孫卿壽春人也偃音丑良反賜百官隨輦

宿衛及拜除者布各有差隴西鍾羌叛護羌校尉馬賢討破之夏

五月丁丑詔幽并涼州刺史使各實二千石石太守也黃綬悉尉也前書曰比二百石以上銅印黃綬下至黃綬實謂驗實之也二千

屯備立秋之後簡習戎馬六月己亥封濟南王錯子顯爲濟南王

秋七月庚午衛尉來歷爲車騎將軍八月鮮卑寇代郡代郡太守

秋七月庚午衛尉來歷爲車騎將軍八月鮮卑寇代郡代郡太守

李超戰歿九月辛亥初令三公尙書入奏事冬十月辛巳詔減死
辜曰下徙邊其亡命贖各有差丁亥司空陶敦免鮮卑犯邊庚寅
遣黎陽營兵出屯中山北界告幽州刺史其令緣邊郡增置步兵
列屯塞下調五營督師郡舉五人令教習戰射

調選也五營五校也謂長水步兵射聲胡騎車騎等

五校尉也

壬寅廷尉張皓爲司空甲辰詔曰疫癘水潦令人半輸今年

田租傷害什四曰上勿收責不滿者曰實除之十二月辛巳賜王
主貴人公卿曰下布各有差

二年春正月戊申樂安王鴻來朝丁卯常山王章薨二月鮮卑寇
遼東立菟甲辰詔稟貸荆豫兖冀四州流冗貧人所在安業之疾
病致醫藥護烏桓校尉耿擘率南單于擊鮮卑破之三月旱遣使
者錄囚徒疏勒國遣使奉獻夏六月乙酉追尊謚皇妣李氏爲恭
愍皇后葬于恭北陵西域長史班勇敦煌太守張朗討焉耆尉黎

危須三國破之竝遣子貢獻秋七月甲戌朔日有食之壬午太尉

朱寵司徒朱伉罷庚子太常劉光爲太尉錄尙書事光祿勳許敬

爲司徒

劉光字仲遠即太尉劉矩之弟許敬字鴻卿平輿人

辛丑下邳王成薨

三年春正月丙子京師地震漢陽地陷裂甲午詔實覈傷害者賜

年七歲已上錢人二千一家被害郡縣爲收斂乙未詔勿收漢陽

今年田租口賦夏四月癸卯遣光祿大夫案行漢陽及河內魏郡

陳留東郡稟貸貧人六月旱遣使者錄囚徒理輕繫甲寅濟南王

顯薨秋七月丁酉茂陵園復災帝縞素避正殿

爾雅曰縞皓也縹之精白者曰縞

辛亥

使太常王龔持節告祠茂陵九月鮮卑寇漁陽冬十二月己亥太

傅桓焉免

東觀記曰無清介辟召策罷

是歲車騎將軍來歷罷

四年春正月丙寅詔曰朕託王公之上涉道日寡政失厥中陰陽

氣隔寇盜肆暴庶獄彌繁憂悴永歎疾如疾首詩云君子如祉亂

庶遄已

解見章紀

三朝之會朔旦立春嘉與海內洗心自新其赦天下

從甲寅赦令已來復秩屬籍三年正月已來還贖其閭顯江京等

知識婚姻禁錮一原除之

妻父曰婚婿父曰姻一猶皆也

務崇寬和敬順時令遵典去

苛已稱朕意丙子帝加元服

冠也

賜王主貴人公卿已下金帛各有

差賜男子爵及流民欲占者人一級爲父後三老孝悌力田人二

級鰥寡孤獨篤瘡貧不能自存帛人一匹二月戊戌詔已民入山

鑿石發洩藏氣勅有司檢察所當禁絕如建武永平故事夏五月

壬辰詔曰海內頗有災異朝廷修政太官減膳珍玩不御而桂陽

太守文龔

音力公反

不惟竭忠宣暢本朝而遠獻大珠已求幸媚今封

已還之五州雨水秋八月庚子遣使實覈死亡收斂稟賜丁巳太

尉劉光司空張皓免

東觀記曰以陰陽不和久託病策罷

九月復安定北地上郡歸舊土

安帝永初五年徙今復之

癸酉大鴻臚龐參爲太尉錄尚書事太常王龔爲司空

冬十一月庚辰司徒許敬免

東觀記曰為陵使使者策罷以千石祿終身

鮮卑寇朔方十二

月乙卯宗正劉崎為司徒

崎字叔峻華陰人也

是歲分會稽為吳郡枸彌國遣

使貢獻

五年春正月疏勒王遣侍子及大宛莎車王皆奉使貢獻夏四月

京師旱辛巳詔郡國貧人被災者勿收責今年過更京師及郡國

十二蝗冬十月丙辰詔郡國中都官死罪繫囚皆減罪一等詣北

地上郡安定戌乙亥定遠侯班始坐殺其妻陰城公主腰斬

始班超孫也尚

順帝姑陰城公主東觀記曰陰城公主名賢得

同產皆棄市

六年春二月庚午河間王開薨三月辛亥復伊吾屯田

章帝建初二年罷也復

置伊吾司馬一人秋九月辛巳繕起太學護烏桓校尉耿曄遣兵

擊鮮卑破之丁酉于闐王遣侍子貢獻冬十一月辛亥詔曰連年

災潦冀部尤甚比蠲除實傷贍恤窮匱而百姓猶有棄業流亡不

絕疑郡縣用心怠惰恩澤不宣易美損上益下書稱安民則惠

益易

卦曰損上益下人悅無疆惠愛也尚書曰安人則惠黎人懷之

其令冀部勿收今年田租芻橐十二月日南

徼外葉調國揮國遣使貢獻

東觀記曰葉調國王遣使師會詣闕貢獻以師會爲漢辯義葉調邑君賜其君紫綬及揮國王雍田亦賜

金印紫綬

王申客星出牽牛于闐王遣侍子詣闕貢獻

陽嘉元年春正月乙巳立皇后梁氏賜爵人二級三老孝悌力田

三級曾過公乘得移與子若同產同產子民無名數及流民欲占

著者人一級鰥寡孤獨篤瘡貧不能自存者粟人五斛二月海賊

曾旌等寇會稽殺句章鄞三縣長

三縣皆屬會稽鄞縣今越州縣也句章故城在今鄞縣西鄞故城在鄞縣東南鄞

音嶽鄞音茂

攻會稽東部都尉詔緣海縣各屯兵戊丁巳皇后謁高廟光

武廟詔稟甘陵貧人大小口各有差京師旱庚申勅郡國二千石

各禱名山嶽瀆遣大夫謁者詣嵩高首陽山并祠河洛請雨

首陽山在洛陽

東北也戊辰雩已冀部比年水潦民食不贍詔案行稟貸勸農功賑

乏絕甲戌詔曰政失厥和陰陽隔并冬鮮宿雪春無澍雨分禱祈

請靡神不禱說文曰禱設縣最為誓以祈水旱禁音詠詩曰靡神不舉深恐在所慢違如在之義論語曰祭神如

神在今遣侍中王輔等持節分詣岱山東海滎陽河洛盡心祈焉濟水

四瀆之一至河南溢為滎澤故於滎陽祠焉三月揚州六郡妖賊章河等寇四十九縣殺傷長

吏庚寅帝臨辟雍饗射大赦天下改元陽嘉詔宗室絕屬籍者一

切復籍稟冀州尤貧民勿收今年更租口賦夏五月戊寅阜陵王

恢薨秋七月史官始作候風地動銅儀時張衡為太史令作之丙辰呂太學新成

試明經下第者補弟子增甲乙科員各十人前書音義曰甲科謂作簡策難問列置案上在試者意投射取

而答之謂之射策上者為甲次者為乙若錄政化得失繼而問之謂之對策也除郡國耆儒九十人補郎舍人九月詔

郡國中都官繫囚皆減死一等亡命者贖各有差鮮卑寇遼東冬

十一月甲申望都蒲陰狼殺女子九十七人望都縣名屬中山國今定州縣也章帝改山逆為蒲陰亦屬中

山與望都相近故城在今定州北東觀記亦作蒲本多作滿字者誤也東觀記又云為不祠北岳所致詔曰政失厥中狼突為應至乃殘食孤幼博訪其故山岳尊靈國所望秩而比不奉祠淫刑

放濫害加
孕婦也

詔賜狼所殺者錢八三千辛卯初令部國舉孝廉限年四

十月上諸生通章句文吏能成奏乃得應選其有茂才異行若顏

淵子奇不拘年齒

史記曰顏回魯人好學年二十九髮盡白早死新序曰子奇年十八齊君使之化阿至阿鑄兵庫兵以爲耕器出倉粟以賑貧窮阿贈大

化十二月丁未東平王敞薨庚戌復置玄菟郡屯田六郡閏月丁

亥令諸呂詔除爲郎年四十呂上課試如孝廉科者得參廉選歲

舉一人戊子客星出天苑辛卯詔曰聞者呂來吏政不勤故灾咎

屢臻盜賊多有退省所由皆呂選舉不實官非其人是呂天心未

得人情多怨書歌股肱詩刺三事

尙書益稷篇帝作歌曰元首明哉股肱良哉詩小雅曰三事大夫莫肯夙夜邦君諸侯莫肯朝

夕今刺史二千石之選歸任三司

三司三公也卽太尉司空司徒也歸猶委任也其簡序先後精

覈高下歲月之次文武之宜務存厥中庚子恭陵百丈廡灾

恭陵安帝陵也

廡廡屋也說文曰

室下周屋曰廡也是歲起西苑修飾山殿

二年春二月甲申詔呂吳郡會稽飢荒貸人種糧三月使匈奴中

郎將王稠率左骨都侯等擊鮮卑破之辛酉除京師耆儒年六十

已上四十八人補郎舍人及諸王國郎夏四月復置隴西南部都

尉官武帝元朔四年初置南部都尉於隴西臨洮縣中興以來廢至此復置之也己亥京師地震五月庚子詔曰朕

言不德統奉鴻業無言奉順乾坤協序陰陽災害屢見咎徵仍臻

地動之異發自京師矜矜祗畏不知所裁羣公卿士將何言匡輔

不逮奉荅戒異異不空設必有所應其各悉心直言厥咎靡有所

諱戊午司空王龔免六月辛未太常魯國孔扶爲司空扶字仲源疏勒國

獻師子封牛東觀記曰疏勒王轡遣使文時詣闕師子似虎正黃有額形尾端茸毛大加斗封牛其領上肉隆起若封然因以名之卽今之峯牛丁丑洛

陽地陷是月旱秋七月己未太尉龐參免八月己巳大鴻臚沛國

施延爲太尉延字君子新縣人也鮮卑寇代郡冬十月庚午行禮辟雍奏應鍾

始復黃鍾作樂器隨月律子爲黃鍾律長九寸聲有輕重長短度量皆出黃鍾隨月律謂月令正月律中夾鍾二月律中夾鍾三月律中姑洗

四月律中仲呂五月律中蕤賓六月律中林鍾七月律中夷則八月律中南呂九月律中無射十月律中應鍾十一月律中黃鍾十二月律中大呂東觀記曰元和以來首辰不調修復加舊典族首漢

律中應鍾十一月律中黃鍾十二月律中大呂東觀記曰元和以來首辰不調修復加舊典族首漢

三年春二月己丑詔曰久旱京師諸獄無輕重皆且勿考竟須得
澍雨三月庚戌益州盜賊劫質令長殺列侯夏四月丙寅車師後
部司馬率後部王加特奴等掩擊匈奴大破之獲其季母五月戊
戌制詔曰昔我太宗丕顯之德假于上下儉曰恤民政致康乂朕
秉事不明政失厥道天地譴怒大變仍見春夏連旱寇賊彌繁元
元被害朕甚愍之嘉與海內洗心更始其大赦天下自殊死以下
謀反大逆諸犯不當得赦者皆赦除之賜民年八十以上米人一
斛肉二十斤酒五斗九十以上加賜帛人二匹絮三斤秋七月庚
戌鍾羌寇隴西漢陽冬十月護羌校尉馬續擊破之十一月壬寅
司徒劉崎司空孔扶免乙巳大司農南郡黃尙爲司徒光祿勳河
東王卓爲司空

黃尙字伯河南郡郡人也王卓字仲遼河東解人也郎音求紀反

丙午武都塞上屯羌及外

羌攻破屯官驅畧人畜

四年春二月丙子初聽中官得旨養子爲後世襲封爵自去冬旱

至于是月謁者馬賢擊鍾羌大破之夏四月甲子太尉施延免

東觀

記日以遷舉貪汚策罷也

戊寅執金吾梁商爲大將軍前太尉龐參爲太尉六月

己未梁王匡薨秋七月己亥濟北王登薨閏月丁亥朔日有食之

冬十月烏桓寇雲中十一月圍度遼將軍耿种於蘭池

續漢志曰雲中郡沙南縣有蘭

池發諸郡兵救之烏桓退走十二月甲寅京師地震

永和元年春正月夫餘王來朝乙卯詔曰朕秉德不明災眚屢臻

典籍所忌震食爲重今日變方遠地搖京師

東觀記曰陽嘉四年詔曰朕以不德謫見于天零陵言日食京

師不覺故此言日變方遠言日變方遠言日徵不虛必有所應羣公百僚其上封事指陳得失靡

有所諱己巳宗祀明堂登雲臺改元永和太赦天下秋七月偃師

蝗冬十月丁亥承福殿火帝避御雲臺十一月丙子太尉龐參罷

十二月象林蠻夷叛乙巳己巳前司空王龔爲太尉

二年春正月武陵蠻叛圍充縣又寇夷道

充縣屬武陵郡故城在澧州崇義縣東北充音衝夷道屬南郡也

二月廣漢屬國都尉擊破白馬羌武陵太守李進擊叛蠻破之三

月辛亥北海王翼薨乙卯司空王卓薨丁丑光祿勳馮翊郭虔爲

司空

虔字君賢池陽人也

夏四月丙申京師地震五月日南叛蠻攻郡府秋七

月九真交阯二郡兵反八月庚子熒惑犯南斗

熒惑火星也南斗北方之宿也前書音義曰犯謂七

寸內光芒相及

江夏盜賊殺邾長

邾縣屬江夏郡故城在今復州竟陵縣東邾音朱

冬十月甲申行幸長安

所過鰥寡孤獨貧不能自存者賜粟人五斛庚子幸未央宮會三

輔郡守都尉及官屬勞賜作樂十一月丙午祠高廟丁未遂有事

十一陵丁卯京師地震十二月乙亥至自長安

三年春二月乙亥京師及金城隴西地震二郡山岸崩地陷戊子

太白犯熒惑夏四月九江賊蔡伯流寇郡界及廣陵殺江都長戊

戌遣光祿大夫案行金城隴西賜壓死者年七歲自上錢八二千

一家皆被害爲收斂之除今年田租尤甚者勿收口賦閏月蔡伯

流等率眾詣徐州刺史應志降

續漢書曰志字仲節汝南南頓人也曾祖父順

己酉京師地震

五月吳郡丞羊珍反攻郡府太守王衡破斬之六月辛丑琅邪王

遵薨九真太守祝良交阯刺史張喬慰誘日南叛蠻降之嶺外平

續漢書曰祝良字邵卿長沙臨湘人

秋七月丙戌濟北王多薨八月己未司徒黃尚免九

月己酉光祿勳長沙劉壽爲司徒

壽字伯長臨湘人也

丙戌合大將軍三公各

舉故刺史二千石及見令長郎謁者四府掾屬剛毅武猛有謀謨

任將帥者各二人特進卿校尉各一人冬十月燒當羌寇金城護

羌校尉馬賢擊破之羌遂相招而叛十二月戊戌朔日有食之

四年春正月庚辰中常侍張達違政楊定等有罪誅

事見梁高傳也

連及弘

農太守張鳳安平相楊皓下獄死三月乙亥京師地震夏四月癸

卯護羌校尉馬賢討燒當羌大破之戊午大赦天下賜民爵及粟

帛各有差五月戊辰封故濟北惠王壽子安爲濟北王秋八月太原郡旱民庶流冗癸丑遣光祿大夫案行稟貸除更賦冬十月戊午校獵上林苑歷函谷關而還十一月丙寅幸廣成苑

五年春二月戊申京師地震夏四月庚子中山王弘薨南匈奴左

部句龍大人吾斯車紐等叛圍美稷美稷縣屬西河郡也五月度遼將軍馬續

討吾斯車紐破之使匈奴中郎將陳龜追殺南單于己丑晦日有

食之且凍羌寇三輔殺令長且音子余反丁丑令死臯卞下及亡命贖各

有差九月令扶風漢陽築隴道塢三百所置屯兵辛未太尉王龔

罷且凍羌寇武都燒隴關隴山之關也今名大震關在今隴州汧源縣西也壬午太常桓焉爲太

尉丁亥徙西河郡居離石離石縣名在郡南五百九里西河本都平定縣至此徙於離石上郡居夏陽朔方

居五原句龍吾斯等東引烏桓西收羌胡寇上郡立車紐爲單于

冬十一月辛巳遣使匈奴中郎將張耽擊破之車紐降

六年春正月丙子征西將軍馬賢與且凍羌戰於射姑山賢軍敗

沒安定太守郭璜下獄死詔貸王侯國租一歲閏月鞏唐羌寇隴

西遂及三輔二月丁巳有星孛于營室三月武都太守趙冲討鞏

唐羌破之庚子司空郭虔免丁巳河間王政薨丙午太僕趙戒爲

司空

戒字志伯蜀郡成都人也

夏五月庚子齊王無忌薨使匈奴中郎將張耽大破

烏桓羌胡於天山

東觀記曰耽將吏兵繩索相懸上通天山

鞏唐羌寇北地秋七月甲午詔

假民有貲者戶錢一千八月丙辰大將軍梁商薨壬戌河南尹梁

冀爲大將軍九月諸種羌寇武威辛亥晦日有食之冬十月癸丑

徙安定居扶風北地居馮翊十一月庚子呂執金吾張喬行車騎

將軍事將兵屯三輔

漢安元年春正月癸巳宗祀明堂大赦天下改元漢安二月丙辰

詔大將軍公卿舉賢良方正能探賾索隱者各一人

賾幽深也索求也

秋七

月始置承華殿

東觀記曰時以遠近獻馬衆多闕殿充備始置承華殿合秩六百石

八月南匈奴左部大人句

龍吾斯與莫鞬臺耆等反叛

莫音於六反鞬音居言反

丁卯遣侍中杜喬光祿大

夫周舉守光祿大夫郭遵馮羨欒巴張綱周栩劉班等八人分行

州郡班宣風化舉實賊否九月廣陵盜賊張嬰等寇郡縣冬十月

辛未太尉桓焉司徒劉壽免甲戌行車騎將軍張喬罷十一月壬

午司隸校尉趙峻爲太尉大司農胡廣爲司徒

峻字伯師下邳徐人也

癸卯詔

大將軍三公選武猛試用有效驗任爲將校者各一人是歲廣陵

賊張嬰等詣太守張綱降

二年春二月丙辰鄯善國遣使貢獻夏四月庚戌護羌校尉趙沖

與漢陽太守張貢擊燒當羌於參繇破之

參繇縣屬安定郡繇音力全反

六月乙丑熒

惑犯鎮星丙寅立南匈奴守義王兜樓儲爲南單于冬十月辛丑

令郡國中都官繫囚殊死已下出繇贖各有差其不能入贖者遣

詣臨羌縣居作二歲甲辰減百官奉丙午禁沽酒又貸王侯國租

一歲閏月趙冲擊燒當羌於阿陽破之阿陽縣屬天水郡故城在今秦川隴城縣西北十一月使

匈奴中郎將馬寔遣人刺殺句龍吾斯十二月揚徐盜賊攻燒城

寺殺略吏民是歲涼州地百八十震

建康元年春正月辛丑詔曰隴西漢陽張掖北地武威武都自去

年九月已來地百八十震山谷坼裂壞敗城寺殺害民庶夷狄叛

逆賦役重數內外怨曠惟咎歎息其遣光祿大夫案行宣暢恩澤

惠此下民勿爲煩擾三月庚子沛王廣薨領護羌校尉衛琚追討

叛羌破之居音南郡江夏盜賊寇掠城邑州郡討平之夏四月使匈

奴中郎將馬寔擊南匈奴左部破之於是胡羌烏桓悉詣寔降辛

巳立皇子炳爲皇太子改年建康大赦天下賜人爵各有差秋七

月丙午清河王延平薨八月揚徐盜賊范容周生等寇掠城邑遣

御史中丞馮赦督州郡兵討之庚午帝崩于玉堂前殿時年三十
遺詔無起復廟斂已故服珠玉玩好皆不得下

論曰古之人君離幽放而反國祚者有矣莫不矯鑒前違審識情

偽無忘在外之憂離遭也矯正也左傳曰晉侯在外十九年矣故能中興其業

觀夫順朝之政殆不然乎其微僻之多與殆近也言順帝微前之僻不能改正也

孝沖皇帝諱炳論法曰幼少在位曰沖司馬彪曰沖幼早天放諡曰沖伏侯古今注曰炳之字曰明順帝之子也母曰虞

貴人建康元年立爲皇太子其年八月庚午卽皇帝位年二歲尊

皇后曰皇太后太后臨朝丁丑呂太尉趙峻爲太傅大司農李固

爲太尉參錄尙書事九月丙午葬孝順皇帝于憲陵在洛陽西十五里陵高八丈四尺周

三百廟曰敬宗是日京師及太原鴈門地震三郡水涌土裂庚戌詔

三公特進侯卿校尉舉賢良方正幽逸修道之士各一人百僚皆

上封事己未九江太守丘騰有罪下獄死東觀記曰騰知罪法深大懷挾姦巧稽留道墜下獄死也揚

州刺史尹耀九江太守鄧顯討賊范容等於歷陽軍敗耀顯爲賊所歿冬十月日南蠻夷攻燒城邑交趾刺史夏方招誘降之壬申常山王儀薨己卯零陵太守劉康坐殺無辜下獄死十一月九江盜賊徐鳳馬勉等稱無上將軍攻燒城邑己酉令郡國中都官繫囚減死一等徙邊謀反大逆不用此令十二月九江賊黃虎等攻合肥是歲羣盜發憲陵護羌校尉趙沖追擊叛羌於鷓陰河戰歿

涼州姑臧縣東南有鷓陰縣故城因水以爲名

永嘉元年春正月戊戌帝崩于玉堂前殿年三歲清河王蒜徵至京師

孝質皇帝諱纘

論法忠正無弗曰質古今注曰纘之字曰繼

肅宗玄孫曾祖父千乘貞王伉祖

父樂安夷王寵父勃海孝王鴻母陳夫人沖帝不豫大將軍梁冀徵帝到洛陽都亭及沖帝崩皇太后與冀定策禁中丙辰使冀持

節曰王青蓋車迎帝入南宮丁巳封爲建平侯其日卽皇帝位年

八歲己未葬孝沖皇帝于懷陵在洛陽西北十五里伏侯古今注日高四丈六尺周百八十三步廣陵賊張

嬰等復反攻殺堂邑江都長堂邑縣屬廣陵郡今揚州六合縣也九江賊徐鳳等攻殺曲

陽東城長曲陽縣屬九江郡在淮曲之陽故城在今蒙州定遠縣西北東城縣故城在定遠縣東南也甲申謁高廟乙酉謁

光武廟二月豫章太守虞續坐賊下獄死乙酉大赦天下賜人爵

及粟帛各有差還王侯所削戶邑彭城王道薨叛羌詣左馮翊梁

竝降三月九江賊馬勉稱皇帝九江都尉滕撫討馬勉范容周生

大破斬之東觀記曰傳勉頭及所帶玉印鹿皮冠黃衣詣洛陽詔懸夏城門外章示百姓夏四月壬申雩庚辰濟北王

安薨丹陽賊陸宮等圍城燒亭寺丹陽太守江漢擊破之五月甲

午詔曰朕曰不德託母天下布政不明每失厥中自春涉夏大旱

炎赫憂心京京爾雅曰京京憂也故得禱祈明祀冀蒙潤澤前雖得雨而宿

麥頗傷比日陰雲還復開霽寤寐永歎重懷慘結寤覺也寐臥也詩曰寤寐永歎唯憂用老

將二千石令長不崇寬和暴刻之爲乎其令中都官繫囚罪非殊

死者未竟者一切任出曰須立秋也任保郡國有名山大澤能興雲

雨者二千石長吏各繫齊請禱竭誠盡禮又兵役連年死亡流離

或支骸不斂或停棺莫收朕甚愍焉昔文王葬枯骨人賴其德呂氏

春秋曰周文王使人掘地得死人骸文王曰更葬之吏曰此無主文王曰有天下者天下之主今我非其主邪遂令吏以衣棺葬之天下聞之曰文王賢矣澤及枯骨又況人乎今遣

使者案行若無家屬及貧無資者隨宜賜卹曰慰孤魂是月下邳

人謝安應募擊徐鳳等斬之丙辰詔曰孝殤皇帝雖不永休祚而

卽位踰年君臣禮成孝安皇帝承襲統業而前世遂令恭陵在康

陵之上先後相踰失其次序非所曰奉宗廟之重垂無窮之制昔

定公追正順祀春秋善之魯閔公立二年而葬次僖公立僖雖是閔庶兄然嘗爲閔

左傳曰躋僖公逆祀也定公八年經書從祀先公從順也順祀謂躋僖神位於閔下穀梁曰從祀先公貴正也其令恭陵次康陵憲陵次

恭陵曰序親秩爲萬世法六月鮮卑寇代郡秋七月庚寅阜陵王

代薨廬江盜賊攻尋陽又攻盱台音吁夷今楚州縣也滕撫遣司馬王章擊破

之九月庚戌太傅趙峻薨冬十一月己丑南陽太守韓昭坐贓下

獄死東觀記曰強賦一億五千萬檻車徵下獄丙午中郎將滕撫擊廣陵賊張嬰破之丁未中

郎將趙序坐事弃市東觀記曰取錢繒三百七十五萬歷陽賊華孟自稱黑帝攻殺九

江太守楊岑滕撫率諸將擊孟等大破斬之

本初元年春正月丙申詔曰昔堯命四子曰欽天道四子謂義仲羲叔和仲和叔也書曰

乃命羲和欽若昊天鴻範九疇休咎有象尚書曰天乃錫禹洪範九疇孔安國注云洪大也範法也疇類也言天與禹洛出書神龜負文而出列於

背有數至於九禹遂因而第之以成九類其八曰庶徵有休徵咎徵之應休美也咎惡也徵驗也

人君行善政則百穀用成家用平康是休徵也政有乖失則百穀用不成家用不寧是咎徵也休

之與咎皆象人君之政故夫瑞曰和降異因逆感禁微應大前聖所重言

言休咎有象也象或作家政純和則瑞氣降若逆時令則災異感所禁雖微其應君頃者州郡輕慢憲防競逞殘

暴造設科條陷人無罪或曰喜怒驅逐長吏恩阿所私罰枉仇隙至今守闕訴訟前後不絕送故迎新人離其害怨氣傷和曰致災

皆書云明德慎罰

皆過也明德慎罰尚書康誥之言

方春東作育微敬始其敕有司罪

非殊死且勿案驗

言東作之時須有養細微敬事之始禮記月令孟春之月無殺蟲胎天飛鳥無墮無卵度賜遂行無

有不當書曰教敷五教五教在寬

王子廣陵太守王喜坐討賊逗留下獄死二月庚辰

詔曰九江廣陵二郡數離寇害殘夷最甚

謂比年張嬰寇廣度華孟寇九江也生者失其

資業死者委尸原野昔之爲政一物不得其所若已爲之

尚書曰一夫弗獲則

日時予之辜

況我元元嬰此困毒方春戒節賑濟乏厄掩骼埋胔之時

孟春之月行慶施惠下及兆民又曰掩骼埋胔郊

玄注曰爲死氣道生氣也骨枯曰骼肉腐曰胔其調比郡見穀出稟窮弱收葬

枯骸務加理卹呂稱朕意夏四月庚辰令郡國舉明經年五十

上七十呂下詣太學自大將軍至六百石皆遣子受業歲滿課試

呂高弟五人補郎中次五人太子舍人又千石六百石四府掾屬

三署郎四姓小侯先能通經者各令隨家法

四府掾屬謂大將軍府掾屬二十九人太尉府掾屬二十四人

司徒府三十一人司空府二十九人漢官左右中郎將皆秦官也比二千石三署郎皆屬焉三署謂五官署左右署也儒生爲詩者謂之詩家禮者謂之禮家故言各隨家法也四姓小侯解見明

也紀其高弟者上名牒當曰次賞進五月庚寅徙樂安王爲勃海王

海水溢戊申使謁者案行收葬樂安北海人爲水所漂沒死者又

稟給貧羸庚戌太白犯熒惑六月丁巳大赦天下賜民爵及粟帛

各有差閏月甲申大將軍梁冀潛行鳩弒帝崩于玉堂前殿年九

歲丁亥太尉李固免戊子司徒胡廣爲太尉司空趙戒爲司徒與

梁冀參錄尙書事太僕袁湯爲司空

贊曰孝順初立時髦允集

爾雅曰髦俊也郭璞注曰士中之俊猶毛中之髦時張皓王龔龐參張衡李郃李固黃瓊之儔也

匪砥

匪革終淪變習

砥礪也革改也淪沒也言順帝初升天位又聖賢總集不能因茲自砥革前非而終溺於私變近習也謂封孫程等十九人爲侯又詔中官養子

保阿傳土后家世及

保安也阿倚也言可依倚以取安傳姆之類也傳土謂阿母山陽君宋娥更相貨賂求增邑土也后家謂拜后父梁

商爲大將軍商薨仍拜子冀

沖天未識質弒曰聰陵折在運天緒三終

爲大將軍弟不疑爲河南尹遲天折在於時運所以天之屑緒類致三終也

言

孝順孝沖孝質帝紀第六

金陵書局
汲古閣本

後漢書六

孝桓帝紀第七

後漢書七

唐章懷太子賢注

孝桓皇帝諱志

諡法曰克敵服遠曰桓志之字曰意

肅宗曾孫也

祖父河間孝王開父蠡

吾侯翼

順帝時開上書願分蠡吾縣以封翼帝許之蠡吾故城在今瀛州博野縣西蠡音禮

母偃氏

諱明本蠡吾侯之廢妾史記曰偃氏魯繇之後也偃音偃

翼

卒帝襲爵為侯本初元年梁太后徵帝到夏門亭

洛陽城北面西頭門也門外有萬壽亭

將

妻曰女弟

妻音七計反

會質帝崩太后遂與兄大將軍冀定策禁中閏月

庚寅使冀持節召王青蓋車

續漢志曰皇太子皇子皆安車朱班輪青蓋金華蓋故曰王青蓋車也

迎帝入南

宮其日即皇帝位時年十五太后猶臨朝政

東觀記曰太后御御非殿

秋七月乙卯

葬孝質皇帝于靜陵

在洛陽東南三十里陵高五丈五尺周百三十八步

齊王喜薨辛巳謁高廟光

武廟丙戌詔曰孝廉廉吏皆當典城牧民禁姦舉善興化之本恆

必由之詔書連下分明懇惻而在所翫習遂至怠慢選舉乖錯害

及元元頃雖頗繩正猶未懲改方今淮夷未殄軍師屢出

本初元年應江賊攻許台

廣陵賊張嬰等殺江都長山台江都並近淮故言
淮夷時中郎將滕撫屢擊破之其餘眾猶未殄也

百姓疲悴困於徵發庶望羣吏

惠我勞民蠲滌貪穢曰祈休祥其令秩滿百石十歲曰上有殊才
異行迺得參選臧吏子孫不得察舉杜絕邪僞請託之原令廉白

守道者得信其操

信音申
古字通

各明守所司將觀厥後九月戊戌追尊皇

祖河間孝王曰孝穆皇夫人趙氏曰孝穆皇后皇考蠡吾侯曰孝

崇皇冬十月甲午尊皇母偃氏爲孝崇博園貴人

博本漢蠡吾縣之地也
帝既追尊父爲孝崇皇

其陵曰博陵置園廟焉故曰博園在今瀛
州博野縣西貴人位次皇后金印紫綬

建和元年春正月辛亥朔日有食之詔三公九卿校尉各言得失

戊午大赦天下賜吏更勞一歲男子爵人二級爲父後及三老孝

悌力田人三級鰥寡孤獨篤癯貧不能自存者粟人五斛貞婦帛

人三匹灾害所傷什四曰上勿收田租其不滿者曰實際之二月

荆揚二州人多餓死遺四府掾分行賑給沛國言黃龍見譙夏四

月庚寅京師地震詔大將軍公卿校尉舉賢良方正能直言極諫

者各一人又命列侯將大夫御史謁者千石六百石

將謂五官左右虎黃羽林中郎將也大夫博士議郎郎官各上封事指陳得失

博士掌通古今此六百石議郎比六百石又詔大將軍公卿郡國舉至孝篤行之士各一

人壬辰詔州郡不得迫脅驅逐長吏長吏臧滿三十萬而不糾舉

者刺史二千石自縱避爲罪若有擅相假印綬者與殺人同弃市

論丙午詔郡國繫囚減死罪一等勿笞唯謀反大逆不用此書又

詔曰比起陵塋作靜陵也彌歷時歲力役旣廣徒隸尤勤頃雨澤不沾

密雲復散儻或在茲易曰密雲不兩自我西鄰其令徒作陵者減刑各六月是月立

阜陵王代兄勃適亭侯便爲阜陵王

便光武元孫也阜陵王恢之子以順帝陽嘉中封勃爲道亭侯今故封也道音子由反水

阜陵王代兄勃適亭侯便爲阜陵王

傳作便親紀傳郡國六地裂水涌井溢

續漢志曰水溢壞城寺室屋殺人時芝草生

中黃臧府

漢官儀曰中黃臧府掌中幣帛金銀諸貨物也

六月太尉胡廣罷大司農杜喬爲太尉

秋七月勃海王鴻薨蓋帝曾孫也樂安夷王寵之子質帝之父也梁太后改封勃海立帝弟蠡吾侯悝爲勃

海王乙未立皇后梁氏九月丁卯京師地震太尉杜喬免冬十月

司徒趙戒爲太尉戒字志伯蜀郡人也司空袁湯爲司徒前太尉胡廣爲司空

十一月濟陰言有五色大鳥見于己氏續漢志曰時以爲鳳皇或旣衰缺梁冀專權皆羽孽也己氏縣名屬濟陰郡故

城在今宋州楚丘縣也古戎州己氏之邑也戊午減天下死罪一等戍邊清河劉文反殺國相

謝嵩欲立清河王蒜爲天子事覺伏誅蒜坐貶爲尉氏侯徙桂陽

自殺尉氏縣屬陳留郡今汴州縣也前太尉李固杜喬皆下獄死續漢志曰順帝之末京都童謠曰直如弦死道邊曲如鉤反封

侯曲如鉤謂梁冀胡廣等直如弦謂李固等陳留盜賊李堅自稱皇帝伏誅東觀記曰江舍及李堅等

二年春正月甲子皇帝加元服庚午大赦天下賜河間勃海二王

黃金各百斤河間王建勃海王悝彭城諸國王各五十斤彭城王是公主大將軍三公

特進侯中二千石二千石將大夫郎吏從官四姓及梁鄧小侯諸

大夫百下帛各有差年八十百上賜米酒肉九十百上加帛二匹

綿三斤三月戊辰帝從皇太后幸大將軍梁冀府白馬羌寇廣漢

屬國殺長吏益州刺史率板楯蠻討破之板楯西南蠻之號夏四月丙子封

帝弟顧爲平原王奉孝崇皇祀尊孝崇皇夫人馬氏爲孝崇園貴

人嘉禾生大司農帑藏說文曰帑者金布所藏之府也帑佗朗反五月癸丑北宮掖廷中德

陽殿及左掖門火車駕移幸南宮六月改清河爲甘陵立安平王

得子經侯理爲甘陵王安平今定州縣也經今貝州經城縣秋七月京師大水河東言木

連理冬十月長平陳景自號黃帝子署置官屬又南頓管伯亦稱

真人並圖舉兵悉伏誅

三年春三月甲申彭城王定薨夏四月丁卯晦日有食之續漢志曰在東井二

十三度東井主法梁太后枉殺公卿犯天法也五月乙亥詔曰蓋聞天生蒸民不能相理爲之立

君使司牧之君道得於下則休祥著乎上庶事失其序則咎徵見

乎象已上畧成帝詔詞聞者日食毀缺陽光晦暗朕祇懼潛思匪遘啓處

躡也詩小雅曰王事靡盬不遑啓處

傳不云乎日食修德月食修刑

公羊傳之文也

昔孝章帝愍前

世禁徙故建初之元並蒙恩澤流徙者使還故郡沒入者免爲庶

民先皇德政可不務乎其自永建元年迄乎今歲凡諸妖惡支親

從坐及吏民減死徙邊者悉歸本郡唯沒入者不從此令六月庚

子詔大將軍三公特進侯其與卿校尉舉賢良方正能直言極諫

之士各一人乙卯震憲陵寢屋秋七月庚申廉縣雨肉

續漢志曰肉似羊肺或大如手

五行傳云弃法律逐功臣時則有羊禍時則有赤眚赤祥是時梁太后攝政兄冀專權枉誅李固杜喬天下冤之廉縣屬北地郡也

八月乙丑有星孛于

天市

前書曰旗星中四星名曰天市

京師大水九月己卯地震庚寅地又震詔死罪已

下及亡命者贖各有差郡國五山崩冬十月太尉趙戒免司徒袁

湯爲太尉大司農河內張歆爲司徒

歆字

十一月甲申詔曰朕攝政

失中灾眚連仍三光不明陰陽錯序監寐寤歎疾如疾首

監寐言進寢而不寐

覺也今京師廝舍死者相枕

廝舍廝役人之舍

郡縣阡陌處處有之甚違周文

掩齒之義其有家屬而貧無以葬者給直人三千喪主布三匹若

無親屬可於官塲地葬之

嚳官之餘地也前音義曰嚳城郭旁地音奴喚而戀二反

表識姓名爲設祠

祭又徒在作部疾病致醫藥死亡厚埋藏民有不能自振及流移

者稟穀如科州郡檢察務崇恩施以康我民

和平元年春正月甲子大赦天下改元和平己亥詔曰曩者遭家

不造先帝早世

謂順帝崩也詩周頌曰閔予小子遭家不造鄭玄注云造成也言成王遭武王崩家道未成

永惟大宗之重深

思嗣續之福詢謀台輔稽之兆占旣建明哲克定統業天人協和

萬國咸盥元服已加將卽委付而四方盜竊頗有未靜故假延臨

政旨須安謐幸賴股肱禦侮之助殘醜消蕩

謂建和二年長安陳景反南頓管伯等謀反並伏誅

民

和年稔普天率土遐邇洽同遠覽復子明辟之義

尚書曰周公曰朕復子明辟復還也子謂成王

也辟君也謂周公攝政已久故復還明君之政於成王今太后亦還政於帝也

近慕先姑歸授之法

先姑謂安帝閻皇后也爾雅曰婦人謂夫之父曰舅夫之

母曰姑在則曰君舅君

及今令辰皇帝稱制羣公卿士虔恭爾位戮力一

姑歿則曰先舅先姑也

意勉同斷金

金者剛之物也言人能同心則其利可
以斷之也易曰二人同心其利斷金

展也大成則所望矣

詩小雅曰允矣

君子展也大成鄭玄注云允信也展成也大
成謂致太平也言誠能致太平是所望也

二月扶風妖賊裴優自稱皇帝伏誅

裴姓優名也風俗
通曰裴伯益之後

甲寅皇太后梁氏崩三月車駕徙幸北宮甲午葬順

烈皇后夏五月庚辰尊博園優貴人曰孝崇皇后秋七月梓潼山

崩

梓潼縣屬廣漢郡今
始州縣也有梓潼水冬十一月辛巳減天下死罪一等徒邊戍

元嘉元年春正月京師疾疫使光祿大夫將醫藥案行癸酉大赦

天下改元元嘉二月九江廬江大疫甲午河間王建薨夏四月己

丑安平王得薨

河間孝王闕之子初爲
樂成王後改曰安平

京師旱任城梁國飢民相食司徒

張歆罷光祿勳吳雄爲司徒秋七月武陵蠻叛冬十月司空胡廣

罷十一月辛巳京師地震閏月庚午任城王崇薨太常黃瓊爲司

空

二年春正月西域長史王敬爲于寘國所殺

敬殺于寘王建
故國人殺之

丙辰京師

地震夏四月甲寅孝崇皇后閔氏崩庚午常山王豹薨五月辛卯

葬孝崇皇后于博陵秋七月庚辰日有食之八月濟陰言黃龍見

句陽縣名屬濟陰郡左傳曰盟于句瀆之丘是也故城在今曹州乘氏縣北一名穀丘金城言黃龍見允街允街縣名屬金城郡音緣皆

冬十月乙亥京師地震十一月司空黃瓊免十二月特進趙戒爲

司空右北平太守和曷坐臧下獄死

永興元年春二月張掖言白鹿見三月丁亥幸鴻池夏五月丙申

大赦天下改元永興丁酉濟南王廣薨無子國除秋七月郡國三

十二蝗河水溢百姓飢窮流冗道路至有數十萬戶冀州尤甚詔

在所賑給乏絕安慰居業冬十月太尉袁湯免太常胡廣爲太尉

司徒吳雄罷司空趙戒免曰太僕黃瓊爲司徒光祿勳房植爲司

空十一月丁丑詔減天下死罪一等徙邊戍是歲武陵太守應奉

招誘叛蠻降之

二年春正月甲午大赦天下二月辛丑初聽刺史二千石行三年喪服癸卯京師地震詔公卿校尉舉賢良方正能直言極諫者各

一人詔曰比者星辰謬越坤靈震動災異之降必不空發救已修

政庶望有補其輿服制度有踰侈長飾者皆宜損省長音直亮反郡縣務

存儉約申明舊令如永平故事六月彭城泗水增長逆流張衡對策曰水者五行之首逆流者人君之

恩不能下及而敬逆也詔司隸校尉部刺史曰蝗災爲害水變仍至五穀

不登人無宿儲其令所傷郡國種蕪菁呂助人食京師蝗東海胸

山崩胸山名也在今海州胸山縣南九月丁卯朔日有食之詔曰朝政失中雲漢作旱

雲漢詩大雅篇名也周宣王時大旱故作詩曰倬彼雲漢昭回于天鄭玄注云雲漢天河也倬然轉連於天時旱渴雨故宣王夜視天河望其候焉川靈涌水蝗蟲

孳蔓殘我百穀太陽虧光饑饉薦臻其不被害郡縣當爲飢餒者

儲天下一家趣不糜爛則爲國寶其禁郡國不得賣酒祠祀裁足

太尉胡廣免司徒黃瓊爲太尉閏月光祿勳尹頌爲司徒頌字公休孫人減

天下死罪一等徒邊戍蜀郡李伯詐稱宗室當立爲太初皇帝伏

誅冬十一月甲辰校獵上林苑遂至函谷關賜所過道傍年九十

已上錢各有差太山琅邪賊公孫舉等反叛殺長吏

永壽元年春正月戊申大赦天下改元永壽二月司隸冀州飢人

相食司隸州
卽洛陽敕州郡賑給貧弱若王侯吏民有積穀者一切資得十

分之三資音吐得反
又音徒得反已助稟貸其百姓吏民者已見錢雇直雇猶
酬也王侯須

新租迺償須待
也夏四月白鳥見齊國六月洛水溢壞鴻德苑續漢志曰
水溢至津

城門漂流人物時梁冀專政疾
害忠良威權震主後遂誅滅也南陽大水司空房植免太常韓續爲司空續
音

冀等詔太山琅邪遇賊者勿收租賦復更算三年又詔被水死流失

屍骸者令郡縣鉤求收葬及所唐突壓溺物故七歲已上賜錢人

二千壞敗廬舍亡失穀食尤貧者稟人二斛巴郡益州郡山崩益
州

郡名也武帝置諸
本無郡字者誤也秋七月初置太山琅邪都尉官漢官儀曰秦郡有尉一人典兵
禁捕盜賊景帝更名都尉建武

十年省唯邊郡往往置都尉及屬國都尉今二郡寇賊不息故置

南匈奴左臺且渠伯德等叛寇美稷美稷西河縣也

安定屬國都尉張奐討除之

二年春正月初聽中官得行三年服

中官常侍以下

二月甲申東海王臻薨

三月蜀郡屬國夷叛秋七月鮮卑寇雲中太山賊公孫舉等寇青

窵徐三州遣中郎將段熲討破斬之冬十一月置太官右監丞官

漢官儀曰太官右監丞秩比六百石也

十二月京師地震

三年春正月己未大赦天下夏四月九真蠻夷叛太守兒式討之

戰歿遣九真都尉魏朗擊破之復屯據日南閏月庚辰晦日有食

之六月初召小黃門爲守宮令置冗從右僕射官

漢官儀曰守宮令一人黃門冗從僕射一人並

秩六百石京師蝗秋七月河東地裂冬十一月司徒尹頌薨長沙蠻叛寇

益陽縣名屬長沙國在益水之陽今潭州縣也故城在縣東

司空韓續爲司徒太常北海孫朗爲司空

朗字代平

延熹元年春三月己酉初置鴻德苑令

漢官儀曰苑令一人秩六百石

夏五月己酉大

會公卿已下賞賜各有差甲戌晦日有食之京師蝗六月戊寅大

赦天下改元延熹丙戌分中山置博陵郡已奉孝崇皇園陵

博陵郡故城在

今瀛州博野縣也後徙安平

大雩秋七月己巳雲陽地裂甲子太尉黃瓊免太常胡

廣爲太尉冬十月校獵廣成遂幸上林苑十二月鮮卑寇邊使匈

奴中郎將張奐率南單于擊破之

二年春二月鮮卑寇鴈門己亥阜陵王便薨蜀郡夷寇蠶陵殺縣

令三月復斷刺史二千石行三年喪夏京師雨水六月鮮卑寇遼

東秋七月初造顯陽苑置丞丙午皇后梁氏崩乙丑葬懿獻皇后

于懿陵大將軍梁冀謀爲亂八月丁丑帝御前殿詔司隸校尉張

彪將兵圍冀第收大將軍印綬冀與妻皆自殺衛尉梁淑河南尹

梁胤屯騎校尉梁驥越騎校尉梁忠長水校尉梁戟等及中外宗

親數十人皆伏誅太尉胡廣坐免司徒韓續司空孫朗下獄東漢記曰他坐

不衛官止長壽亭侯死一等以爵贖之壬午立皇后鄧氏追廢懿陵為貴人家詔曰梁冀姦

暴濁亂王室孝質皇帝聰敏早茂冀心懷忌畏私行殺毒永樂太

后親尊莫二和平元年有司奏太后所居皆以冀又遏絕禁還京師謂太后常居博園不

得坐洛陽使朕離母子之愛隔顧復之恩禍害深大罪釁日滋賴宗廟之

靈及中常侍單超徐璜具瑗左愴說文曰愴憂也音工與反今作心旁官即愴字也今相傳音愴唐衡尚書

令尹勲等激憤建策內外協同漏刻之間桀逆梟夷梟縣首於木也斯誠社

稷之祐臣下之力宜班慶賞以酬忠勲其封超等五人為縣侯勲

等七人為亭侯五縣侯謂單超新勳侯徐璜武原侯具瑗東武陽侯左愴上蔡侯唐衡汝陽侯七亭侯謂尹勲宜陽都鄉都鄉都亭張敞山陽西鄉陽陽參修武

仁亭李璋宜陽金西虞放寬句呂都亭周永下邳高遷鄉於是舊感恩私多受封爵大司農黃瓊為太尉

光祿大夫中山祝恬為司徒恬字伯林盧奴人大鴻臚梁國盛允為司空允字

初置祕書監官漢官儀祕書監一人秩六百石冬十月壬申行幸長安乙酉幸未央宮

甲午祠高廟十一月庚子遂有事十一陵壬寅中常侍單超爲車
騎將軍十二月己巳至自長安賜長安民粟人十斛園陵人五斛
行所過縣三斛燒當等八種羌叛寇隴右護羌校尉段熲追擊於
羅亭破之

東觀記曰追到積石山卽與羅亭相近在今鄯州也

天竺國來獻

三年春正月丙申大赦天下丙午車騎將軍單超薨閏月燒當羌

叛寇張掖護羌校尉段熲追擊於積石大破之

積石山在今鄯州龍支縣南卽禹貢云過河積石是也

白馬令李雲坐直諫下獄死夏四月上郡言甘露降五月甲戌漢

中山崩六月辛丑司徒祝恬薨七月司空盛允爲司徒太常虞放

爲司空

放字子仲陳留人也

長沙蠻寇郡界九月太山琅邪賊勞丙等復叛寇

掠百姓遣御史中丞趙某

史闕名

持節督州郡討之丁亥詔無事之官

權絕奉豐年如故冬十一月日南蠻賊率眾詣郡降勒姐羌圍允

街勒姐羌

勒姐羌野反

段熲擊破之太山賊叔孫無忌攻殺都尉侯章十二月

遣中郎將宗資討破之武陵蠻寇江陵車騎將軍馮緄討皆降散
荊州刺史度尚討長沙蠻平之

四年春正月辛酉南宮嘉德殿火戊子丙署火

丙署署名也續漢志曰丙署長七人秩百石黃綬臣

者爲之主
中宮別處

大疫二月壬辰武庫火司徒盛允免大司農种暲爲司徒

三月省冗從右僕射官

永壽三年置

太尉黃瓊免夏四月太常劉矩爲太

尉甲寅封河間王開子博爲任城王五月辛酉有星孛于心丁卯

原陵長壽門火己卯京師雨雹

東觀記曰大如雞子續漢志曰誅殺過差龍小人也

六月京兆扶風

及涼州地震庚子岱山及博尤來山並頽裂

博今博城縣也太山有徂來山一名尤來

己酉大

赦天下司空虞放免前太尉黃瓊爲司空隗爲屬國夷寇鈔百姓

益州刺史山昱擊破之零吾羌與先零諸種並叛寇三輔秋七月

京師零滅公卿旨下奉貢王侯半租占賣關內侯虎賁羽林緹騎

營士五大夫錢各有差九月司空黃瓊免大鴻臚劉寵爲司空冬

十月天竺國來獻南陽黃武與襄城惠得昆陽樂季詆言相署皆
伏誅先零沈氏羌與諸種羌寇并涼二州十一月中郎將皇甫規
擊破之十二月夫餘王遣使來獻

五年春正月省大官右監丞

永壽三年道

壬午南宮丙署火三月沈氏羌

寇張掖酒泉壬午濟北王次薨夏四月長沙賊起寇桂陽蒼梧

東觀

記曰時攻沒蒼梧取銅虎符太守甘定刺史侯輔各奔出城桂陽郡在桂水之陽今連州縣

驚馬逸象突入宮殿乙丑恭陵東

闕火

案帝陵也

戊辰虎賁掖門火己巳太學西門自壞五月康陵園復火

案帝陵也長沙零陵賊起攻桂陽蒼梧南海交阯遣御史中丞盛修督州

郡討之不克乙亥京師地震詔公卿各上封事甲申中藏府承祿

署火秋七月己未南宮承善闈火

爾雅曰宮中門謂之闈闈廣雅曰闈謂之闈

烏吾羌寇漢陽隴

西金城諸郡兵討破之八月庚子詔減虎賁羽林住寺不任事者

半奉勿與冬衣

東觀記曰以京師水旱疫病將寢空虛虎賁羽林不任事者住寺減半奉據此謂簡選疲弱不勝軍事者留住寺也

其公卿已

下給冬衣之半艾縣賊焚燒長沙郡縣寇益陽殺令

車觀記曰時賊乘剽史車屯據臨湖居未

守舍賊萬人以上屯益陽殺長吏艾縣名屬豫章郡故城在今洪州建昌縣

又零陵蠻亦叛寇長沙己卯罷琅邪都

尉官

永壽元年置

冬十月武陵蠻叛寇江陵南郡太守李肅坐奔北奔市

辛丑己太常馮緄爲車騎將軍討之假公卿己下奉又換王侯租

己助軍糧出濯龍中藏錢還之十一月馮緄大破叛蠻於武陵京

兆虎牙都尉宗謙坐臧下獄死

京兆虎牙都尉屯長安見西羌傳

滇那羌寇武威張掖

酒泉太尉劉矩免太常楊秉爲太尉

六年春二月戊午司徒种暲薨三月戊戌大赦天下衛尉潁川許

栩爲司徒

栩字季關鄆人

夏四月辛亥康陵東署火五月鮮卑寇遼東屬國

秋七月甲申平陵園寢火

平陵昭帝陵也

桂陽盜賊李研等寇郡界武陵蠻

復叛太守陳奉與戰大破降之隴西太守孫羌討滇那羌破之八

月車騎將軍馮緄免冬十月丙辰校獵廣成遂幸函谷關上林苑

十一月司空劉寵免南海賊寇郡界十二月衛尉周景爲司空

七年春正月庚寅沛王榮薨三月癸亥隕石于鄠夏四月丙寅梁

王成薨五月己丑京師雨雹秋七月辛卯趙王乾薨野王山上有

死龍荊州刺史度尚擊零陵桂陽盜賊及蠻夷大破平之冬十月

壬寅南巡狩庚申幸章陵祠舊宅遂有事于園廟賜守令旨下各

有差戊辰幸雲夢臨漢水還幸新野祠湖陽新野公主魯哀王壽

張敬侯廟

光武姊湖陽長公主新野長公主兄魯哀王舅壽張敬侯樊重並光武時立廟

護羌校尉段熲擊當煎羌破

之十二月辛丑車駕還宮

八年春正月遣中常侍左悺之苦縣祠老子

史記曰老子者楚苦縣厲鄉曲仁里人也名耳字聃姓李氏爲

周守藏史有神廟故就祠之苦縣屬陳國故城在今亳州谷陽縣也苦音戶又如字

勃海王悝謀反降爲廩陶王

廩陶縣屬

城在今趙州廩陶縣西南

丙申晦日有食之詔公卿校尉舉賢良方正己西南宮嘉

德翼黃龍見千秋萬歲殿火太僕左稱有孛自殺癸亥皇后鄧氏

廢河南尹鄧萬世

鄧后之叔父

虎賁中郎將鄧會下獄死

鄧后之兄子

護羌校尉

段熲擊罕姐羌破之三月辛巳大赦天下夏四月甲寅安陵園寢

火

惠帝陵也

丁巳壞郡國諸房祀

房謂祠堂也王漢傳曰時唯密縣存故太傅卓茂廟洛陽留令王漢祠

濟陰東郡濟

北河水清五月壬申罷太山都尉官

永壽元年置

丙戌太尉楊秉薨丙辰

緱氏地裂桂陽胡蘭朱蓋等復反攻沒郡縣轉寇零陵零陵太守

陳球拒之遣中郎將度尚長沙太守抗徐等擊蘭蓋大破斬之

書曰抗徐字伯徐丹陽人少爲郡佐史有膽智策畧三府表徐有將率之任特遷長沙太守風俗通曰衛大夫三抗之後漢有抗喜爲漢中太守

蒼梧太守張敘

爲賊所執又桂陽太守任胤背敵畏懦皆奔市閏月甲午南宮長

秋和歡殿後鉤楯掖庭朔平署火

長秋宮名漢官曰朔平署司馬一人

六月段熲擊當煎

羌於湟中大破之

湟水名在今鄭州湟水縣

秋七月太中大夫陳蕃爲太尉八月戊

辰初令郡國有田者畝斂稅錢

空周景免太常劉茂爲司空

茂字叔盛彭城人也

辛巳立貴人竇氏爲皇后勃

海妖賊蓋登等

蓋音古蓋反

稱太上皇帝有玉印珪璧鐵券相署置皆伏

朱續漢書曰時登等有玉印五皆如白石文曰皇帝信而皇帝行璽其三言無文字璧二十二珪五鐵券十一開王廟帶玉綬衣終衣相署置也

十一月壬子德

陽殿西閭黃門北寺火延及廣義神虎門燒殺人

廣義神虎洛陽宮西門也在金商門外袁山松

書曰是時連月火災諸宮寺或一日再三發又夜有訛言擊鼓相驚陳蕃等上疏諫曰唯善政可以已之書奏不省

使中常侍管霸之苦縣祠

老子

九年春正月辛亥朔日有食之詔公卿校尉郡國舉至孝沛國戴

異得黃金印無文字遂與廣陵人龍尚等共祭并作符書稱太上

皇伏誅

東觀記曰戴異鉏田得金印到廣陵以與龍尚

己酉詔曰比歲不登人多飢窮又有水旱

疾疫之困盜賊徵發南州尤甚

謂長沙桂陽零陵等郡也並屬荊州

灾異日食謹告累至

政亂在子仍獲咎徵其令大司農絕今歲調度徵求及前年所調

未畢者勿復收責其灾旱盜賊之郡勿收租餘郡悉半入三月癸

巳京師有火光轉行人相驚諫司隸豫州飢死者什四五至有滅

戶者遣三府掾賑稟之陳留太守韋毅坐臧自殺夏四月濟陰東
郡濟北平原河水清司徒許栩免五月太常胡廣爲司徒六月南
匈奴及烏桓鮮卑寇緣邊九郡秋七月沈氏羌寇武威張掖詔舉
武猛三公各二人卿校尉各一人太尉陳蕃免庚午祠黃老於濯
龍宮遣使匈奴中郎將張奐擊南匈奴烏桓鮮卑九月光祿勳周
景爲太尉南陽太守成瑨太原太守劉質並言譖弃市時小黃門趙津犯法質考殺之

宦官心志有司承旨奏實等

司空劉茂免大秦國王遣使奉獻

時國王安敦獻象牙角玳瑁

冬十二月

洛城傍竹栢枯傷光祿勳汝南宣豐爲司空鄴字伯應封東陽亭侯南匈奴烏桓

率眾詣張奐降司隸校尉李膺等二百餘人受誣爲黨人並坐下

獄書名王府

河內牛修告之事具劉淑傳

永康元年春正月先零羌寇三輔中郎將張奐破平之當煎羌寇
武威護羌校尉段熲追擊於鸞鳥大破之鸞鳥縣名屬武威郡西羌悉平夫

餘王寇玄菟太守公孫域與戰破之夏四月先零羌寇三輔五月

丙申京師及上黨地裂廬江賊起寇郡界壬子晦日有食之詔公

卿校尉舉賢良方正六月庚申大赦天下悉除黨錮改元永康

李時

膺等頗引宦者子弟宦官多懼請帝

以天時當赦帝許之敢除黨錮也 丙寅阜陵王統薨秋八月魏郡言嘉禾生

甘露降巴郡言黃龍見

續漢志曰時人欲就沱浴見沱水濁因戲相恐此中有黃龍語遂行人間郡欲以爲美故上言之時史以書帝紀桓帝政

化衰缺而多言瑞應皆此類也先儒言瑞

與非時則爲妖孽而人言生龍皆龍孽也 六州大水勃海海盜詔州郡賜溺死

者七歲呂上錢人二千一家皆被害者悉爲收斂其亡失穀食稟

人三斛冬十月先零羌寇三輔使匈奴中郎將張奐擊破之十一

月西河言白兔見十二月壬申復慶陶王悝爲勃海王丁丑帝崩

于德陽前殿年三十六戊寅尊皇后曰皇太后太后臨朝是歲復

博陵河間二郡比豐沛

論曰前史稱桓帝好音樂善琴笙

前史謂飾芳林而考濯龍之宮

薛綜

注東京賦云濯龍殿名芳林謂兩旁樹木蘭也

考成也既成而祭之左傳曰考仲子之宮也

設華蓋曰祠浮圖老子

浮圖今僧也漢志曰祀老子

於濯龍宮文穎為壇飾瀆金銀器設華蓋之坐用郊天樂

斯將所謂聽於神乎

左傳曰史黜曰國將興聽於人將亡聽於神

及誅梁冀

奮威怒天下猶企其休息而五邪嗣虐流行四方

五邪謂單超徐璜左悺唐衡具瑗也

自

非忠賢力爭屢折姦鋒

忠賢謂李膺陳蕃賈武黃瓊宋穆劉淑劉陶等各上書極諫以折宦官等姦謀之鋒也

雖願依樹

流彘亦不可得已

帝王紀曰夏帝相為舉所逐相道都商丘依同姓諸侯斟灌斟尋氏史記曰周厲王好利暴虐周人相與畔而襄厲王王出奔于彘言帝寵幸

宦豎令執威權賴忠臣李膺等竭力諫爭以免篡弑之禍不然則難願如夏相依周王流彘不可得也斟灌斟尋國故城在今青州掖晉地也

贊曰桓自宗支越躋天祿

越謂非次也躋升也天祿天位也左傳子家適曰天祿不冉

政移五倖刑淫三

獄

侍佞也淫濫也五倖卽上五邪也三獄謂李固杜弼李雲杜眾成瑨劉質也

傾宮雖積身身靡續

帝王紀曰紂多發美女綾紈者三百餘人據桓帝納三皇后又博採宮女五六千人並無子也

以充傾宮之室婦人衣

孝桓帝紀第七

金匱藏書局
清古閣本

後漢書七

孝靈帝紀第八

後漢書八

唐章懷太子賢注

孝靈皇帝諱宏

諡法曰亂而不損曰靈伏候古今注曰宏之字曰大

肅宗玄孫也會祖河間孝王開

祖淑父長世封解瀆亭侯

淑以河間王子封為解瀆亭侯長世封故言世封也解瀆亭在今定州義豐縣東北也

帝襲侯

爵母董夫人桓帝崩無子皇太后與父城門校尉竇武定策禁中

使守光祿大夫劉儵持節將左右羽林至河間奉迎

續漢志曰桓帝之初京師童謠曰城

上烏尾畢通公為吏子為徒一徒死百乘車車班班入河間河間妣女工數錢以錢為室金為堂石上憐憐春黃梁梁下有懸鼓我欲擊之丞卿怒城上烏者虛高聘食不與下共謂人主多聚斂也公為吏子為徒者言蠻夷叛逆父既為軍吏子弟又為卒徒往擊之也一徒死百乘車者言前一一人討胡既死矣後又遣百乘車往也車班班者言乘輿班班入河間迎靈帝也此女數錢言帝既立其母永樂太后好聚金以為堂室也石上憐憐者言太后雖積金錢猶憐憐常若不足使人春黃梁而食之也我欲擊之者言太后教帝使賣官受錢天下忠篤之士怨望欲擊鼓求見卿懸鼓者復怒而止我也

建寧元年春正月壬午城門校尉竇武為大將軍己亥帝到夏門

亭

東觀記曰到夏門外萬壽亭臺臣謁見使竇武持節召王青蓋車迎入殿中庚子即皇帝

位年十二改元建寧己前太尉陳蕃爲太傅與竇武及司徒胡廣

參錄尚書事使護羌校尉段熲討先零羌二月辛酉葬孝桓皇帝

于宣陵在洛陽東南二十里高十二丈周三百步廟曰威宗庚午謁高廟辛未謁世祖廟大赦

天下賜民爵及帛各有差段熲大破先零羌於逢義山山在今原州高平縣逢一作逢

閏月甲午追尊皇祖爲孝元皇夫人夏氏爲孝元皇后考爲孝仁

皇夫人董氏爲慎園貴人慎園在今瀛州樂壽縣東南俗呼爲二皇陵夏四月戊辰太尉周景

薨司空宣酆免長樂衛尉王暢爲司空五月丁未朔日有食之詔

公卿以下各上封事及郡國守相舉有道之士各一人又故刺史

二千石清高有遺惠爲眾所歸者皆詣公車太中大夫劉矩爲太

尉六月京師雨水秋七月破羌將軍段熲復破先零羌於涇陽涇陽

縣名屬安定故城在原州涼縣南也八月司空王暢免宗正劉寵爲司空九月丁亥中常

侍曹節矯詔誅太傅陳蕃大將軍竇武及尚書令尹勳侍中劉瑜

屯騎校尉馮述皆夷其族。景帝后遷于南宮。太后名武，密謀欲誅司節，今武等謀故太后被遷。司

徒胡廣爲太傅錄尚書事。司空劉寵爲司徒，大鴻臚許栩爲司空。

冬十月甲辰晦，日有食之。令天下繫囚罪未決，入縑贖，各有差十

一月，太尉劉矩免。太僕沛國聞人襲爲太尉。姓聞人名襲，字定卿，風俗通曰少正卯魯一閭人，其後氏焉。

十二月，鮮卑及濊貊寇幽并二州。

二年春正月丁丑，大赦天下。三月乙巳，尊慎園董貴人爲孝仁皇

后。續漢志曰：置永樂宮儀，如桓帝尊區貴人之禮。夏四月癸巳，大風雨雹。詔公卿以下各上封事。

五月，太尉聞人襲罷。司空許栩免。六月，司徒劉寵爲太尉，太常許

訓爲司徒。訓字季師，平輿人。太僕長沙劉翬爲司空。翬字重靈。秋七月，破羌將軍段

熲大破先零羌於射虎塞外谷東。羌悉平。九月，江夏蠻叛州郡。討

平之。丹陽山越賊圍太守陳黃，黃擊破之。冬十月丁亥，中常侍侯

覽諷有司奏前司空虞放、太僕杜密、長樂少府李膺、司隸校尉朱

瑀潁川太守巴肅沛相荀翌河內太守魏朗山陽太守翟超皆爲

鈞黨下獄鈞謂相牽引也事見劉淑李膺傳死者百餘人妻子徙邊諸附從者錮及五

屬五屬謂五服內親也制詔州郡大舉鈞黨於是天下豪傑及儒學行義者一

切結爲黨人續漢志曰建寧中京郡長首皆以華方筭爲裝具時有識者竊言華筭郡國讎篋也後黨人禁錮會赦有疑者皆讎廷尉人名悉入方筭中庚

子晦日有食之十一月太尉劉寵免太僕郭禧爲太尉字公勇扶溝人也舊言僞鮮

卑寇并州是歲長樂太僕曹節爲車騎將軍百餘日罷

三年春正月河內人婦食夫河南人夫食婦三月丙寅晦日有食

之夏四月太尉郭禧罷太中大夫閭人襲爲太尉秋七月司空劉

翬罷八月大鴻臚喬玄爲司空九月執金吾董寵下獄死冬濟南

賊起攻東平陵東平陵縣名屬濟南國故城在今濟州東鬱林烏潁民相率屬烏潁南方夷號也廣州記曰其俗食

人以鼻飲水口中進噉如故

四年春正月甲子帝加元服天賜公卿下各有差唯黨

人不赦二月癸卯地震海水溢河水清三月辛酉朔日有食之太

尉聞人襲免太僕李咸爲太尉南西北至六百石各上封

事大疫使中謁者巡行致醫藥司徒許訓免司空橋玄爲司徒夏

四月太常來豔爲司空豔字季德南陽新野人五月河東地裂雨雹山水暴出秋

七月司空來豔免癸丑立貴人宋氏爲皇后執金吾宋顯女前年人掖庭爲貴人司徒橋

玄免太常宗俱爲司空俱字伯儂南陽安衆人前司空許栩爲司徒冬鮮卑寇并

州

熹平元年春三月壬戌太傅胡廣薨夏五月己巳大赦天下改元

熹平長樂太僕侯覽有罪自殺六月京師雨水癸巳皇太后竇氏

崩秋七月甲寅葬桓思皇后宦官諷司隸校尉段熲捕繫太學諸

生千餘人時有人書朱雀闕云天下大亂公卿皆尸祿故捕之事見宦者傳冬十月勃海王悝被誣謀反丁

亥悝及妻子皆自殺十一月會稽人許生自稱越王寇郡縣東觀記曰會稽

許昭遠眾自稱大將軍立
父生爲越王攻破郡縣

遣揚州刺史臧昱丹陽太守陳寅討破之十二
月司徒許栩罷大鴻臚袁隗爲司徒鮮卑寇并州是歲甘陵王恢

薨

二年春正月大疫使使者巡行致醫藥丁丑司空宗俱薨二月壬

午大赦天下呂光祿勳楊賜爲司空三月太尉李咸免夏五月呂

司隸校尉段熲爲太尉沛相師遷坐誣罔國王下獄死

國王陳豎王寵也臣賢案陳敬

王傳云國相師遷又東觀記云陳行相師遷秦沛相魏愔前爲
陳相與陳王寵交通明魏愔爲沛相此言師遷爲沛相益證也

六月北海地震東萊北

海海水溢續漢志曰時出大魚二枚各長八九丈高二丈餘秋七月司空楊賜免太常熲川唐珍

爲司空冬十二月日南徼外國重譯貢獻太尉段熲罷鮮卑寇幽

并二州癸酉晦日有食之
三年春正月夫餘國遣使貢獻二月己巳大赦天下太常陳耽爲
太尉耽字漢公東海人也三月中山王暢薨無子國除夏六月封河間王利子

康爲濟南王奉孝仁皇祀秋洛水溢冬十月癸丑令天下繫囚罪未決入縑贖十一月揚州刺史臧身率丹陽太守陳賁大破許生於會稽斬之任城王博薨十二月鮮卑寇北地北地太守夏育追擊破之鮮卑又寇并州司空唐珍罷永樂少府許訓爲司空

四年春三月詔諸儒正五經文字刻石立于太學門外封河間王

建孫佗爲任城王建桓帝弟也夏四月郡國七大水五月丁卯大赦天下

延陵園灾成帝陵也在今戚陽縣西遣使者持節告祠延陵鮮卑寇幽州六月弘農

三輔螟遣守宮令之鹽監穿渠爲民興利前漢地理志及續漢郡國志並無鹽今蒲州安邑縣西南有鹽城監也

令郡國遇灾者減田租之半其傷害什四已上勿收責冬十月丁

巳令天下繫囚罪未決入縑贖拜冲帝母虞美人爲憲園貴人順帝

虞美人也憲園在洛陽東北質帝母陳夫人爲渤海孝王妃渤海孝王馮之夫人也改平準爲中準

漢官儀曰平準令一人秩六百石也使宦者爲令列於內署自是諸署悉已闕人爲丞令

五年夏四月癸亥大赦天下益州郡夷叛太守李顥討平之復崇

高山名爲嵩高山

前書武帝祠中嶽改嵩高爲崇高東觀記曰使中郎將堂發典請兩因上言改之名爲嵩高山

大雩使侍御史

行詔獄亭部理冤枉原輕繫休囚徒五月太尉陳耽罷司空許訓

爲太尉閏月永昌太守曹鸞坐訟黨人奔市

訟謂申理之也其言切直帝怒鸞車送槐里獄掠殺之也

黨人門生故更父兄弟在位者皆免官禁錮六月壬戌太常南

陽劉逸

逸字太邁安眾人

爲司空秋九月太尉許訓罷光祿勳劉寬爲太尉

冬十月壬午御殿後槐樹自拔倒豎司徒袁隗罷十一月丙戌光

祿大夫楊賜爲司徒十二月甘陵王定薨試太學生年六十曰上

百餘人除郎中太子舍人至王家郎郡國文學吏

漢官儀曰太子舍人王家郎中並秩二百石無員

是歲鮮卑寇幽州沛國言黃龍見譙

六年春正月辛丑大赦天下二月南宮平城門及武庫東垣屋自

壞平城門洛陽城南門也蔡邕曰平城門正陽之門與宮連郊祀法駕所從出門

夏四月

大旱七州蝗鮮卑寇三邊

謂東西與北邊

而賈民爲宣陵孝子者數十人皆

除太子舍人秋七月司空劉逸免衛尉陳球爲司空八月遣破鮮

卑中郎將田晏出雲中使匈奴中郎將臧昱與南單于出鴈門護

烏桓校尉夏育出高柳並伐鮮卑晏等大敗冬十月癸丑朔日有

食之太尉劉寬免帝臨辟雍辛丑京師地震辛亥令天下繫囚罪

未決入縲贖十一月司空陳球免十二月甲寅太常河南孟馱爲

太尉

馱字叔達音乙六反

庚辰司徒楊賜免太常陳耽爲司空鮮卑寇遼西永

安太僕王昱下獄死

永安宮之太僕也

光和元年春正月合浦交趾烏潯蠻叛招引九真日南民攻沒郡

縣太尉孟馱罷二月辛亥朔日有食之癸丑光祿勳陳國袁滂爲

司徒

滂字公深

己未地震始置鴻都門學生

鴻都門名也於內置學時其中諸生皆赦州郡三公舉召能爲尺牘辭賦及工書寫

篆者相繼試至千人焉

三月辛丑大赦天下改元光以太常常山張顛爲太尉

顛字

智明搜神記曰顯爲梁相新雨後有鴻飛翔近地令人避
之墮地化爲圓石顯命權破得一金印文曰忠孝侯印
夏四月丙辰地震侍中寺

雌雞化爲雄司空陳耽免太常來豔爲司空五月壬午有白衣人

入德陽殿門亡去不獲東觀記曰白衣人言梁伯夏教我上殿與中黃門相語因忽不見六月丁丑有黑氣

墮所御溫德殿庭中東觀記曰墮所御溫明殿庭中如車蓋隆起奮迅五色有頭體長十餘丈形貌似龍秋七月壬子青

虹見御坐玉堂後殿庭中洛陽宮殿名南宮有玉堂前後殿據楊賜傳云愼嘉德殿前八月有星孛于天

市九月太尉張顥罷太常陳球爲太尉司空來豔薨冬十月屯騎

校尉袁逢爲司空皇后宋氏廢后父執金吾鄴下獄死丙子晦日

有食之十一月太尉陳球免十二月丁巳光祿大夫橋玄爲太尉

是歲鮮卑寇酒泉京師馬生人京房易傳曰諸侯相伐厥厥馬生人初開西邸賣官自關

內侯虎賁羽林入錢各有差山陽公載記曰時賣官上千石二千萬四百石四百萬其以德次應選者半之或三分之一於西園立庫以貯之

私令左右賣公卿公千萬卿五百萬

二年春大疫使常侍中謁者巡行致醫藥三月司徒袁滂免大鴻

臚劉邵爲司徒即學季承乙丑太尉橋玄罷太中大夫段熲爲太尉京兆

地震司空袁逢罷太常張濟爲司空濟字元江細陽人夏四月甲戌朔日有

食之辛巳中常侍王甫及太尉段熲並下獄死了西大赦天下諸

黨人禁錮小功已下皆除之時上祿長和海言黨人錮及五族有乖典訓帝從之東平王瑞薨五

月衛尉劉寬爲太尉秋七月使匈奴中郎將張修有罪下獄死時張

修擅斬單于呼微更立羌渠爲單于故坐死冬十月甲申司徒劉邵永樂少府陳球衛尉陽球

步兵校尉劉納謀誅宦者事泄皆下獄死巴郡板楯蠻叛遣御史

中丞蕭瑗督益州刺史討之不剋十二月光祿勳楊賜爲司徒鮮

卑寇幽并二州是歲河間王和薨洛陽女子生兒兩頭四臂京房易傳曰二

首下不一也厥妖人生兩頭

三年春正月癸酉大赦天下二月公府駐駕廡自壞公府三公府也駐駕停車處也廡廊

屋也音無禹反續漢志云南北四十餘間三月梁王元薨夏四月江夏蠻叛六月詔公卿舉

能通尚書毛詩左氏穀梁春秋各一人悉除議郎秋表是地震洞

水出表是縣屬酒泉郡故城在今甘州張掖縣西北也八月令繫囚罪未決入縑贖各有差冬閏

月有星孛于狼弧二星名也鮮卑寇幽并二州十二月己巳立貴人何氏

為皇后南陽宛人也車騎將軍何貢女也是歲作畢圭靈昆苑畢圭苑有二東畢圭苑周一千五百步中有魚梁臺西畢圭苑周三

千三百步並在洛陽宣平門外也

四年春正月初置驂驥殿丞領受郡國調馬驂驥音馬也調謂徵發也豪右辜摧馬

一匹至二百萬前書音義曰辜障也推專也謂障餘人賣買而自取其利二月郡國上芝莢草夏四月

庚子大赦天下交阯刺史朱儁討交阯合浦烏滸蠻破之六月庚

辰雨雹續漢書曰雹大如雞子秋七月河南言鳳皇見新城羣鳥隨之賜新城令

及三老力田帛各有差九月庚寅朔日有食之太尉劉寬免衛尉

許馊為太尉閏月辛酉北宮東掖庭永巷署灾永巷宮中署名也漢官儀曰令一人宦者為之秋六

百石掌宮司徒楊賜罷冬十月太常陳耽為司徒鮮卑寇幽并二州

婢侍使

是歲帝作列肆於後宮使諸宋女販賣更相盜竊爭鬪帝著商估

服飲宴爲樂又於西園弄狗著進賢冠帶綬

三禮圖曰進賢冠文官服之前高七寸後高三寸長八寸續漢

志曰靈帝寵用便嬖子弟轉相汲引賣關內侯直五百萬令長強者貪如豺狼弱者畧不類物實狗而冠也昌邑王見狗冠方山冠龔遂曰王之左右皆狗而冠

又駕四驢

帝躬自操轡驅馳周旋京師轉相放效

續漢志曰驢者乃服重致遠上下山谷野人之所用耳何有帝王君子而驂駕

之乎天意若曰國且大亂賢愚倒植凡執政者皆如驢也

五年春正月辛未大赦天下二月大疫三月司徒陳耽免夏四月

旱太常袁隗爲司徒五月庚申永樂宮署灾

續漢志曰德陽前殿西北人門內永樂太后宮署灾秋

七月有星孛于太微巴郡板楯蠻詣太守曹謙降癸酉令繫囚罪

未決入縑贖八月起四百尺觀於阿亭道冬十月太尉許馡罷太

常楊賜爲太尉校獵上林苑歷函谷關遂巡狩于廣成苑十二月

還幸太學

六年春正月日南徼外國重譯貢獻二月復長陵縣比豐沛三月

辛未大赦天下夏大旱秋金城河水溢五原山岸崩始置圍圉署
呂宦者爲令冬東海東萊琅邪井中冰厚尺餘大有年

中平元年春二月鉅鹿人張角自稱黃天其部師有三十六萬皆

著黃巾同日反叛續漢書曰三十六萬餘人安平甘陵人各執其王呂應之安平王續甘陵王忠

三月戊申呂河南尹何進爲大將軍將兵屯都亭置八關都尉官

都亭在洛陽八關謂函谷廣城尹關大谷轅轅旋門小平津而津也王子大赦天下黨人還諸徙者時中常侍呂彊言於帝曰黨網

久積若覆黃巾合謀悔之無赦帝懼皆赦之唯張角不赦詔公卿出馬弩舉列將子孫及吏民

有明戰陣之畧者詣公車遣北中郎將盧植討張角左中郎將皇

甫嵩右中郎將朱儁討潁川黃巾庚子南陽黃巾張曼成攻殺郡

守褚貢夏四月太尉楊賜免太僕弘農鄧盛爲太尉盛字伯龍司空張濟

罷大司農張溫爲司空朱儁爲黃巾波才所敗侍中向栩張鈞坐

言宦者下獄死時鈞上書曰今斬常侍懸其首於南郊以謝天下卽兵自消也帝以章示常侍赦下獄也汝南黃巾敗太守

趙謙於邵陵

邵陵縣名屬汝南郡故城在今豫州鄆城縣東

廣陽黃巾殺幽州刺史郭勳及太守

劉衛五月皇甫嵩朱儁復與波才等戰於長社大破之

長社今許州縣也故城在長葛

西六月南陽太守秦頡擊張曼成斬之交阯屯兵執刺史及合浦太

守來達自稱柱天將軍遣交阯刺史賈琮討平之皇甫嵩朱儁大

破汝南黃巾於西華

西華縣屬汝南郡在今陳州項城縣

詔嵩討東郡朱儁討南陽盧植

破黃巾圍張角於廣宗宦官誣植抵罪

植連破張角垂當拔之小黃門左豐言於帝曰盧中郎固靈息軍以待天誅帝

怒遂檻車徵植減死一等

遣中郎將董卓攻張角不剋洛陽女子生兒兩頭其身

續漢

志曰上西門外女子生兒兩頭異肩共胸以為不祥墮地棄之其後政在私門上下無別二頭之象

秋七月巴郡妖巫張修反寇郡

縣劉艾紀曰時巴郡巫人張修療病

愈者雇以米五斗號為五斗米師河南尹徐灌下獄死八月皇甫嵩與黃

巾戰於倉亭獲其帥

其帥上巳也倉亭在東郡

乙巳詔皇甫嵩北討張角九月安平

王續有罪誅國除冬十月皇甫嵩與黃巾賊戰于廣宗獲張角弟

梁角先死迺戮其屍

發棺斷頭傳送馬市

己皇甫嵩為左車騎將軍十一月皇

甫嵩又破黃巾于下曲陽斬張角弟寶湟中義從胡北宮伯玉與

先零羌叛呂金城人邊章韓遂爲軍帥攻殺護羌校尉伶徵金城

太守陳懿

俗姓也周有大夫仲州鳩

癸巳朱儁拔宛城斬黃巾別帥孫夏詔減太官

珍羞御食一肉廩馬非郊祭之用悉出給軍十二月己巳大赦天

下改元中平是歲下邳王意薨無子國除郡國生異草備龍蛇鳥

獸之形

風俗通曰亦作人狀操持兵弩一一備具續漢志曰龍蛇鳥獸其狀毛羽頭目足翅皆具是歲黃巾賊起漢遂微弱

二年春正月大疫琅邪王據薨二月己西南宮大灾火半月迺滅

續漢志曰時燒靈臺殿樂成殿延及北闕度道西燒嘉德和驪殿

己亥廣陽門外屋自壞

洛陽城西面南頭門也

稅天下田

畝十錢以修宮室黑山賊張牛角等十餘輩並起所在寇鈔司徒袁隗免

三月廷尉崔烈爲司徒北宮伯玉等寇三輔遣左車騎將軍皇甫

嵩討之不剋夏四月庚戌大風雨雹五月太尉鄧盛罷太僕河南

張延爲太尉

延字公威歆之子

秋七月三輔螟左車騎將軍皇甫嵩免八月

司空張溫爲車騎將軍討北宮伯玉九月特進楊賜爲司空冬

十月庚寅司空楊賜薨光祿大夫許相爲司空相字公弼平輿人許訓之子前司徒

陳耽諫議大夫劉陶坐直言下獄死十一月張溫破北宮伯玉於

美陽因遣盪寇將軍周慎追擊之圍榆中縣名故城在今蘭州金城縣東也又遣中郎

將董卓討先零羌慎卓並不克鮮卑寇幽并二州是歲造萬金堂

於西園洛陽民生兒兩頭四臂

三年春二月江夏兵趙慈反殺南陽太守秦頡庚戌大赦天下太

尉張延罷車騎將軍張溫爲太尉中常侍趙忠爲車騎將軍復修

玉堂殿鑄銅人四黃鍾四其音中黃鍾也子爲黃鍾及天祿蝦蟆又鑄四出文錢天祿

獸也時使掖廷令畢嵐鑄銅人列於蒼龍玄武闕外鍾懸於玉堂及雲臺殿前天祿蝦蟆吐水於平門外事具宦者傳案今鄧州南陽縣北有宗資碑旁有兩石獸鑄其開一曰天祿一曰辟邪據此卽天祿辟邪並獸名也漢

有天祿閣亦因獸以立名五月壬辰晦日有食之六月荊州刺史王敏討

趙慈斬之車騎將軍趙忠罷秋八月懷陵上有雀萬數悲鳴因鬪

相殺

懷陵冲帝陵也續漢志曰天戒若曰諸侯爵祿而尊者還自相害也

冬十月武陵蠻叛寇郡界郡兵討破

之前太尉張延爲宦人所譖下獄死十二月鮮卑寇幽并二州

四年春正月己卯大赦天下二月滎陽賊殺中牟令

中牟今鄭州縣劉艾紀曰令洛皓及

主簿潘業臨陣不顧告被害

己亥南宮內殿采恩自壞

前書音義曰采恩連闕曲閣也音孚思

三月河南尹何

苗討滎陽賊破之拜苗爲車騎將軍夏四月涼州刺史耿鄙討金

城賊韓遂鄙兵大敗遂寇漢陽漢陽太守傅燮戰沒扶風人馬騰

漢陽人王國並叛寇三輔太尉張溫免司徒崔烈爲太尉五月司

空許相爲司徒光祿勳沛國丁宮爲司空

宮字元雄

六月洛陽民生男兩

頭其身

劉艾紀曰上西門外劉倉妻生也

漁陽人張純與同郡張舉舉兵叛攻殺右北

平太守劉政遼東太守楊終護烏桓校尉公碁稠等舉兵自稱天

子寇幽冀二州秋九月丁酉令天下繫囚罪未決入縑贖冬十月

零陵人觀鵠

觀姓鵠名

自稱平天將軍寇桂陽長沙太守孫堅擊斬之十

一月太尉崔烈罷大司農曹嵩爲太尉十二月休屠各胡叛是歲賣關內侯假金印紫綬傳世入錢五百萬

五年春正月休屠各胡寇西河殺郡守邢紀丁酉大赦天下二月

有星孛于紫宮黃巾餘賊郭大等起於西河白波谷寇太原河東

三月休屠各胡攻殺并州刺史張懿遂與南匈奴左部胡合殺其

單于夏四月汝南葛陂黃巾攻沒郡縣葛陂在今豫州新蔡縣西北太尉曹嵩罷五

月永樂少府樊陵爲太尉陵字德雲胡陽人也六月丙寅大風太尉樊陵罷益

州黃巾馬相攻殺刺史郗儉自稱天子又寇巴郡殺郡守趙邵益

州從事賈龍擊相斬之郡國七大水秋七月射聲校尉馬日磾爲

太尉八月初置西園八校尉樂資山陽公諡記曰小黃門蹇碩爲上軍校尉虎賁中郎曹操爲典軍校尉趙融爲助軍左校尉馬方爲助軍右校尉議議大夫夏牟爲左校尉溘于瓊爲右校尉凡八校尉皆統於蹇碩司徒許相罷司空丁

宮爲司徒光祿勳南陽劉弘爲司空字子高安眾人衛尉董重爲驃騎將軍

議大夫夏牟爲左校尉溘于瓊爲右校尉凡八校尉皆統於蹇碩

九月南單于叛與白波賊寇河東遣中郎將孟益率騎都尉公孫瓚討漁陽賊張純等冬十月壬午御殿後槐樹自拔倒豎青徐黃巾復起寇郡縣甲子帝自稱無上將軍耀兵於平樂觀平樂觀在洛陽城西十一月涼州賊王國圍陳倉右將軍皇甫嵩救之遣下軍校尉鮑鴻討葛陂黃巾巴郡板楯蠻叛遣上軍別部司馬趙瑾討平之公孫瓚與張純戰於石門大破之

時烏桓反叛與賊張純等攻薊中故瓚追擊之石門山名在今營州西南

是歲改刺史

新置牧

六年春二月左將軍皇甫嵩大破王國於陳倉三月幽州牧劉虞購斬漁陽賊張純下軍校尉鮑鴻下獄死夏四月丙午朔日有食之太尉馬日磾免幽州牧劉虞爲太尉丙辰帝崩于南宮嘉德殿年三十四戊午皇子辯卽皇帝位年十七尊皇后曰皇太后太后臨朝大赦天下改元爲光熹封皇弟協爲渤海王後將軍袁隗爲

太傅與大將軍何進參錄尚書事上軍校尉蹇碩下獄

時蹇碩謀欲立渤海王協發覺

五月辛巳驃騎將軍董重下獄死

董重皇后之弟子也

六月辛亥孝仁皇后董

氏崩辛酉葬孝靈皇帝于文陵

在洛陽西北三十里陵高十二丈周回三百步

雨水秋七月甘陵

王忠薨庚寅孝仁皇后歸葬河間愼陵徙渤海王協爲陳留王司

徒丁宮罷八月戊辰中常侍張讓段珪等殺大將軍何進於是虎

賁中郎將袁術燒東西宮攻宦者庚午張讓段珪等劫少帝及陳

留王幸北宮德陽殿何進部曲將吳匡與車騎將軍何苗戰於朱

雀闕下苗敗斬之辛未司隸校尉袁紹勒兵收僞司隸校尉樊陵

河南尹許相及諸閹人無少長皆斬之讓珪等復劫少帝陳留王

走小平津

小平津在今鞏縣西北濟漢志曰時京師童謠曰侯非侯王非王千乘萬騎上北邙案獻帝未有爵號爲段珪等所執公卿百官皆隨其後到河上乃得還

尚書盧植追讓珪等斬數人其餘投河而死

獻帝春秋曰河南中部據閭賈見天子出幸騎追之北到河上

天子飢渴貢牽羊進之厲聲責讓等曰君以閹宦之棘刀鋸之賤越從滂泥扶侍日月賣弄國恩

階賤爲貴劫迫帝王謾覆王室假息漏刻遊魂河津自亡新以來姦臣賊子未有如君者今不速

死吾射殺汝讓等惶怖又手再拜叩頭向天子辭曰臣等死陛下自愛遂投河而死帝與陳留王協夜步逐熒光行數里得民家露車共乘之辛未還宮大赦天下改光熹爲昭靈并州牧董卓殺執金吾丁原司空劉弘免董卓自爲司空九月甲戌董卓廢帝爲弘農王自六月雨至于是月

論曰秦本紀說趙高譎二世指鹿爲馬

史記曰趙高欲爲亂恐羣臣不聽迺先設驗持鹿獻胡亥曰馬也胡亥曰丞相

誤也以問羣臣左右或言馬或言鹿者高皆陰法中之自此左右不敢言之也而趙忠張讓亦給靈帝不得登高臨觀時宦官並起第宅疑則宮室帝常登永安候臺宦官恐望見之迺使趙忠等諫曰人君不當登高登高則百姓散離自是不敢復登臺榭見宦者傳故知亡敝者同其致矣然則靈帝之爲靈也優哉

贊曰靈帝負乘委體宦孽

易曰負且乘致寇至言帝以小人而乘君子之器

徵亡備兆小雅盡缺

詩小雅曰小雅廢則四夷交侵中國微矣缺亦廢也

麋鹿霜露逐樓宮衛

史記曰伍子胥諫吳王吳王不聽子胥曰臣今見麋鹿遊於姑蘇之臺宮中生

荆棘露沾衣也言帝爲政貪亂任寄不得其人尋以獻帝遷播洛陽丘墟故麋鹿棲宮衛也衛協韻音于別反

孝靈帝紀第八

金陵書局

後漢書八

後漢書八

孝獻帝紀第九

後漢書九

唐章懷太子賢注

孝獻皇帝諱協靈帝中子也

謚法曰聰明睿智曰獻協之字曰合張璠記曰靈帝以帝似己故名曰協帝王紀曰協字伯和

母王

美人爲何皇后所害中平六年四月少帝卽位封帝爲勃海王徙

封陳留王九月甲戌卽皇帝位年九歲遷皇太后於永安宮

董卓遷也洛陽

宮殿名曰永安宮周迴六百九十八丈故基在洛陽故城中

大赦天下改昭靈爲永漢丙子董卓殺皇太

后何氏初令侍中給事黃門侍郎員各六人

續漢志曰侍中比二千石無員漢官儀曰侍中左蟬右貂本秦

丞相史往來殿中故謂之侍中分掌乘輿服物下至褻器虎子之屬武帝時孔安國爲侍中以其儒者特聽掌御唾壺朝廷榮之至東京時屬少府亦無員爲出則一人負傳國璽操斬蛇劍參乘與中官俱止禁中又曰給事黃門侍郎六百石無員掌侍從左右給事中使關通中外應劭曰黃門侍郎每日暮向青瑣門拜謂之夕郎輿服志曰禁門曰黃闥以中人主之故號曰黃門令然則黃門郎給事黃闥之內故曰黃門郎本既無員於此各置六人也獻帝起居注曰自誅黃門後侍中侍郎出入禁中機事頗露由是王允迺奏侍中黃門不得出入不通賓客自此始也

賜公卿旨下至黃門侍郎家一人爲郎旨補宦官所領諸署侍於殿

上靈帝建元四年改平準爲中準使宦者爲令自是諸內署各承悉以閹人爲之故今並令士人代領之

乙酉旨太尉劉虞爲大司

馬董卓自爲太尉加鈇鉞虎賁

禮記曰諸侯賜鈇鉞然後專殺說文曰鈇莖刃也蒼頡篇曰鈇斧也加鈇鉞者得專殺也

丙戌太中大夫楊彪爲司空甲午豫州牧黃琬爲司徒遣使弔祠故

太傅陳蕃大將軍竇武等冬十月乙巳葬靈思皇后白波賊寇河

東

薛瑩書曰黃巾郭泰等起於西河白波谷時謂之白波賊董卓遣其將牛輔擊之十一月癸酉董卓自

爲相國十二月戊戌司徒黃琬爲太尉司空楊彪爲司徒光祿勳

荀爽爲司空省扶風都尉置漢安都護

扶風都尉比二千石武帝元鼎四年置中興不改至此以羌虜三輔故省之置

都護令總統四方

詔除光熹昭靈永漢三號還復中平六年

初平元年春正月山東州郡起兵旨討董卓辛亥大赦天下癸酉

董卓殺弘農王白波賊寇東郡二月乙亥太尉黃琬司徒楊彪免

庚辰董卓殺城門校尉伍瓊督軍校尉周璆

璆音必東觀記曰周璆豫州刺史璆之子也續漢書魏志並作

璆

旨光祿勳趙謙爲太尉

謝承書曰謙字彥信太尉趙璉之孫涇郡成都人也

太僕王允爲司徒丁

亥遷都長安董卓驅徙京師百姓悉西入關自畱屯畢圭苑壬辰

白虹貫日三月乙巳車駕入長安幸未央宮

未央宮蕭何所造也張璠記曰將入宮日大雨晝晦翟雉飛入

長安宮

己酉董卓焚洛陽宮廟及人家戊午董卓殺太傅袁隗太僕袁

基夷其族

隗紹之叔父基袁術之母兄卓以山東兵起依紹術爲主故誅其親屬獻帝春秋曰尺口以上男女五十餘人皆下獄死

夏五月司空

荀爽薨六月辛丑光祿大夫种拂爲司空大鴻臚韓融少府陰修

執金吾胡毋班

風俗通云胡毋姓本陳胡公之後也公子完奔齊遂有齊國齊宣王母弟別封母鄉遠木胡公近取母邑故曰胡毋氏也

將作大

匠吳修越騎校尉王瓌安集閣東後將軍袁術河內太守王匡各

執而殺之

英雄記曰匡字公節太山人也輕財好施以任俠聞爲袁紹河內太守

唯韓融獲免董卓壞五銖錢

更鑄小錢

光武中興除王莽貨泉更用五銖錢

冬十一月庚戌鎮星熒惑太白合於尾是

歲有司奏和安順桓四帝無功德不宜稱宗又恭懷敬隱恭愍三

皇后並非正嫡不合稱后皆請除尊號制曰可

和帝號穆宗安帝號恭宗順帝號敬宗桓帝號威宗

和帝尊母梁貴人曰恭懷皇后安帝尊祖母宋貴人曰敬隱皇后順帝尊母李氏曰恭愍皇后

孫堅殺荊州刺史王叡

伯父也吳錄曰叡素遇堅無禮堅此時欲殺叡叡曰我何罪堅曰坐無所知叡窮迫利金飲之而死

又殺南陽太守張咨

王氏譜曰叡字通曜晉太保祥

二年春正月辛丑大赦天下二月丁丑董卓自爲太師袁術遣將

孫堅與董卓將胡軫戰於陽人

陽人聚名屬河南郡故城在今汝州梁縣西今史記秦滅東周徙其君於陽人聚卽此地也軫

軍大敗董卓遂發掘洛陽諸帝陵夏四月董卓入長安六月丙戌

地震秋七月司空种拂免光祿大夫濟南淳于嘉爲司空太尉趙

謙罷太常馬日磾爲太尉九月蚩尤旗見于角亢

天官書曰蚩尤之旗類彗而後曲象旗幟藏之

精也呂氏春秋云其色黃上白下見則王者征伐四方角亢蒼龍之星

冬十月壬戌董卓殺衛尉張溫十一月

青州黃巾寇太山太山太守應劭擊破之黃巾轉寇勃海公孫瓚

與戰於東光復大破之

東光今滄州縣

是歲長沙有人死經月復活

三年春正月丁丑大赦天下袁術遣將孫堅攻劉表於襄陽堅戰

歿袁紹及公孫瓚戰于界橋

今貝州宗城縣東有古界城近枯漳水則界橋在此也

瓚軍大敗夏四

月辛巳誅董卓夷三族司徒王允錄尚書事總朝政遣使者張种

撫慰山東青州黃巾擊殺兗州刺史劉岱於東平東郡太守曹操

大破黃巾於壽張降之五月丁酉大赦天下丁未征西將軍皇甫

嵩爲車騎將軍董卓部曲將李傕郭汜樊稠張濟等反攻京師六

月戊午陷長安城太常种拂太僕魯旭大鴻臚周奐

三輔決錄注曰奐字文明茂陵人

城門校尉崔烈越騎校尉王頎並戰歿頎音吏民死者萬餘人李傕

等並自爲將軍己未大赦天下李傕殺司隸校尉黃琬甲子殺司

徒王允皆滅其族丙子前將軍趙謙爲司徒秋七月庚子太尉馬

日磾爲太傅錄尚書事八月遣日磾及太僕趙岐持節慰撫天下

車騎將軍皇甫嵩爲太尉司徒趙謙罷九月李傕自爲車騎將軍

郭汜後將軍樊稠右將軍張濟鎮東將軍濟出屯弘農甲申司空

淳于嘉爲司徒光祿大夫楊彪爲司空並錄尚書事冬十二月大

尉皇甫嵩免光祿大夫周忠爲太尉參錄尚書事

四年春正月甲寅朔日有食之

袁宏記曰時未晡八刻太史令王立奏曰晷過度無變也朝臣皆賀帝令候焉未晡一刻而食賈誦

奏曰立司候不明疑誤上下請付理官帝曰天道遠事驗難明欲歸咎史官益重朕之不德也

丁卯大赦天下三月袁術殺揚州

刺史陳溫據淮南長安宣平城門外屋自壞

三輔黃圖曰長安城東面北頭門也

夏五月

癸酉無雲而雷六月扶風大風雨雹華山崩裂太尉周忠免太僕

朱儁爲太尉錄尚書事下邳賊闕宣自稱天子

風俗通曰闕姓也承闕黨童子之後也縱橫家有闕

子者雨水遣侍御史裴茂訊詔獄原輕繫六月辛丑天狗西北行

前書音義

曰有聲爲天狗無聲爲天矢

九月甲午試儒生四十餘人上第賜位郎中次太子舍

人下第者罷之詔曰孔子歎學之不講

講習也論語之文

不講則所識日忘

今者儒年踰六十去離本土營求糧資不得專業結童入學白首

空歸長委農野永絕榮望朕甚愍焉其依科罷者聽爲太子舍人

劉艾獻帝紀曰時長安中爲之謠曰頭白皓然食不充糶裹衣裘裳當還故鄉聖主愍念悉用補郎舍是布衣被服乞黃

冬十月太學行禮車駕

幸永福城門臨觀其儀賜博士以下各有差辛丑京師地震有星

孛于天市

袁宏紀曰孛于天市將從天子移都其後上東遷之應也

司空楊彪免太常趙溫爲司空公

孫瓚殺大司馬劉虞十二月辛丑地震司空趙溫免乙巳衛尉張

喜爲司空

獻帝春秋曰喜作嘉

是歲琅邪王容薨

興平元年春正月辛酉大赦天下改元興平甲子帝加元服二月

壬午追尊謚皇妣王氏爲靈懷皇后甲申改葬于文昭陵丁亥帝

耕于藉田三月韓遂馬騰與郭汜樊稠戰於長平觀遂騰敗績左

中郎將劉範前益州刺史种劭戰歿

前書音義曰長平故名山上有觀在池陽宮南去長安五十里今涇水南原睦城是

也袁宏紀曰是時馬騰以李傕等專亂以益州刺史劉焉子室大臣遣使招引共誅傕焉遣子範將兵就騰故涼州刺史种劭太常拂之子也拂爲傕所害劭欲報仇遂爲此戰

夏六

月丙子分涼州河西四郡爲靡州

謂金城酒泉

丁丑地震戊寅又震乙

巳晦日有食之帝避正殿寢兵不聽事五日大蝗秋七月壬子太

尉朱雋免戊午太常楊彪爲太尉錄尚書事三輔大旱自四月至

于是月帝避正殿請雨遣使者洗囚徒原輕繫

洗謂滌也

是時穀一斛

五十萬豆麥一斛二十萬人相食啖白骨委積帝使侍御史侯汶

出太倉米豆爲飢人作糜粥經日而死者無數帝疑賦卹有虛酒

親於御坐前量試作糜迺知非實

袁宏紀曰時救侍中劉艾取米豆五升於御前作糜得滿三孟於是詔尚書曰米豆五升

得糜三孟而人委頓何也

使侍中劉艾出讓有司於是尚書令曰下皆詣省閣謝奏

收侯汶考實詔曰未忍致汶于理可杖五十自是之後多得全濟

八月馮翊羌叛寇屬縣郭汜樊稠擊破之九月桑復生堪人得呂

食司徒滂于嘉罷冬十月長安市門自壞呂衛尉趙溫爲司徒錄

尚書事十二月分安定扶風爲新平郡是歲揚州刺史劉繇與袁

術將孫策戰于曲阿

策字伯符孫堅子曲阿今潤州縣

繇軍敗績孫策遂據江東

吳志曰孫策既

破繇遂度兵據會稽策自領會稽太守

太傅馬日磾薨于壽春

壽春縣名屬九江郡今壽春縣也

二年春正月癸丑大赦天下二月乙亥李傕殺樊稠而與郭汜相

攻三月丙寅李傕脅帝幸其營焚宮室夏四月甲午立貴人伏氏

爲皇后丁酉郭汜攻李傕矢及御前

山陽公載記曰時弓弩並發矢下如雨及御所止高樓殿前帷離也

是日

李傕移帝幸北塢

服虔通俗文曰營居曰塢一曰庫城也山陽公載記曰時帝在南塢
傕在北塢時流矢中傕左耳乃迎帝幸北塢帝不肯從強之通行

大旱五月壬午李傕自爲大司馬六月庚午張濟自陝來和傕

秋七月甲子車駕東歸郭汜自爲車騎將軍楊定爲後將軍楊奉

爲興義將軍董承爲安集將軍並侍送乘輿張濟爲票騎將軍還

屯陝八月甲辰幸新豐冬十月戊戌郭汜使其將伍習夜燒所幸

學舍逼脅乘輿楊定楊奉與郭汜戰破之壬寅幸華陰露次道南

是夜有赤氣貫紫宮

獻帝春秋曰赤氣廣六七尺東至東西至戌地

張濟復反與李傕郭汜合十

一月庚午李傕郭汜等追乘輿戰於東澗王師敗績殺光祿勳鄧

泉衛尉士孫瑞廷尉宣播大長秋苗祀

獻帝春秋
播作瑤也

步兵校尉魏桀侍

中朱展射聲校尉沮儁

風俗通曰沮姓也黃帝時
史官沮誦之後音則余反

壬申幸曹陽露次田中

曹陽澗名在今陝州西南七里俗謂
之七里澗在浩云自南山北通於河

楊奉董承引白波帥胡才李樂韓暹及匈

奴左賢王去卑率師奉迎與李傕等戰破之十二月庚辰車駕迺

進李傕等復來追戰王師大敗殺畧宮人少府田芬大司農張義等皆戰歿進幸陝夜度河乙亥幸安邑是歲袁紹遣將麴義與公孫瓚戰於鮑丘

鮑丘水名出北塞中南流經九莊嶺東俗謂之大榆河又東南經漁陽縣故城東是瓚之戰處見水經注

瓚軍大敗

建安元年春正月癸酉郊祀上帝於安邑大赦天下改元建安二月韓暹攻衛將軍董承夏六月乙未幸聞喜秋七月甲子車駕至洛陽幸故中常侍趙忠宅丁丑郊祀上帝大赦天下己卯謁太廟八月辛丑幸南宮楊安殿癸卯安國將軍張楊爲大司馬韓暹爲大將軍楊奉爲車騎將軍是時宮室燒盡百官披荆棘依牆壁開州郡各擁彊兵而委輸不至羣僚飢乏尙書郎呂下自出採稻

音稻

呂碑蒼曰籬自生也稻與籬同

或飢死牆壁閒或爲兵士所殺辛亥鎮東將軍曹操自

領司隸校尉錄尙書事曹操殺侍中臺崇尙書馮碩等

風俗通曰金天氏裔孫曰臺駘

其後氏焉山陽公載記曰臺字作壺

封衛將軍董承爲輔國將軍伏完等十三人爲列侯

贈沮偽爲弘農太守庚申遷都許己巳幸曹操營九月太尉楊彪
司空張喜罷冬十一月丙戌曹操自爲司空行車騎將軍事百官
總已呂聽

二年春袁術自稱天子三月袁紹自爲大將軍夏五月蝗秋九月
漢水溢是歲飢江淮間民相食袁術殺陳王寵孫策遣使奉貢

三年夏四月遣謁者裴茂率中郎將段熲討李傕夷三族獻帝起居注曰傳催

首利許有訖高懸之也呂布叛冬十一月盜殺大司馬張楊十二月癸酉曹操擊

呂布於徐州斬之

四年春三月袁紹攻公孫瓚于易京獲之公孫瓚頌夫利迴臨易河築京以自固故號易京其城三重周回六

里今內城中有土京在幽州歸義縣南爾雅曰絕高謂之京非人力爲之上衛將軍董承爲車騎將軍夏六月袁術

死是歲初置尚書左右僕射武陵女子死十四日復活續漢志曰女子

死瘞於城外有行人聞冢中有聲告家人出之

五年春正月車騎將軍董承偏將軍王服越騎校尉种輯受密詔
誅曹操事洩壬午曹操殺董承等夷三族秋七月立皇子馮爲南
陽王壬午南陽王馮薨九月庚午朔日有食之詔三公舉至孝二
人九卿校尉郡國守相各一人皆上封事靡有所諱曹操與袁紹
戰於官度裴松之北征記曰中牟臺下臨泚水是爲官度袁紹曹操壘尚存焉在今鄭州中牟縣北紹敗走冬十月辛亥有
星孛于大梁大梁西之分東海王祗薨是歲孫策死爲許貢客所射傷弟權襲其餘

業權字仲謀

六年春三月丁卯朔日有食之

七年夏五月庚戌袁紹薨于真國獻馴象馴象謂隨人意也是歲越雋男子

化爲女子

八年冬十月己巳公卿初迎冬於北郊斯禮久廢故曰初總章始復備八佾

舞袁宏紀云迎氣北郊始用八佾佾列也謂舞者之行初置司直官督中都官直

列往因亂廢今始備之總章樂官名古之安代樂

秩比二千石武帝元狩五年置亭佐丞相舉不法也建武十一年省今復置之

九年秋八月戊寅曹操大破袁尚平冀州自領冀州牧冬十月有星孛于東井十二月賜三公已下金帛各有差自是三年一賜臣爲常制

十年春正月曹操破袁譚於青州斬之魏書曰操攻譚不剋遁自執桴鼓應時破之夏四月黑

山賊張燕率眾降魏志曰燕本姓褚常山真定人也黃巾起燕合聚少年爲羣盜萬餘人博陵人張牛角爲主牛角死燕代爲主故改姓張燕剽勇軍中號

曰張飛燕衆至百萬號曰黑山賊秋九月賜百官尤貧者金帛各有差

十一年春正月有星孛于北斗三月曹操破高幹於并州獲之論

曰上洛都尉王珍敗之追斬其首秋七月武威太守張猛殺雍州刺史邯鄲商袁宏漢紀曰雍州作

涼州也是歲立故琅邪王容子熙爲琅邪王濟北海阜陵下邳常山

甘陵濟陰平原八國皆除

十二年秋八月曹操大破烏桓於柳城斬其蹋頓蹋頓匈奴王號柳城縣名屬遼西郡今營州縣

冬十月辛卯有星孛于鶉尾

鶉尾已之分也

乙巳黃巾賊殺濟南王贛

河間李王五代

孫

十一月遼東太守公孫康殺袁尚袁熙

十三年春正月司徒趙溫免夏六月罷三公官置丞相御史大夫

癸巳曹操自爲丞相秋七月曹操南征劉表八月丁未光祿勳郗

慮爲御史大夫

續漢書曰慮字鴻豫山陽高平人也少受學於鄭玄

壬子曹操殺太中大夫孔融夷

其族是月劉表卒少子琮立琮曰荊州降操冬十月癸未朔日有

食之曹操曰舟師伐孫權權將周瑜敗之於烏林赤壁

十四年冬十月荊州地震

十五年春二月乙巳朔日有食之

十六年秋九月庚戌曹操與韓遂馬超戰於渭南遂等大敗關西

平

曹瞞傳曰時婁子伯說操曰今天寒可起沙爲城以水灌之可一夜而成公從之此明城立超遂數挑戰不利操縱虎騎夾擊大破之超遂走涼州

十七年夏五月癸未誅衛尉馬騰夷三族六月庚寅晦日有食之

秋七月洧水潁水溢螟八月馬超破涼州殺刺史韋康九月庚戌

立皇子熙為濟陰王懿為山陽王邈為濟北王敦為東海王山陽公

時許靖在巴郡聞立諸王曰將欲歛之必茹張之將欲奪之必姑與之其孟德之謂乎冬十二月星孛于五諸侯五諸侯星名也

十八年春正月庚寅復禹貢九州獻帝春秋曰時省幽并州以其郡國并於冀州省司隸校尉及涼州以其郡國并為雍州省交

州并荆州益州於是有兖豫青徐荆揚冀益雍也九數雖同而禹貢無益州有梁州然梁益亦一地也夏五月丙申曹操自立為魏

公加九錫案禮含文嘉曰九錫謂一曰車馬二曰衣服三曰樂器四曰朱戶五曰納陛六曰虎賁七百人七曰斧鉞八曰弓矢九曰相璽大雨水徙趙

王珪為博陵王是歲歲星鎮星熒惑俱入太微是年秋三星逆行入太微守帝座五十日彭城

王和薨

十九年夏四月旱五月雨水劉備破劉璋據益州冬十月曹操遣

將夏侯淵討宋建于枹罕獲之枹罕縣屬金城郡今河州縣也魏志曰淵字妙才沛國譙人也十一月丁

卯曹操殺皇后伏氏滅其族及二皇子山陽公載記曰劉備在蜀間之遂發喪

二十年春正月甲子立貴人曹氏為皇后賜天下男子爵人一級

孝悌力田二級賜諸王侯公卿曰下穀各有差秋七月曹操破漢中張魯降

二十一年夏四月甲午曹操自進號魏王五月己亥朔日有食之

秋七月匈奴南單于來朝是歲曹操殺琅邪王熙國除

坐謀欲渡江被誅

二十二年夏六月丞相軍師華歆爲御史大夫冬有星孛于東北是歲大疫

二十三年春正月甲子少府耿紀丞相司直韋晃起兵誅曹操不

克夷三族

三輔決錄曰時有京兆全穉字德偉自以代爲漢臣迺發憤與耿紀韋晃欲挾天子以攻魏南援劉備事敗夷三族

東方

杜預注左傳云平旦衆星皆沒而孛星迺見故不言所在之次

二十四年春二月壬子晦日有食之夏五月劉備取漢中秋七月

庚子劉備自稱漢中王八月漢水溢冬十一月孫權取荊州

二十五年春正月庚子魏王曹操薨

魏志曰操字孟德薨時年六十六

子丕襲位

魏志曰丕字子

桓操之太子 二月丁未朔日有食之三月改元延康冬十月乙卯皇帝遜

位魏王丕稱天子 遜讓也獻帝春秋日帝時召羣臣卿士告祠高廟詔太常張音持節奉策願殺禪位于魏王丕為壇於繁陽故城魏王登壇受皇帝璽綬

奉帝為山陽公 山陽縣名屬河內郡故城在今懷州修武縣西北 邑一萬戶位在諸侯王上奏事

不稱臣受詔不拜曰天子車服郊祀天地宗廟祖臘皆如漢制都

山陽之濁鹿城 濁鹿一名濁城亦名清陽城在今懷州修武東北 四皇子封王者皆降為列侯明

年劉備稱帝于蜀孫權亦自王於吳於是天下遂三分矣魏青龍

二年三月庚寅山陽公薨自遜位至薨十有四年年五十四諡孝

獻皇帝八月壬申己漢天子禮儀葬于禪陵 續漢書曰天子葬太僕駕四輪

虎賁各二十人執紼司空擇土造穿太史卜日將作黃腸題湊便房如禮大駕太僕御方相氏黃金四目蒙熊皮玄衣朱裳執戈揚楯立乘四馬先驅所長三刃十有二旒曳地晝日月升龍書

麻曰天子之柩謁者二人立乘六馬為次太常跪哭日十五舉首止哭書漏上請發司徒河南尹先引車轉太常曰請拜送車著白絲三糾纁長三十丈圍七寸六行行五十人公卿已下子弟凡

三百人皆素幘委貌冠衣素裳挽校尉三百人皆赤幘不冠持幢幡皆銜枚羽林孤兒巴俞耀歌香六十人為六列司馬八人執鐸至陵南羨門司徒跪請就下房都導東園武士奉入房執事下

明器太祝進醴獻司空將校復土輿音徒了反帝王紀曰禪陵在濁鹿城西北十里在今懷州修武縣北二十五里陵高二丈周回二百步劉澄之地記云以漢禮葬故以名焉 置園

邑令丞太子早卒孫康立五十一年晉太康六年薨子瑾立四年

太康十年薨子秋立二十年永嘉中為胡賊所殺國除

左氏傳王孫滿曰桀有香德鼎

論曰傳稱鼎之為器雖小而重故神之所寶不可奪移

遷於商商紂暴虐鼎遷於周德之休明雖小重也其羞回昏亂雖大輕也故言神之所寶不可奪移至今負而趨者此亦窮運之歸

乎言神器至重被人負而趨走者斯亦窮運之運歸於此時乎言不可復振也天厭漢德

久矣山陽其何誅焉

莊子曰藏舟於壑藏山於澤謂之固矣然而有力者負之而趨而昧者不知厭漢德厭倦誅責也漢自和帝以後政教陵遲故言天厭漢德久矣禍之來也非獨山陽公之過其何所誅責乎左傳宋子魚曰天既厭商

德孔子曰於子與何誅

贊曰獻生不辰身播國屯

辰時也播遷也言獻帝生不逢時身既播遷

終我四

百永作虞賓

春秋孔演圖曰劉四百歲之際襄漢王輔皇王以期有名不就未均注曰雖襄族人為漢王以自輔以當有應期名見攝錄者故名不就也虞賓謂

舜以堯子丹朱為賓商書曰虞賓在位是也以喻山陽公為魏之賓也

金錢書局

汲古閣本

孝獻帝紀第九

後漢書九

皇后紀第十上

後漢書十

唐章懷太子賢注

夏殷曰上后妃之制其文畧矣周禮王者立后鄭玄注禮記曰后之言後言在夫之後也三夫

人九嬪二十七世婦八十一女御曰備內職焉后正位宮闈同體

天王夫人坐論婦禮鄭玄注周禮云夫人之於后猶三公之於王坐而論婦禮也九嬪掌教四德九嬪比九

九嬪掌婦學之法以教九御也世婦主喪祭賓客婦服也明其能服事於人也比二十七

四德謂婦德婦言婦容婦功也祭之日蒞陳女宮之具凡內羞之物掌弔臨于卿大夫之喪女御序于王之燕寢御謂進御于王也比八十一元士

時獻功頌官分務各有典司女史彤管記功書過周禮云女史掌王后之禮書內令凡后之事以禮從

也鄭玄注云亦如太史之於王也彤管赤管筆也詩云論我彤管注云古者后夫人必有女史彤管之法也居有保阿之訓動有環珮之

響列女傳曰齊魯孝公孟姬華氏之女從孝公遊車奔姬慎車碎孝公使駟馬立車載進賢才

曰輔佐君子哀窈窕而不淫其色詩序云關雎樂得淑女以配君子憂在進賢不淫其色哀窈窕思賢才而無傷善之心毛萇注

云窈窕所曰能述宣陰化修成內則周禮內宰職曰以陰禮教六宮以婦職之法教九御閨房肅雍險

幽閒也

謁不行也

肅敬也難和也謁請也言能輔佐君子和順恭敬不行私謁詩序曰雖則王姬猶執婦道以成肅雍之德又曰而無險詖私謁之心**故康王晚**

朝關雎作諷

前書音義曰后夫人雞鳴佩玉去君所周康王后不然故詩人歎而傷之見摯詩

宣后晏起姜氏請愆列女傳曰

周宣姜后齊侯之女也宣王常夜卧晏起后夫人不出房姜后既出遁脫簪珥待罪於永巷使傅母通言於王曰妾不才淫心見矣至使君王失禮而晏起以見君王樂色忘德敢請罪惟君王之命王曰寡人之過夫人何辜

遂勤政事成中興之名焉

及周室東遷禮序凋缺

幽王時西夷犬戎共攻殺幽王于驪山之下太子宜臼立是為平王

東遷洛邑以避犬戎政遂微弱**諸侯僭縱軌制無章齊桓有如夫人者六人**

左傳曰桓公多內寵有如夫人者六人長衛姬少衛姬鄭姬葛贏密姬宋華子也

晉獻升戎女為元妃

元妃嫡夫人也史記曰晉獻公冬於伐驪戎得驪姬愛幸立以為妃糸於

五子作亂

桓公六夫人生六子桓公卒立公子昭於是公子無虧公子元公子手潘公子商人公子雍等五公子皆求立公子昭奔宋是作亂也**豕嗣遘屯**

豕大也遘遇也屯難也晉獻公受驪姬之譖殺太子申生故曰遇屯

爰逮戰國風憲逾薄適情任欲顛倒衣裳

上曰衣下曰裳詩曰綠兮衣兮綠衣黃裳鄭玄曰祿衣黑今反以黃為裏非其禮制諭妾上僭也

目至破國亡身不可勝數斯固

輕禮弛防先色後德者也秦并天下多自驕大宮備七國

史記曰始皇破六國

寫放其宮室作之咸陽北坂上南臨渭水殿屋複道周閣相屬所得諸侯美人以充入之并秦為七也

爵列九品

前書曰漢興因秦之稱號正嫡稱皇后妾皆稱夫人

又有美人良人八子七子長使少使之號

漢興因循其號而婦制莫釐

釐高祖惟薄不修大戴禮曰大臣

坐污穢男女無別者不曰污穢曰帷薄不修謂周昌入奏事高帝擁戚姬是不修也

孝文衽席無辨鄭玄注禮記曰衽卧席也孝文幸慎夫人每與皇后同坐是無

也然而選納尚簡飾翫少華自武元之後世增淫費至乃掖庭三千增級十四婕妤一嬪娥二容華三充衣四已上武帝置昭儀五元帝置美人六良人七

良娣使夜者十四此六官品秩同爲一等也妖幸毀政之符外姻亂邦之迹前史載之詳矣及

光武中興斷彫爲朴彫謂刻鏤也史記曰漢興破觚而爲圓斷彫而爲璞六宮稱號唯皇后貴人鄭

注周禮曰皇后正寢一燕寢五貴人金印紫綬奉不過粟數十斛又置美人是爲六宮也夫人己下分居焉

宮人采女三等並無爵秩歲時賞賜充給而已漢法常因八月算

人漢儀注曰八月初遣中大夫與掖庭丞及相工於洛陽鄉中閱視良爲算賦故曰算人

家童女年十三目上二十已下姿色端麗合法相者載還後宮擇

視可否迺用登御所目明慎聘納詳求淑哲明帝聿遵先旨宮教

頗修登建嬪后必先令德內無出閫之言閫門限也禮記曰外言不施權無

私溺之授可謂矯其傲矣向使因設外戚之禁編著甲令前書音義

曰甲令者

前帝第一令也有改正后妃之制貽厥方來豈不休哉雖御己有度而

防閑未篤故孝章目下漸用色授恩隆好合遂忘淄蠹淄黑也蠹食木蟲以喻傾敗也

自古雖主幼時艱王家多釁必委成豕宰簡求忠賢未有專任婦

人斷割重器唯秦羊太后始攝政事羊音亡故穰侯權重於昭王家

富於嬴國太后昭王母也號宣太后史記曰昭王立年少宣太后自知事以同母弟魏冉為將軍任政封為穰侯太后攝政始於此也漢仍其謬知

患莫改東京皇統屢絕權歸女主外立者四帝謂安貞桓靈臨朝者六后

章帝竇太后和熹鄧太后安思閔太后順烈業太后桓思竇太后靈思何太后也莫不定策帷帟委事父兄貪孩童目

久其政抑明賢旨專其威周禮幕人掌幃帝幃幕之事鄭玄注曰帝幃中坐上承塵也傷帝崩鄧太后與兄隲等迎立安帝年十三冲帝崩梁

太后與兄冀迎立質帝年八歲質帝崩太后與兄冀迎立桓帝年十五桓帝崩竇太后與兄武迎立靈帝年十二任重道悠利深禍速身犯

霧露於雲臺之上霧露謂疾病也不可指言死故假霧露以言之靈帝時中常侍曹節矯詔遷太后於雲臺謝弼上封事曰伏惟皇太后撥立明聖幽居空

宮如有霧露之疾陛下富何面目以見天下家嬰縲綬於園犴之下縲索也縲繫也園園周獄名也卿亭之獄曰犴音五旦反謂外城等被誅也

湮滅連踵傾軛繼路踵跡也軛車轅也賈誼曰前車覆後車誡而赴蹈不息焦爛為期終於

陵夷大運淪亡神寶

陵夷猶頹替神寶帝位也

詩書所歎畧同一揆故考列行跡

曰爲皇后本紀雖成敗事異而同居正號者並列于篇其曰私恩

追尊非當時所奉者則隨它事附出

謂安帝母左姬及祖母宋貴人之類並見清河孝王傳

親屬

別事各依列傳其餘無所見則係之此紀

謂賈貴人虞美人之類是也

曰續西京外

戚云爾

續繼也

光武郭皇后諱聖通真定藁人也

藁縣名故城在今恆州藁城縣西

爲郡著姓父昌讓

田宅財產數百萬與異母弟國人義之仕郡功曹娶真定恭王女

號郭主

恭王名昌景帝七代孫

生后及子況昌早卒郭主雖王家女而好禮節儉

有母儀之德更始二年春光武擊王郎至真定因納后有寵及卽

位曰爲貴人建武元年生皇子彊帝善況小心謹慎年始十六拜

黃門侍郎二年貴人立爲皇后彊爲皇太子封況繇蠻侯曰后弟

貴重賓客輻湊况恭謙下士頗得聲譽十四年遷城門校尉其後

后吕寵稍衰數懷怨懟十七年遂廢爲中山王太后進后中子右

翊公輔爲中山王吕常山郡益中山國徙封況大國爲陽安侯

縣屬汝南郡故城在今豫州颍山縣故道國城是也后從兄竟吕騎都尉從征伐有功封爲新鄴侯

官至東海相新鄴縣屬汝南郡故城在今潁州汝陰縣西北郭上城是也音七私反竟弟匡爲發干侯

在今博州堂邑縣西南官至太中大夫后叔父梁早終無子其壻南陽陳茂吕恩

澤封南絲侯絲音力全反二十年中山王輔復徙封沛王后爲沛太后况

遷大鴻臚帝數幸其弟會公卿諸侯親家飲燕賞賜金錢縑帛豐

盛莫比京師號況家爲金穴二十六年母郭主薨帝親臨喪送

葬百官大會遣使者迎昌喪柩與主合葬追贈昌陽安侯印綬諡

曰思侯二十八年后薨葬於北芒帝憐郭氏詔況子璜尚清陽公

主除璜爲郎顯宗卽位况與帝舅陰識陰就並爲特進數授賞賜

恩寵俱渥禮待陰郭每事必均永平二年况卒贈賜甚厚帝親自

臨喪諡曰節侯子璜嗣元和三年肅宗北巡狩過真定會諸郭朝

見上壽引入倡飲甚歡

說文曰倡樂也聲類曰俳

曰太牢具上郭主冢賜粟萬斛

錢五十萬永元初璜爲長樂少府

長樂少府掌皇太后宮秩二千石居長信宮曰長信少府長樂宮曰長樂少府

子舉

爲侍中兼射聲校尉及大將軍竇憲被誅舉曰憲女壻謀逆故父

子俱下獄死家屬徙合浦

郡名今廉州縣

宗族爲郎吏者悉免官新鄴侯竟

初爲騎將

前書曰車戶騎將屬光祿秩比千石

從征伐有功拜東海相永平中卒子嵩嗣

嵩卒追坐染楚王英事國廢建初二年章帝紹封嵩子勤爲伊亭

侯勤無子國除發干侯匡官至太中大夫建武三十年卒子勳嗣

勳卒子駿嗣永平十三年亦坐楚王英事失國建初三年復封駿

爲觀都侯卒無子國除郭氏侯者凡三人皆絕國

論曰物之興衰情之起伏理有固然矣而崇替去來之甚者必唯

寵惑乎當其接牀第承恩色雖險情養行莫不德焉

說文曰養賦也老子曰養食養行河

上公注曰行之無當爲糝莊
子曰附贅懸疣言醜惡也

及至移意愛析嬖私雖惠心妍狀愈獻醜焉
愛升則天下不足容其高歡隊故九服無所逃其命斯誠志士之
所沈溺君人之所抑揚未或違之者也郭后呂衰離見貶恚怨成
尤而猶恩加別館增寵黨戚至乎東海遂巡去就呂禮使後世不
見隆薄進退之隙不亦光於古乎

光烈陰皇后諱麗華

諡法曰執德遵業曰烈東觀記有陰子公者生子方方
生幼公公生君孟名睦卽后之父也今世本睦作陸

南陽

新野人初光武適新野聞后美心悅之後至長安見執金吾車騎
甚盛因歎曰仕宦當作執金吾娶妻當得陰麗華更始元年六月
遂納后於宛當成里時年十九及光武爲司隸校尉方西之洛陽
令后歸新野及鄧奉起兵后兄識爲之將后隨家屬徙涇陽止於
奉舍光武卽位令侍中傅俊迎后與胡陽寧平主諸宮人俱到洛
陽吕后爲貴人

靈平縣屬淮陽故城在
今亳州谷陽縣西南

帝吕后雅性寬仁欲崇吕尊位后

固辭曰郭氏有子終不肯當故遂立郭皇后建武四年從征彭寵

生顯宗於元氏九年有盜劫殺后母鄧氏及弟訢音欣帝甚傷之迺

詔大司空曰吾微賤之時娶於陰氏因將兵征伐遂各別離幸得

安全俱脫虎口莊子曰孔子見盜跖謂柳下惠曰幾不免於虎口曰貴人有母儀之美宜立爲后

而固辭弗敢當列於媵妾爾雅曰媵送也孫炎曰送女曰媵朕嘉其義讓許封諸弟未

及爵土而遭患逢禍母子同命愍傷于懷小雅曰將恐將懼惟予

與汝將安將樂汝轉弃予各風之詩風人之戒可不慎乎其追爵謚貴人

父陸爲宣恩哀侯弟訢爲宣義恭侯曰弟就嗣哀侯後及尸柩在

堂使太中大夫拜授印綬如在國列侯禮魂而有靈嘉其寵榮十

七年廢皇后郭氏而立貴人制詔三公曰皇后懷執怨懟數違教

令不能撫循它子訓長異室宮闈之內若見鷹鷂爾雅曰宮中少門謂之鷂既無關

雎之德而有呂霍之風豈可託曰幼孤恭承明祀今遣大司徒涉

也數也宗正吉持節其上皇后璽綬陰貴人鄉里良家歸自微賤公羊傳曰歸入

謂嫁自我不見于今三年詩幽風東山之詞也宜奉宗廟為天下母主者詳案舊

典時上尊號異常之事非國休福不得上壽稱慶后在位恭儉少

嗜玩不喜笑謔性仁孝多矜慈七歲失父雖已數十年言及未嘗

不流涕帝見常歎息顯宗卽位尊后為皇太后永平三年冬帝從

太后幸章陵置酒舊宅會陰鄧故人諸家子孫並受賞賜七年崩

在位二十四年年六十合葬原陵明帝性孝愛追慕無已十七年

正月當謁原陵夜夢先帝太后如平生歡既寤悲不能寐卽案歷

明旦日吉遂率百官及故客上陵其日降甘露於陵樹帝令百官

采取弓薦會畢帝從席前伏御牀視太后鏡奩中物寶鏡匣也音廉感動悲

涕令易脂澤裝具左右皆泣莫能仰視焉

明德馬皇后諱某蓋法曰忠和純淑曰德諱某者史失其名卜者顯此伏波將軍援之小女也少喪

父母兄客卿敏惠早天母蘭夫人悲傷發疾恍惚后時年十歲幹

理家事勅制僮御

幹正也廣雅曰僮御皆使者也

內外諮稟事同成人初諸家莫知者

後聞之咸歎異焉后嘗久疾太夫人令筮之筮者曰此女雖有患

狀而當大貴兆不可言也後又呼相者使占諸女見后大驚曰我

必爲此女稱臣然貴而少子若養它子者得力迺當踰於所生初

援征五溪蠻卒於師虎賁中郎將梁松黃門侍郎竇固等因譖之

由是家益失執又數爲權貴所侵侮后從兄嚴不勝憂憤白太夫

人絕竇氏婚求進女掖庭乃上書曰臣叔父援孤恩不報

也

而妻

子特獲恩全戴仰陛下爲天爲父人情旣得不死便欲求福竊聞

太子諸王妃匹未備援有三女大者十五次者十四小者十三儀

狀髮膚上中以上

東觀記曰明帝馬皇后美髮爲四起大髻但以髮成尚有餘纒鬢三匝眉不施黛獨左眉角小缺補之如粟嘗稱疾而終身得意

皆

孝順小心婉靜有禮

婉順

願下相工簡其可否如有萬一援不朽於

黃泉矣又援姑姊妹並爲成帝婕妤好葬於延陵臣嚴幸得蒙恩更

生冀因緣先姑當充後宮由是選后入太子宮時年十三奉承陰

后傍接同列禮則修備上下安之遂見寵異常居後堂顯宗卽位

呂后爲貴人時后前母姊女賈氏亦呂選入生肅宗帝呂后無子

命令養之謂曰人未必當自生子但患愛養不至耳后於是盡心

撫育勞悴過於所生肅宗亦孝性愷篤恩情天至母子慈愛始終

無纖介之間

纖介猶微細也間隙也

后常呂皇嗣未廣每懷憂歎薦達左右若恐

不及後宮有進見者每加慰納若數所寵引輒增隆遇永平三年

春有司奏立長秋宮

皇后所居宮也長者久也秋者萬物成熟之初也故以名焉請立皇后不敢指言故以宮稱之

帝未有所言

皇太后曰馬貴人德冠後宮卽其人也遂立爲皇后先是數日夢

有小飛蟲無數赴著身又入皮膚中而後飛出旣正位宮闈愈自

謙肅身長七尺二寸方口美髮能誦易好讀春秋楚辭尤善周官

董仲舒書

周官周禮也仲舒書玉杯精靈清明竹林之屬也蕃音繁

常衣大練裙不加緣

大練大帛也杜預注左傳曰大帛厚

繒也太后兄廖上書曰今陛下躬服厚繒是也

朔望諸姬主朝請

漢律春曰朔秋曰請

望見后袍衣疏穉反曰

爲綺縠就視迺笑后辭曰此繒特宜染色故用之耳六宮莫不歎

息帝嘗幸苑圍離宮后輒曰風邪露霧爲戒辭意款備多見評擇

帝幸濯龍中

續漢志曰濯龍園名也近北宮

並召諸才人下邳王已下皆在側請呼皇

后帝笑曰是家志不好樂雖來無歡是曰遊娛之事希嘗從焉十

五年帝按地圖將封皇子悉半諸國后見而言曰諸子食數縣於

制不已儉乎帝曰我子豈宜與先帝子等乎歲給二千萬足矣時

楚獄連年不斷囚相證引坐繫者甚眾后慮其多濫乘閒言及惻

然帝感悟之夜起彷彿爲思所納

思后所納之言

卒多有所降宥時諸將奏

事及公卿較議難平者

廣雅曰較明也

帝數曰試后后輒分解趣理各得其

情每於侍執之際輒言及政事多所毗補而未嘗曰家私干欲寵

敬曰隆始終無衰及帝崩肅宗卽位尊后曰皇太后諸貴人當徒

居南宮太后感析別之懷各賜王赤綬加安車駟馬白越三千端

曰起雜帛二千匹黃金十斤自撰顯宗起居注削去兄防參醫藥事

帝請曰黃門舅旦夕供養且一年旣無褒異又不錄勤勞無迺過

乎太后曰吾不欲令後世聞先帝數親后宮之家故不著也建初

元年欲封爵諸舅太后不聽明年夏大旱言事者曰爲不封外戚

之故有司因此上奏宜依舊典漢制外戚以恩澤封侯故曰舊典也太后詔曰凡言事者

皆欲媚朕曰要福耳昔王氏五侯同日俱封成帝封太后弟王譚王商王立王根王逢時等同時爲關內侯

其時黃霧四塞不聞澍雨之應又田蚡竇嬰寵貴橫恣傾覆之禍

爲世所傳田蚡景帝王皇后同母弟武安侯也爲丞相貪穢與淮南王霸上私語後楚武帝曰使武安侯在者族矣竇嬰文帝賣皇后從兄子魏其侯也爲丞相坐與灌夫朋

黨故先帝防慎舅氏不令在樞機之位樞機近要之官也春秋運斗樞曰諸

子之封裁令半楚淮陽諸國常謂我子不當與先帝子等今有司

奈何欲呂馬氏比陰氏乎吾爲天下母而身服大練食不求甘左

右但著帛布無香薰之飾者欲身率下也旨爲外親見之當傷心

自勅但笑言太后素好儉前過濯龍門上見外家問起居者車如

流水馬如游龍倉頭衣綠構領袖正白構臂衣今之臂襦以縛左右手於事便也顧視御者不

及遠矣故不加譴怒但絕歲用而已冀旨默愧其心而猶懈怠無

憂國忘家之慮知臣莫若君况親屬乎吾豈可上負先帝之旨下

虧先人之德重襲西京敗亡之禍哉固不許西京外戚呂祿呂產竇嬰上官桀安父子霍禹等皆被誅

帝省詔悲歎復重請曰漢興舅氏之封侯猶皇子之爲王也太

誠存謙虛奈何令臣獨不加恩三舅乎且衛尉年尊兩校尉有大

病衛尉太后兄廖兩校尉兄防兄光也如今不諱使臣長抱刻骨之恨宜及吉時不可稽

留太后報曰吾反覆念之思令兩善豈徒欲獲謙謙之名而使帝

受不外施之嫌哉以恩澤封爵外家爲外施也昔竇太后欲封王皇后之兄竇太后文

皇后景帝后也兄卽

王信後封爲蓋侯

丞相條侯言受高祖約無軍功非劉氏不侯

條侯周亞夫也前書

曰高帝與功臣約非劉氏不王非有功不侯不如約天下其擊之

今馬氏無功於國豈得與陰郭中興之后

等邪常觀富貴之家祿位重疊猶再實之木其根必傷

文子曰再實之木根必傷掘之

之家後必殃也

且人所自願封侯者欲上奉祭祀下求溫飽耳今祭祀則受

四方之珍衣食則蒙御府餘資斯豈不足而必當得一縣乎吾計

之孰矣勿有疑也夫至孝之行安親爲上今數遭變異穀價數倍

憂惶晝夜不安坐卧而欲先營外封違慈母之拳拳乎

拳拳猶勤勤也音權

吾素剛急有匈中氣不可不順也若陰陽調和邊境清靜然後行子

之志吾但當含飴弄孫

方言曰飴飴也陳楚宋備之間通語

不能復關政矣時新平主家

御者失火延及北閣後殿太后自爲已過起居不歡時當謁原陵

自引守備不慎慙見陵園遂不行初太夫人葬起墳微高太后自

爲言兄廖等卽時減削其外親有謙素義行者輒假借溫言賞目

財位如有纖介則先見嚴恪之色然後加譴其美車服不軌法度

者便絕屬籍遣歸田里廣平鉅鹿樂成王車騎朴素無金銀之飾

帝曰白太后太后卽賜錢各五百萬於是內外從化被服如一諸

家惶恐倍於永平時迺置織室蠶於濯龍中

前書有東織西織屬少府平帝改名織室

數往

觀視曰爲娛樂常與帝旦夕言道政事及教授諸小王論語經書

述敘平生雍和終日四年天下豐稔方垂無事帝遂封三舅廖防

光爲列侯並辭讓願就關內侯太后聞之曰聖人設教各有其方

知人情性莫能齊也

禮記王制曰凡居人材必因天地寒暖燥濕廣谷大川異制人居其間異俗修其教不易其俗齊其政不易其宜中國戎夷五方之

人皆有性也不可推移吾少壯時但慕竹帛志不顧命

言少慕古人書名竹帛不顧命之長短

今雖已老而

復戒之在得

論語孔子曰少之時戒之在色及其老也戒之在得得得貪嚮也言彌復吝惜封爵不欲濫封親戚也

故日夜惕厲思自

降損

惕懼也厲危也

居不求安食不念飽冀乘此道不負先帝所曰化導兄

弟共同斯志欲令瞑目之日無所復恨何意老志復不從哉萬年

之日長恨矣廖等不得已受封爵而退位歸第焉太后其年寢疾不信巫祝小醫數勅絕禱祀至六月崩在位二十三年年四十餘合葬顯節陵

賈貴人南陽人建武末選入太子宫中元二年生肅宗而顯宗曰

爲貴人帝旣爲太后所養專曰馬氏爲外家故貴人不登極位賈

氏親族無受寵榮者及太后崩迺策書加貴人王赤綬續漢書曰諸侯王赤綬也

安車一駟永巷宮人二百永巷宮中署名也後改爲掖庭永巷宮人卽宮婢也御府雜帛二萬匹大

司農黃金千斤錢二千萬

章德竇皇后諱某扶風平陵人大司徒融之曾孫也祖穆父勳坐

事死事在竇融傳勳尚東海恭王彊女沘陽公主后其長女也家

旣廢壞數呼相工問息耗薛氏韓詩章句曰耗惡也息耗猶言善惡也見后者皆言當大尊貴

非臣妾容貌年六歲能書親家皆奇之建初二年后與女弟俱曰

選例入見長樂宮進止有序風容甚盛肅宗先聞后有才色數日

訊諸姬傅

訊問也傅謂傅母

及見雅巨爲美馬太后亦異焉因入掖庭見於

北宮章德殿后性敏給傾心承接稱譽日聞明年遂立爲皇后

妹爲貴人七年追爵謚后父勳爲安成思侯

安成縣屬汝南郡故城在今豫州吳房縣東南

后寵

幸殊特專固後宮初宋貴人生皇太子慶梁貴人生和帝后既無

子並疾忌之數間於帝漸致疎嫌因誣宋貴人挾邪媚道遂自殺

廢慶爲清河王語在慶傳梁貴人者梁竦之女也少失母爲伯母

舞陰長公主所養

長公主光武女梁松尚焉

年十六建初二年亦與中姊俱選入

掖庭爲貴人四年生和帝后養爲己子欲專名外家而忌梁氏八

年迺作飛書曰陷竦

飛書若今匿名書也

竦坐誅貴人姊妹巨憂卒自是宮房

慄息

慄懼也音慄周書曰臨捕以威而氣慄懼也

后愛日隆及帝崩和帝卽位尊后爲皇太后

皇太后臨朝尊母沘陽公主爲長公主益湯沐邑三千戶兄憲弟

篤景並顯貴擅威權後遂密謀不軌永元四年發覺被誅九年太

后崩未及葬而梁貴人姊嬀音一上書陳貴人枉歿之狀太尉張酺

司徒劉方司空張奮上奏依光武黜呂太后故事中元元年黜呂后不宜配食高廟貶

太后尊號不宜合葬先帝百官亦多上言者帝手詔曰竇氏雖不

遵法度而太后常自減損朕奉事十年深惟大義禮臣子無貶尊

上之文恩不忍離義不忍虧案前世上官太后亦無降黜上官太后昭帝后也

父安與燕王謀反誅太后以年少又霍光外孫故不廢也其勿復議於是合葬敬陵在位十八年帝曰

貴人酷歿斂葬禮闕迺改殯於承光宮上尊諡曰恭懷皇后諡法曰敬事尊

上曰恭慈仁哲行曰懷追服喪制百官縞素與姊大貴人俱葬西陵儀比敬園敬園

安帝祖母朱貴人之園也

和帝陰皇后諱某光烈皇后兄執金吾識之曾孫也后少聰慧善

書藝永元四年選入掖庭曰先后近屬故得為貴人有殊寵八年

遂立爲皇后自和熹鄧后入宮

熹音許其反

愛寵稍衰數有恚恨后外祖

母鄧朱出入宮掖十四年夏有言后與朱共挾巫蠱道

巫師爲蠱故曰巫蠱左傳

注曰蠱惑也

事發覺帝遂使中常侍張慎與尚書陳褒於掖庭獄雜考案

之朱及二子奉毅與后弟軼輔敞辭語相連及昌爲祠祭祀詛大

逆無道奉毅輔考死獄中帝使司徒魯恭持節賜后策上璽綬遷

于桐宮昌憂死立七年葬臨平亭部

葬于亭部內之地也

父特進綱自殺軼敞

及朱家屬徙日南比景縣宗親內外昆弟皆免官還田里永初四

年鄧太后詔赦陰氏徙者歸故郡還其資財五百餘萬

和熹鄧皇后諱綏

蔡邕曰諡法有功安人曰熹

太傅禹之孫也父訓護羌校尉母陰

氏光烈皇后從弟女也后年五歲太傅夫人愛之自爲翦髮夫人

年高目冥誤傷后額忍痛不言左右見者怪而問之后曰非不痛

也太夫人哀憐爲斷髮難傷老人意故忍之耳六歲能史書

史書周宣王太

史籀所作大篆十五篇也

前書曰教學童之書也

十二通詩論語諸兄每讀經傳輒下意難問下意

猶出氣也志在典籍不問居家之事母常非之曰汝不習女工且供衣服

乃更務學靈當舉博士邪后重違母言晝修婦業暮誦經典家人

號曰諸生父訓異之事無大小輒與詳議永元四年當召選入會

訓卒后晝夜號泣終三年不食鹽菜憔悴毀容親人不識之后嘗

夢捫天也捫揆也蕩蕩正青若有鍾乳狀迺仰嗽飲之且訊諸占夢言堯

夢攀天而上湯夢及天而啞之是斯皆聖王之前占吉不可言又

相者見后驚曰此成湯之法也續漢書曰相者待詔相工蘇文曰此成湯之骨法家人竊喜而不

敢宣后叔父咳言常聞活千人者子孫有封兄訓為謁者使修石

白河歲活數千人天道可信家必蒙福初太傅禹歎曰吾將百萬

之眾未嘗妄殺一人其後世必有興者七年后復與諸家子俱選

入宮后長七尺二寸姿顏姝麗姝美色也詩曰彼姝者子絕異於眾左右皆驚八

年冬入掖庭爲貴人時年十六恭肅小心動有法度承事陰后夙

夜戰兢接撫同列常克己已下之雖宮人隸役皆加恩借帝深嘉

焉及后有疾特令后母兄弟入親醫藥不限已日數后言於帝曰

宮禁至重而使外舍外舍人在內省外舍上令陛下有幸私之譏下使賤

妾獲不知足之謗上下交損誠不願也帝曰人皆已數入爲榮貴

人反已爲憂深自抑損誠難及也每有讌會諸姬貴人競自修整

簪珥光采袿裳鮮明說文簪笄也珥瑱也以玉充耳釋名曰婦人上服曰袿而后獨著素裝服無飾

其衣有與陰后同色者卽時解易若並時進見則不敢正坐離立

行則僂身自卑離並也禮記曰離坐離立無往參也帝每有所問常逡巡後對不敢先陰

后言帝知后勞心曲體歎曰修德之勞迺如是乎後陰后漸疎每

當御見輒辭已疾時帝數失皇子后憂繼嗣不廣數選進才人已

博帝意陰后見后德稱日盛不知所爲遂造祝詛欲已爲害帝嘗

寢病危甚陰后密言我得意不令鄧氏復有遺類后聞迺對左右

流涕言曰我竭誠盡心曰事皇后竟不爲所祐而當獲罪於天婦

人雖無從死之義然周公身請武王之命武王有疾周公爲之請命於太王

賁于天以旦越姬心誓必死之分越姬楚昭王之姬越王句踐女也昭王譙遊越姬從

代某之身也越姬心誓必死之分謂姬曰樂乎對曰樂則樂矣而不可久也王曰願與

子生死若此姬曰君王樂遊要妾以死不敢聞命彼王病有赤雲夾日如飛鳥王問周太史史曰

是害王身請移於將相王曰將相於孤猶股肱也不聽姬曰大哉君王之德妾請從王死矣昔日

遊樂是以不敢聽命今君王復禮國人爲君王死何況妾乎妾願先驅狐狸於地下上曰報

昔日口雖不言心許之矣妾聞信者不負其心遂自殺故曰心誓事見列女傳也

帝之恩中旨解宗族之禍下不令陰氏有人篋之譏高帝愛幸戚夫人

人手足去眼薰耳使居即欲飲藥宮人趙玉者固禁之因詐言屬有使來

上疾已愈后信旨爲然迺止明日帝果瘳十四年夏陰后呂巫蠱

事廢后請救不能得帝使屬意焉后愈稱篤疾深自閉絕會有司

奏建長秋宮帝曰皇后之尊與朕同體承宗廟母天下豈易哉唯

鄧貴人德冠後庭迺可當之至冬立爲皇后辭讓者三然後卽位

手書表謝深陳德薄不足充小君之選是時方國貢獻競求珍

麗之物自后卽位悉令禁絕歲時但供紙墨而已帝每欲官爵鄧

氏后輒哀請謙讓故兄隲終帝世不過虎賁中郎元興元年帝崩

長子平原王有疾而諸皇子天歿前後十數後生者輒隱祕養於

人閒殤帝生始百日后迺迎立之尊后爲皇太后太后臨朝和帝

葬後宮人並歸園太后賜周馥貴人策曰朕與貴人託配後庭其

歡等列十有餘年不獲福祐先帝早弃天下孤心兢兢兢兢孤特之貌也詩曰兢兢在

疚靡所瞻仰夙夜永懷感愴發中今當已舊典分歸外園慘結增

歎燕燕之詩曷能喻焉詩都鄆序曰衛莊姜送歸妾也其詩曰燕燕于飛差池其羽之子于歸遠送于野瞻望不及泣涕如雨其賜

貴人王青蓋車采飾輅驂馬各一駟黃金三十斤雜帛三千匹白

越四千端又賜馮貴人王赤綬以未有頭上步搖環珮加賜各一

具周禮王后首服爲副所以副首爲飾若今步搖也釋名曰皇后首副其上有垂珠步則搖也是時新遭大憂法禁未設宮

亡大珠一篋太后念欲考問必有不辜乃親閱宮人觀察顏色卽
時首服又和帝幸人吉成御者其枉吉成曰巫蠱事遂下掖庭考
訊辭證明白太后曰先帝左右待之有恩平日尚無惡言今反若
此不合人情更自呼見實覈果御者所爲莫不歎服曰爲聖明常
曰鬼神難徵淫祀無福乃詔有司罷諸祠官不合典禮者又詔赦
除建武以來諸犯妖惡及馬竇家屬所被禁錮者皆復之爲平人
減大官導官尚方內者服御珍膳靡麗難成之物漢官儀曰大官主膳者
也前書音義曰導官主

導持米以供祭祀尚方掌工作刀劍諸物及刻玉爲器漢官儀曰內者主帷帳並署名也

自非供陵廟稻粱米不得導擇朝

夕一肉飯而已舊大官湯官經用歲且二萬萬

經常也

太后勅止曰

殺省珍費自是裁數千萬及郡國所貢皆減其過半悉斥賣上林

鷹犬其蜀漢鈿器九帶佩刀並不復調

蜀蜀郡也漢廣漢郡也二郡主作供進之器元帝時貢馬上書蜀廣漢主金銀

器各用五百萬是也鈿音口以金銀線器也

止畫工三十九種又御府尚方織室錦繡冰紈綺

穀金銀珠玉犀象毒瑁彫鏤翫弄之物皆絕不作離宮別館儲峙

米糶薪炭悉令省之

儲峙猶蓄積也糶乾飯

又詔諸園貴人其宮人有宗室同

族若羸老不任使者令園監實覈上名自御北宮增喜觀閱問之

恣其去畱卽日免遣者五六百人及殤帝崩太后定策立安帝猶

臨朝政已連遭大憂百姓苦役

大憂謂和帝殤帝崩

殤帝康陵方中

祕藏方中陵中也家

藏之中故言祕也

及諸工作事事減約十分居一詔告司隸校尉河南尹南

陽太守曰每覽前代外戚賓客假借威權輕薄諛詞

言怨謔也諛音七洞反調音洞

有濁亂奉公爲人患苦咎在執法怠懈不輒行其罰故也今車騎

將軍騶等雖懷敬順之志而宗門廣大姻戚不少賓客姦猾多干

禁憲

干犯也

其明加檢勅勿相容護自是親屬犯罪無所假貸太后愍

陰氏之罪廢赦其徙者歸鄉勅還資財五百餘萬永初元年爵號

太夫人爲新野君萬戶供湯沐邑

湯沐者取其賦稅以供湯沐之具也

二年夏京師旱親

幸洛陽寺錄冤獄有囚實不殺人而被考自誣羸困輿見畏吏不

敢言將去舉頭若欲自訴太后察視覺之即呼還問狀具得枉實

即時收洛陽令下獄抵罪行未還宮澍雨大降三年秋太后體不

安左右憂惶禱請祝辭願得代命太后聞之即譴怒竊勅掖庭令

呂下但使謝過祈福不得妄生不祥之言舊事歲終當饗遣衛士

舊事衛士得代歸者上親饗焉前書蓋寬饒傳曰歲盡當代上臨饗罷衛卒是也大讎逐疫禮記月令有大讎考雉上牛以送寒氣

危有墳墓四星之氣為厲鬼隨太后曰陰陽不和軍旅數興詔饗會勿設戲

作樂減逐疫振子之半振子逐疫之人也音振薛綜注西京賦云振之言善也善童幼子也續漢書曰大讎選中黃門子弟年十歲以上十二以

下百二十人為振子皆赤幘皂製執大鞭悉罷象橐駝之屬豐年復故太后自入宮掖從曹

大家受經書兼天文算數晝省王政夜則誦讀而患其謬誤懼乖

典章迺博選諸儒劉珍等及博士議郎四府掾史五十餘人詣東

觀讎校傳記駢對也事畢奏御賜葛布各有差又詔中官近臣於東觀

受讀經傳曰教授宮人左右習誦朝夕濟濟及新野君薨太后自

侍疾病至乎終盡憂哀毀損事加於常贈曰長公主赤綬東園祕

器玉衣繡衾

東園署名屬少府主作凶器故言祕也

又賜布三萬匹錢三十萬疋等遂固

讓錢布不受使司空持節護喪事儀比東海恭王諡曰敬君太后

諒闇既終

諒闇居喪之廬也或爲諒陰諒信也陰默也言居憂信默不言

七年正月初入太廟齋七日賜公

卿百僚各有差庚戌謁宗廟率命婦羣妾相禮儀

相助也儀禮曰命夫者男子之爲大夫也命婦

者大夫之妻也

與皇帝交獻親薦成禮而還

周禮宗廟祭之日且王服袞冕而入立於阼后服副祿從王而入王以圭瓚酌鬱鬯以獻尸次

后以璋酌鬱鬯以獻尸此謂交獻也卒事凡九獻也

因下詔曰凡供薦新味多非其節或鬱養強

孰或穿掘萌芽味無所至而夭折生長豈所已順時育物乎傳曰

非其時不食

論語曰不時不食言非其時物則不食之前書邵信臣曰不時之物有傷於人不宜以奉供養

自今當奉祠陵廟及

給御者皆須時迺上凡所省二十三種自太后臨朝水旱十載四

夷外侵盜賊內起每聞人飢或達旦不寐而躬自減徹已救災隄

故天下復平歲還豐穰元初五年平望侯劉毅

平望縣屬北海郡今青州北海縣西北平望臺是也

一名望海臺也

曰太后多德政欲令早有注記上書安帝曰臣聞易載義農

而皇德著

易繫辭曰古者庖義氏之王天下仰觀法於天俯觀法於地於是始書八卦以通神明之德以類萬物之情庖義氏沒神農氏作斲木爲耜楛木爲耒耜之利以

教天下伏羲神農爲三皇故言皇德也

書述唐虞而帝道崇故雖聖明必書功於竹帛流

音於管弦

竹謂簡冊帛謂練素黃帝以下六代樂皆所以章顯功德是流音於管弦

伏惟皇太后膺大聖之姿體

乾坤之德

易曰聖人與天地合其德

齊蹤虞妃比跡任姒

虞妃卽舜妻娥皇女英也任文王母妣武王母也

孝悌慈

仁允恭節約杜絕奢盈之源防抑逸欲之兆正位內朝流化四海

易家人卦曰女正位乎內正家而天下定矣禮記曰東夷西戎南蠻北狄謂之四海

及元興延平之際國無儲副仰觀乾

象參之人譽援立陛下爲天下主永安漢室綏靜四海又遭水潦

東州飢荒

延平元年安帝初卽位六州大水永初元年稟司隸兗豫徐冀并六州貧人也

垂恩元元冠蓋交路菲薄衣

食躬率羣下損膳解驂日贍黎苗

廣雅云苗衆也

惻隱之恩猶視赤子

隱痛也尚書曰

若保赤子惟人其康乂也

克己引愆顯揚仄陋崇晏晏之政

尚書考靈耀曰文憲晏晏敷在寬之教

敷在寬之教

敷布也尚書曰五教在寬

興滅國繼絕世錄功臣復宗室追還徙人蠲除禁錮政非

惠和不圖於心制非舊典不訪於朝弘德洋溢充塞宇宙言多洪澤

豐沛漫衍八方華夏樂化戎狄混并丕功著於大漢碩惠加於生

人巍巍之業可聞而不可及蕩蕩之勳可誦而不可名古之帝王

左右置史禮記玉藻曰動則左史書之言則右史書之漢之舊典世有注記夫道有夷崇治有

進退若善政不述細異輒書是為堯湯負洪水大旱之責而無咸

熙假天之美咸皆也熙廣也尚書曰庶績咸熙言堯之朝政眾功皆廣假音格至也尚書曰祐我烈祖格于皇天言伊尹佐湯功至於天也堯洪水九載湯大旱七年

高宗成王有雉雒迅風之變而無中興康寧之功也高宗殷王也小乙之子名武丁當祭

成湯有飛雉升鼎耳而雒高宗修德殷道中興成王疑周公乃有雷電大風之變成王改過幾刑措也上考詩書有虞二妃周室三

母尚書曰釐降二女于鵠納嬪于虞三母謂后稷母姜嫄文王母太任武王母太姬也詩大雅曰厥初生民時維姜嫄又曰太任有身生此文王又曰太姬嗣徽音則百斯男也修

行佐德詩云既有烈考亦有文母是佐德也思不踰閭闕門限也左傳曰婦人送未有內遭家難

外遇災害覽總大麓經營大物麓錄也言大錄萬機之政書曰納於大麓又曰暴殄天物也功德巍巍若

茲者也宜令史官著長樂宮注聖德頌曰敷宣景耀勒勳金石縣

之日月

易曰顯象著明莫大於日月

據之罔極曰崇陛下烝烝之孝帝從之

廣雅曰據舒也孔安

國注尚書曰烝烝猶進進也

六年太后詔徵和帝弟濟北河間王子男女年五歲曰

上四十餘人又鄧氏近親子孫三十餘人並爲開邸第

蒼頡篇曰邸舍也

教

學經書躬自監試尚幼者使置師保朝夕入宮撫循詔導恩愛甚

渥

詔告也

迺詔從兄河南尹豹越騎校尉康等曰吾所引納羣子置

之學官者實曰方今承百王之敝時俗淺薄巧僞滋生五經衰缺

不有化導將遂陵遲故欲褒崇聖道曰匡失俗傳不云乎飽食終

日無所用心難矣哉

論語孔子言也言人終日飽食不措心於道義難矣哉言終無遠大也

今末世貴戚食祿

之家溫衣美飯乘堅驅良

堅謂好車良謂善馬也墨子曰聖王爲衣服之法堅車良馬不知貴也

而面牆術學

不識臧否

尚書曰弗學牆面也

斯故禍敗所從來也永平中四姓小侯皆令入

學

小侯解見明紀

所曰矯俗厲薄反之忠孝先公旣曰武功書之竹帛兼曰

文德教化子孫

先公謂鄧禹禹有子十三人各使守一藝故曰文德也

故能束修不觸羅網

言能自約束修整也

誠令兒曹上述祖考休烈下念詔書本意則足矣其勉之哉康曰
太后久臨朝政心懷畏懼託病不朝太后使內人問之時宮婢出
入多能有所毀譽其耆宿者皆稱中大人所使者乃康家先婢亦
自通中大人康聞詰之曰汝我家出爾敢爾邪婢怒還說康詐疾
而言不遜太后遂免康官遣歸國絕屬籍永寧二年二月寢病漸
篤乃乘輦於前殿見侍中尚書因北至太子新所繕宮還大赦天
下賜諸園貴人王主羣僚錢布各有差詔曰朕自無德託母天下
而薄祐不天早離大憂延平之際海內無主元元屣運危於累卵

說苑曰晉靈公驕奢造九層之臺國困人貧恥功不成令曰左右諫者斬也荀息乃求見公曰諫邪
息曰不敢臣能累十二博棊加九雞于其上公曰危哉息曰復有危於此者公爲九層之臺男女不得耕織社稷一滅君何所望君曰寡人之過乃壞臺焉

勤勤苦心不敢言萬乘爲樂上欲不欺天愧

先帝下不違人負宿心誠在濟度百姓言安劉氏自謂感徹天地

當蒙福祚而喪禍內外傷痛不絕

內外謂新野君薨及和殤二帝崩也

頃呂廢病沈滯久

不侍祠自力上原陵加歎逆唾血遂至不解存亡大分無可奈何

公卿百官其勉盡忠恪呂輔朝廷三月崩在位二十年年四十一

合葬順陵

論曰鄧后稱制終身號令自出術謝前政之良身闕明辟之義

前政

謂周公也辟君也尚書曰朕復子明辟言周公攝位復還成王今太后不還故曰辟也

至使嗣主側目斂衽於虛器

器謂神器喻帝

也直生懷懣懸書於象魏

象魏闕也直生杜根

借之儀者殆其惑哉

借猶

假也殆近也言太后不還政於安帝近可惑也

然而建光之後王柄有歸

太后建光之中崩歸政安帝

遂乃名賢戮

辱便孽黨進

系寵用乳母王聖及其女伯榮出入宮掖通傳姦賂太尉楊震及鄧騭等皆被中官譖誅也

衰歎之來茲焉有

徵

徵歎也安帝臨政衰敗逾甚故曰有徵也

故知持權引謗所幸者非己焦心卹患自強者唯

國

言執持朝權以招眾誘者所幸不爲己身唯憂國也

是呂班母一說闔門辭事

太后兄大將軍騭以母憂上書乞身太后不許以問

班昭乃許之語見昭傳也

愛姪微愆髡剔謝罪

太后兄騭子鳳受遺事洩騭遂髡妻及鳳以謝天下語見騭傳

將杜根逢誅未

值其誠乎

誠信也言未

為太后所信

但蹊田之牟奪之已甚

左傳申叔時曰牽牛以蹊人之田而奪之牛牽牛以蹊者信有罪矣

而奪之牛罰已重矣此喻杜根上書雖曰有罪太后殺之為過甚也

皇后紀第十上

金陵書局
汲古閣本

後漢書十

皇后紀第十下

後漢書十下

唐章懷太子賢注

安思閭皇后諱姬

諡法曰謀慮不愆曰思

河南滎陽人也祖父章永平中爲尚

書曰二妹爲貴人章精力曉舊典久次當選曰重職顯宗爲後宮

親屬竟不用出爲步兵校尉

漢官儀曰比二千石掌宿衛兵屬北軍中候也

章生暢暢生后后有

才色元初元年曰選入掖庭甚見寵愛爲貴人二年立爲皇后后

專房妬忌帝幸宮人李氏生皇子保遂鳩殺李氏

鳩毒鳥也食蠅以其羽畫酒中飲之立死

三

年曰后父侍中暢爲長水校尉封北宜春侯

北宜春縣屬汝南郡以豫章有宜春故此加北故城在今豫州

汝陽縣西南也

食邑五千戶四年暢卒諡曰文侯子顯嗣建光元年鄧太后

崩帝始親政事顯及弟景耀晏並爲卿校典禁兵延光元年更封

顯長社縣侯

長社縣屬潁川郡前書音義曰其社中樹暴長故名長社今許州縣

食邑萬三千五百戶追尊后

母宗爲滎陽君

續漢志曰婦人封君儀比公主油轎駟車帶綬以朱組爲纓帶各如其綬色黃金辟邪加其首爲帶

顯景諸子年皆

童齠

大戴禮曰男八歲而齠女七歲而齠齠毀齒也音初刃反

並爲黃門侍郎后寵旣盛而兄弟頗與

朝權后遂與大長秋江京中常侍樊豐等共譖皇太子保廢爲濟

陰王四年春后從帝幸章陵帝道疾崩於葉縣后顯兄弟及江京

樊豐等謀曰今晏駕道次

晏晚也臣下不敢斥言帝崩猶言晚駕而出

濟陰王在內邂逅公卿

立之還爲大害乃僞云帝疾甚徒御卧車行四日驅馳還宮明日

詐遣司徒劉熹詣郊廟社稷告天請命其夕乃發喪尊后曰皇太

后皇太后臨朝

蔡邕獨斷曰少帝卽位太后卽代攝政臨前殿朝羣臣太后東面少帝西面羣臣奏事上書皆爲兩通一詣后一詣少帝

呂顯爲

車騎將軍儀同三司太后欲久專國政貪立幼年與顯等定策禁

中迎濟北惠王子北鄉侯懿

惠王名壽章帝子也

立爲皇帝顯忌太將軍耿寶

耿弇之弟舒之孫

位尊權重威行前朝乃風有司奏寶及其黨與中常侍樊

豐虎賁中郎將謝暉暉弟侍中篤篤弟大將軍長史宓

善文曰暉字伯周宓字仲周篤

侍中周廣阿母野王君王聖聖女永永壻黃門侍郎樊巖等更

相阿黨互作威福探刺禁省更爲唱和皆大不道豐暉廣皆下獄

死家屬徙比景

比景縣名屬日南郡前書音義曰日居於頭上日景在已下故名之

宓嚴滅死髡鉗貶寶爲則

亭侯遣就國自殺王聖母子徙鴈門於是景爲衛尉耀城門校尉

晏執金吾兄弟權要威福自由少帝立二百餘日而疾篤顯兄弟

及江京等皆在左右京引顯屏語曰北鄉侯病不解國嗣宜時有

定前不用濟陰王今若立之後必當怨又何不早徵諸王子簡所

置乎顯巨爲然及少帝薨京白太后徵濟北河間王子未至而中

黃門孫程合謀殺江京等立濟陰王是爲順帝顯景晏及黨與皆

伏誅遷太后於離宮家屬徙比景明年太后崩在位十二年合葬

恭陵帝母李氏瘞在洛陽城北帝初不知莫敢言聞及太后崩左

右白之帝感悟發哀親到瘞所更巨禮殯上尊諡曰恭愍皇后葬

恭北陵爲策書金匱藏于世祖廟

在恭陵之北因以爲名漢官儀曰置陵園令食廩各一人秩皆六百石金匱藏之以金

順烈梁皇后諱嬀

諡法曰執德尊業曰烈
聲類曰嬀嬀娶也音納

大將軍商之女恭懷皇后弟之

孫也后生有光景之祥少善女工好史書九歲能誦論語治韓詩

韓嬰所傳詩也

大義畧與常目列女圖畫置於左右目自監戒

劉向撰列女傳
又篇圖畫其象

商深異之竊謂諸弟曰我先人全濟河西所活者不可勝數

商曾祖
統更始

二年補中郎將酒泉太守使安集涼州時西河擾亂
眾議以統素有威信乃推統與寶融共元全五郡

雖大位不究而積德必報若

慶流子孫者儻興此女乎永建三年與姑俱選入掖庭時年十三

相工茅通見后驚再拜賀曰此所謂日角偃月相之極貴臣所未

嘗見也太史卜兆得壽房又筮得坤之比

易坤卦六五爻變而之比九五象
日顯比之吉也正中也九五居得

其位下應
於上故吉

遂目爲貴人常特被引御從容辭於帝曰夫陽目博施爲

德陰目不專爲義螽斯則百福之所由興也

詩國風序曰言后妃若螽斯不
妬忌則子孫衆多也詩大雅曰

太姬嗣徽音
則百斯男也

願陛下思雲雨之均澤識貫魚之次序

易曰雲行雨施品物流
形剝卦曰貫魚以宮人

寵無不利剝坤下艮上五陰而一
陽衆陰在下駢頭相次似貫魚也

使小妾得免罪謗之累由是帝加敬焉陽

嘉元年春有司奏立長秋宮曰乘氏侯商先帝外戚

商祖姑章帝母
人生和帝也

春

秋之義娶先大國

公羊傳曰天子娶於紀紀水子爵也
先喪爲侯言王者不娶於小國也

梁小貴人宜配天祚

正位坤極

正其內位居陰德之極
也易曰女正位乎內也

帝從之乃於壽安殿立貴人爲皇后

壽安是德陽
宮內殿名

后既少聰惠深覽前世得失雖曰德進不敢有驕專之

心每日月見謫

謫責也禮記云陽事不得謫見於天日
爲之食陰事不得謫見於天月爲之食

輒降服求愆建康元

年帝崩后無子美人虞氏子炳立是爲冲帝尊后爲皇太后太后

臨朝冲帝尋崩復立質帝猶秉朝政時揚徐劇賊寇擾州郡西羌

鮮卑及日南蠻夷攻城暴掠賦斂煩數官民困竭太后夙夜勤勞

推心仗賢委任太尉李固等拔用忠良務崇節儉其貪叨罪慝多

見誅廢

貪財曰叨
慝惡也

分兵討伐羣寇消夷故海內肅然宗廟且寧而兄

大將軍冀鳩殺質帝專權暴濫忌害忠良數曰邪說疑誤太后遂

立桓帝而誅李固太后又溺於宦官多所封寵且此天下失望和

平元年春歸政於帝太后寢疾遂篤乃御輦幸宣德殿見宮省官屬及諸梁兄弟詔曰朕素有心下結氣從閒已來加已浮腫逆害飲食寢已沈困寢漸也比使內外勞心請禱私自忖度日夜虛劣不能復與羣公卿士共相終竟援立聖嗣恨不久育養見其終始今已皇帝將軍兄弟委付股肱其各自勉焉後二日而崩在位十九年年四十五合葬憲陵

虞美人者已良家子年十三選入掖庭

續漢志曰美人父詩爲郎中詩父衡屯騎校尉

又生女舞

陽長公主自漢興母氏莫不尊寵順帝既未加美人爵號而冲帝

早夭大將軍梁冀秉政忌惡佗族故虞氏抑而不登但稱大家而

已陳夫人者家本魏郡少已聲伎入孝王宮得幸生質帝亦已梁

氏故榮寵不及焉熹平四年小黃門趙祐

續漢志曰小黃門六百石宦者無員掌侍左右受尚書事其在內宮

關通中外及中宮以下眾事諸公主及王太后等疾苦則使問之

議郎卑整上言

風俗通曰魯氏鄭大夫專謙之後漢有卑躬爲北平太守

春秋

之義母曰子貴

公羊傳曰桓公幼而貴隱公長而卑桓何以貴母貴也母貴則子何以貴子以母貴母以子貴

隆漢盛典尊崇

母氏凡在外戚莫不加寵今沖帝母虞大家質帝母陳夫人皆誕

生聖皇而未有稱號夫臣子雖賤尚有追贈之典況二母見在不

蒙崇顯之次無已述遵先世垂示後世也帝感其言乃拜虞大家

爲憲陵貴人陳夫人爲勃海孝王妃

孝王名鴻章帝子千乘貞王攸之孫鴻生質帝帝立徙勃海焉

使中常

侍持節授印綬遣太常已三牲告憲陵懷陵靜陵焉

懷陵沖帝陵靜陵質帝陵

孝崇愷皇后諱明

原音

爲蠶吾侯翼媵妾

蠶吾侯翼河間王開子和帝孫

生桓帝桓帝卽

位明年追尊翼爲孝崇皇陵曰博陵已后爲博園貴人和平元年

梁太后崩乃就博陵尊后爲孝崇皇后遣司徒持節奉策授璽綬

齋乘輿器服備法物宮曰永樂置太僕少府已下皆如長樂宮故

事

漢官儀曰帝祖母稱長信宮帝母稱長樂宮故有長信少府長樂少府及職事官者爲之又置虎賁羽林衛士起宮室

分鉅鹿九縣爲后湯沐邑在位三年元嘉二年崩已帝弟平原王

石爲喪主

石蓋言侯製子桓帝兄

斂弓東園畫梓壽器玉匣飯舍之具禮儀制度

比恭懷皇后

東園署名屬少府掌爲棺器梓木爲棺以漆畫之稱壽器者蓋其久長也猶如壽堂壽宮壽陵之類也漢舊儀曰梓棺長二丈廣四尺玉匣者腰其下爲

匣至足亦綴以黃金爲纆飯舍者以珠玉實口

使司徒持節大長秋奉弔祠賻錢四千萬

公羊傳曰賻貨財曰賻

布四萬匹中謁者僕射典護喪事侍御史護大駕鹵簿

漢官儀曰天子車駕次第謂之

鹵簿有大駕法駕小駕大駕公卿奉引大將軍參乘太僕御屬車八十一乘備千乘萬騎侍御史在左駕馬詢問不法者今儀比車駕故以侍御史監護焉

詔安平王

豹河間王建勃海王惺

惺音恢

長社益陽二長公主

長社公主桓帝姊耿會弟竊玄孫授尚焉益陽公主

桓帝味侍中寇榮從兄子尚焉

與諸國侯三百里內者及中工千石二千石令長相皆

會葬將作大匠復土繕廟合葬博陵

桓帝懿獻梁皇后諱女瑩

諡法曰溫和聖善曰懿聰明敏知曰獻

順烈皇后之女弟也帝

初爲蠡吾侯梁太后徵欲與后爲婚未及嘉禮嘉禮婚禮會質帝崩因曰

立帝明年有司奏太后曰春秋迎王后于紀在塗則稱后

公羊傳曰祭公來逆

王后于紀傳曰祭公者何天子之三公其稱王后何王者無外其辭成矣

今天將軍冀女弟膺紹聖善膺當也紹嗣也聖善謂母也言

娶妻當嗣親也
詩云虢氏聖善
結婚之際有命既集
謂太后先有令許結親也詩云天監下民有命既集也

宜備禮章時

進徵幣

徵成也納幣以成婚

請下三公太常案禮儀奏可於是悉依孝惠皇帝

納后故事聘黃金二萬斤納采鴈璧乘馬束帛一如舊典

漢書舊儀聘皇后黃

金萬斤呂后爲惠帝娶魯元公主女故特優其禮也儀禮曰納采用鴈鄭玄注云納其采擇之禮用鴈取順陰陽往來也周禮王者設圭以聘女鄭玄注云士大夫以上乃以圭聘東帛天子加以穀圭諸侯加以大璋然禮稱以圭此云用璧形制雖異爲玉同也乘馬四匹馬也雜記曰納幣一束束五兩兩五尋然則每端二丈也

建和元年六月始

入掖庭八月立爲皇后時太后秉政而梁冀專朝故后獨得寵幸

自下莫得進見后藉姊兄廢執恣極奢靡宮幄彫麗服御珍華巧

飾制度兼倍前世及皇太后崩恩愛稍衰后既無子潛懷怨忌延

宮人孕育鮮得全者帝雖迫畏梁冀不敢譴怒然見御轉稀至延

熹二年后呂憂恚崩在位十三年葬懿陵其歲誅梁冀廢懿陵爲

貴人家焉

桓帝鄧皇后諱猛女和熹皇后從兄子鄧香之女也母宣初適香

生后改嫁梁紀紀者大將軍梁冀妻孫壽之舅也后少孤隨母爲

居因冒姓梁氏冀妻見后貌美永興中進入掖庭爲采女絕幸

也以因采明年封兄鄧演爲南頓侯位特進演卒子康嗣及懿獻后

崩梁冀誅立后爲皇后帝惡梁氏改姓爲薄封后母宣爲長安君

四年有司奏后本郎中鄧香之女不宜改易它姓於是復爲鄧氏

追封贈香車騎將軍安陽侯印綬更封宣康大縣宣爲昆陽君康

爲泚陽侯賞賜巨萬計巨大也大萬宣卒贈葬禮皆依后母舊儀

呂康弟統襲封昆陽侯位侍中統從兄會襲安陽侯爲虎賁中郎

將又封統弟秉爲涑陽侯宗族皆列校郎將帝多內幸博採宮女

至五六千人及驅役從使復兼倍於此而后恃尊驕忌與帝所幸

郭貴人更相譖訴八年詔廢后送暴室呂憂死

漢官儀曰暴室在掖庭內立七年葬於北邙從父河南尹萬世及會皆下獄死

者其皇后貴人有

罪亦就此室也

統等亦繫暴室免官爵歸本郡財物沒入縣官

桓思竇皇后諱妙章德皇后從祖弟之孫女也父諱武延熹八年

鄧皇后廢后呂選入掖庭爲貴人其冬立爲皇后而御見甚稀帝

所寵唯采女田聖等永康元年冬帝寢疾遂召聖等九女皆爲貴

人及崩無嗣后爲皇太后太后臨朝定策立解犢侯宏是爲靈帝

太后素忌忍積怒田聖等桓帝梓宮尚在前殿遂殺田聖又欲盡

誅諸貴人中常侍管霸蘇康苦諫乃止時太后父大將軍武謀誅

宦官而中常侍曹節等矯詔殺武遷太后於南宮雲臺家屬徙比

景竇氏雖誅帝猶召太后有援立之功建寧四年十月朔率羣臣

朝于南宮親饋上壽黃門令董萌漢官儀曰黃門今秩六百石因此數爲太后訴冤

帝深納之俱養資奉有加於前中常侍曹節王甫疾萌附助太后

誣呂謗訕永樂宮靈帝母所居也訕謗毀也萌坐下獄死熹平元年太后母卒於比

景后感疾而崩立七年合葬宣陵

孝仁董皇后諱某河間人爲解犢侯萇夫人

萇河間孝王孫淑之子也

生靈帝建

寧元年帝卽位追尊萇爲孝仁皇陵曰愼陵己后爲愼園貴人及

竇氏誅明年帝使中常侍迎貴人并徵貴人兄寵到京師上尊號

曰孝仁皇后居南宮嘉德殿

嘉德殿在九龍門內

宮稱永樂拜寵執金吾後坐

矯稱永樂后屬請下獄死及竇太后崩始與朝政使帝賣官求貨

自納金錢盈滿堂室中平五年己后兄子衛尉脩侯重

脩今德州縣故城在縣南脩今

作衛音隆爲驃騎將軍領兵千餘人初后自養皇子協數勸帝立爲太子

而何皇后恨之議未及定而帝崩何太后臨朝重與太后兄大將

軍進權執相害后每欲參干政事太后輒相禁塞后忿恚詈言曰

汝今軼張怙汝兄耶

軼張猶彌梁也

當勅驃騎斷何進頭來何太后聞己告

進進與三公及弟車騎將軍苗等奏孝仁皇后使故中常侍夏惲

永樂太僕封請等交通州郡

漢官儀曰永樂太僕用中人爲之

辜較在所珍寶貨賂悉

入西省

辜較解見靈紀西省即謂永樂宮之司

蕃后故事不得留京師

蕃后謂平帝母焉姬時王莽攝政恐其專權后不得

留在京師故云故事也

輿服有章膳羞有品請永樂后遷宮本國奏可何進遂

舉兵圍驃騎府收重重免官自殺后憂怖疾病暴崩在位二十二

年民間歸咎何氏喪還河閒合葬慎陵

靈帝宋皇后諱某扶風平陵人也肅宗宋貴人之從曾孫也建寧

三年選入掖庭爲貴人明年立爲皇后父酆執金吾封不其鄉侯

不其縣屬琅邪郡故城在今萊州卽墨縣西南蓋其縣之鄉也其音基決錄注酆字伯遇

后無寵而居正位後宮幸姬眾其

譖毀初中常侍王甫枉誅勃海王攄及妃宋氏

熹平元年王甫譖攄與中常侍鄭璉交通欲迎立攄

攄自殺妃死獄中也

妃卽后之姑也甫恐后怨之乃與太中大夫程阿共搆言

皇后挾左道祝詛

禮記曰執左道以亂眾殺無赦鄭玄注云左道若巫蠱也

帝信之光和元年遂策收

璽綬后自致暴室自憂死在位八年父及兄弟並被誅諸常侍小

黃門在省闈者皆憐宋氏無辜其合錢物收葬廢后及鄴父子歸

宋氏舊塋皇門亭詩云迺立皇門注云王之郭門曰皇門漢官儀曰十二門皆有亭帝後夢見桓帝怒曰宋

皇后有何罪過而聽用邪孽使絕其命勃海王惔既已自貶又受

誅斃今宋氏及惔自訴於天上帝震怒上帝天也震動也書曰帝乃震怒也罪在難救夢

殊明察帝既覺而恐已事聞於羽林左監許永續漢志曰羽林左監一人秩六百石主羽林左騎石

亦如之永或作詠曰此何祥其可禳乎禳謂除也永對曰宋皇后親與陛下共承宗

廟母臨萬國歷年已久海內蒙化過惡無聞而虛聽讒妬之說已

致無辜之罪身嬰極誅禍及家族天下臣妾咸為冤痛勃海王惔

桓帝母弟也處國奉藩未嘗有過陛下曾不證寤遂伏其辜昔晉

侯失刑亦夢大厲被髮屬地左傳曰晉侯夢大厲被髮及地搏膺而踊曰殺余孫不義余得請于帝矣杜預注曰厲鬼趙氏之先祖也

晉侯先殺趙盾趙括故怒也天道明察鬼神難誣宜并改葬已安冤魂反宋后之徒

家復勃海之先封已消厥咎帝弗能用尋亦崩焉

靈思何皇后諱某南陽宛人家本屠者呂選入掖庭

風俗通曰漢以八月算人后家以金

肩輿道王者以求入也

長七尺一寸生皇子辯養於史道人家號曰史侯

道人謂道術之人也

獻帝春秋曰靈帝數失子不敢正名養道人史子助家號曰史侯

拜后爲貴人甚有寵幸性彊忌後宮莫不

震懾光和三年立爲皇后明年追號后父眞爲車騎將軍舞陽宣

德侯因封后母典爲舞陽君時王美人任娠

左傳曰邑姜方娠村預注曰懷胎爲娠首之刃反一音身

畏后乃服藥欲除之而胎安不動反數夢負日而行四年生皇子

協后遂鳩殺美人帝大怒欲廢后諸宦官固請得止董太后自養

協號曰董侯

王美人趙國人也祖父苞五官中郎將美人豐姿色聰敏有才明

能書會計

會計謂總會其數而算

呂良家子應法相選入掖庭帝愍協早失母又

思美人作追德賦令儀頌中平六年帝崩皇子辯卽位尊后爲皇

太后太后臨朝后兄大將軍進欲誅宦官反爲所害舞陽君亦爲

亂兵所殺并州牧董卓被徵將兵入洛陽陵虐朝廷遂廢少帝爲

弘農王而立協是爲獻帝扶弘農王下殿北面稱臣太后顚涕羣

臣含悲莫敢言董卓又議太后踈迫永樂宮至今憂死逆婦姑之

禮乃遷於永安宮因進醜弑而崩在位十年董卓令帝出奉常亭

舉哀華延儒洛陽記曰公卿皆白衣會不成喪也有凶事素服而朝謂之白衣

合葬文昭陵初太后新立嘗謁二祖廟欲齋輒有變故如此者數

竟不克時有識之士心獨怪之後遂因何氏傾沒漢祚焉明年山

東義兵大起討董卓之亂卓乃置弘農王於閣上使郎中令李儒

進醜曰服此藥可已辟惡王曰我無疾是欲殺我耳不肯飲強飲

之不得已乃與妻唐姬及宮人飲讌別酒行王悲歌曰天道易兮

我何艱棄萬乘兮退守蕃逆臣見迫兮命不延逝將去汝兮適幽

玄因令唐姬起舞姬抗袖而歌抗舉也曰皇天崩兮后土頽史記周烈王崩

周人謂齊威王

日天崩地并也

身為帝兮命天摧死生路異兮從此乖奈我榮獨兮心中哀

因泣下嗚咽坐者皆歔歔王謂姬曰卿王者妃執不復為吏民妻

自愛從此長辭遂飲藥而死時年十八唐姬潁川人也王薨歸鄉

里父會稽太守瑁欲嫁之姬誓不許及李傕破長安遣兵鈔關東

畧得姬傕因欲妻之固不聽而終不自名不自名少帝之姬也袁宏紀曰為傕所畧不敢自言尚書

賈詡知之魏志曰詡字文和武威姑臧人少時漢賜開忠見而異之曰詡有良平之才曰狀白獻帝帝聞感愴乃下

詔迎姬置園中使侍中持節拜為弘農王妃初平元年二月葬弘

農王於故中常侍趙忠成壙中趙忠元有城壙因而葬焉諡曰懷王帝求母王美人

兄斌斌將妻子詣長安賜第宅田業拜奉車都尉興平元年帝加

元服有司奏立長秋宮詔曰朕稟受不弘遭值禍亂未能紹先已

光故典皇母前薨未卜宅兆禮章有闕中心如結詩云心如結三歲之感

蓋不言吉且須其後於是有司乃奏追尊王美人為靈懷皇后改

葬文昭陵儀比敬恭二陵敬章帝陵恭安帝陵使光祿大夫持節行司空事奉

璽綬斌與河南尹駱業復土斌還遷執金吾封都亭侯凡言都亭者並城內亭也漢法

大縣侯位視三公小縣侯位視上卿鄉亭侯視中二千石也食邑五百戶病卒贈前將軍印綬謁者監護

喪事長子端襲爵

獻帝伏皇后諱壽琅邪東武人東武今密州諸城縣大司徒湛之八世孫也父

完沈深有大度襲爵不其侯尚桓帝女陽安公主陽安縣屬汝南郡故城在今豫州朗山縣東北

為侍中初平元年從大駕西遷長安后時入掖庭為貴人興平二

年立為皇后完遷執金吾帝尋而東歸李傕郭汜等追敗乘輿於

曹陽帝乃潛夜度河走度所在今陝州峽縣北水經曰銅翁仲所沒處是獻帝東遷潛度所六宮皆步行出營

周禮曰王后率六宮之人鄭玄注曰六宮之人夫人已下分居后之六宮者后手持縑數匹董承使符節令孫徽曰

刃脇奪之殺傍侍者血濺后衣濺音子見反既至安邑御服穿敝唯已棗

栗為糧建安元年拜完輔國將軍儀比三司完已政在曹操自嫌

尊戚乃上印綬拜中散大夫尋遷屯騎校尉十四年卒子興嗣自

帝都許守位而已宿衛兵侍莫非曹氏黨舊姻戚議郎趙彥嘗爲

帝陳言時策曹操惡而殺之其餘內外多見誅戮操後已事入見

殿中帝不任其憤因曰君若能相輔則厚不爾幸垂恩相捨操失

色俛仰求出舊儀三公領兵朝見令虎賁執刃挾之操出顧左右

汗流浹背浹徹也音子協反自後不敢復朝請董承女爲貴人操誅承而求

貴人殺之帝曰貴人有妻說文曰媿孕也音仁陰反累爲請不能得后自是懷懼

乃與父完書言曹操殘逼之狀令密圖之完不敢發至十九年事

乃露泄操追大怒遂逼帝廢后假爲策曰皇后壽得由卑賤登顯

尊極自處椒房漢官儀曰皇后稱椒房取其蕃實之義也詩云椒聊之實蕃衍盈升二紀于茲旣無任姒徽音

之美太任文王母太姒武王母又乏謹身養己之福左傳曰人受天地之中以生謂之命能者養之以福不能者斂

禍以取而陰懷妬害苞藏禍心弗可已承天命奉祖宗今使御史大夫

郗慮持節策詔其上皇后璽綬

蔡邕獨斷曰皇后亦綬玉璽新漢志曰乘輿前赤綬四練黃赤纁紺滄黃圭綬長二丈九尺九寸五

百首太皇太后皇太后其綬皆與乘輿同

退避中宮遷于它館嗚呼傷哉自壽取之未致于理

爲幸多焉又曰尚書令華歆爲郗慮副

魏志曰華歆字子魚平原高唐人代荀彧爲尚書令虛子鴻預山陽高平人

勒兵入宮收后閉戶藏壁中歆就牽后出時帝在外殿引慮於坐后被髮徒跣行泣過訣曰不能復相活邪帝曰我亦不知命在何時顧謂慮曰郗公天下寧有是邪遂將后下暴室曰幽崩所生二皇子皆酖殺之后在位二十年兄弟及宗族死者百餘人母盈等十九人徙涿郡

獻穆曹皇后諱節

諡法曰布德執義曰穆

魏公曹操之中女也建安十八年操進

三年憲節華爲夫人聘曰束帛玄纁五萬匹小者待年於國

留住於國以待

年十九年並拜爲貴人及伏皇后被弒明年立節爲皇后魏受禪

遣使求璽綬后怒不與如此數輩后乃呼使者入親數讓之曰璽

抵軒下

抵擲也前
闕校也

因涕泣橫流曰天不祚爾左右皆莫能仰視后在

位七年魏氏既立后為山陽公夫人自後四十一年魏景初元

年薨合葬禪陵車服禮儀皆依漢制

論曰漢世皇后無謚皆因帝謚后為稱雖呂氏專政上官臨制亦

無殊號

上官昭
帝后也

中興明帝始建光烈之稱其後並后德為配至於賢

愚優劣混同一貫故馬寶二后俱稱德焉其餘皇帝之庶母及蕃

王承統后追尊之重特為其號恭懷孝崇之比是也初平中蔡邕

始追正和熹之謚

蔡邕集謚議曰漢世母氏無謚至于明帝始建光烈之稱是後轉因
帝號加之以德上下優劣混而為一違禮大行受大名小行受小名

之制論法有功安人曰同帝后一體
禮亦宜同大行皇太后謚宜為和熹

其安思順烈后下皆依而加焉

贊曰坤惟厚載陰正乎內

易曰坤厚載物又曰女
正位乎內男正位乎外詩美好逑

后妃有闕睚之
德為君子好匹

易稱歸妹

兌下震上歸妹卦也婦人謂嫁曰歸妹為少女之稱兌為少陰震
為長陽少陰而承長陽悅以動之歸妹之象也以六五與九二相

應五為王侯故
易言帝乙歸妹

祁祁皇嬪言觀貞淑

祁祁眾多也嬪亦嬪也觀示也言諸后皆示其貞
淑配皇為嬪察字書無嬪字相傳言禮語說音離

媚茲良哲承哉天祿班政蘭闈宣禮椒屋

班固西都賦曰後宮則椒屋椒屋即椒房也

林殿名故言蘭闈椒屋即椒房也

既云德升亦曰幸進

德升謂馮鄂等也幸進謂閭何之類也

身當隆極族漸

河潤

公羊傳曰河海潤千里也

視景爭暉方山並峻乘剛多阻行地必順

易屯卦象曰六二之難乘剛也

又坤卦曰牝馬地類行地無疆王弼注云地之所以得無疆者以卑類行之故也

咎集騎滿福協貞信慶延自己禍成

誰毀

漢制皇女皆封縣公主儀服同列侯

漢法大縣侯視三公

其尊崇者加號長公

主儀服同蕃王

蔡邕曰帝女曰公主姊妹曰長公主建武十五年封舞陽公主爲長公主卽是帝女尊崇亦爲長非惟姊妹也輿服志曰長公主赤屬斬車與諸侯

同優也諸王女皆封鄉亭公主儀服同鄉亭侯

鄉亭侯視中二千石

肅宗唯特封東

平憲王蒼琅邪孝王京女爲縣公主

東平王傳曰封蒼女五人爲縣公主孝王女傳不見其數

其後安帝

桓帝妹亦封長公主同之皇女

案劉禹玄孫少府襄尚舞陰長公主耿弇曾孫侍中長尚漢陽長公主岑彭玄孫魏郡守熙尚涅陽長

公主來獻玄孫虎賁中郎將定尚平氏長公主並安帝妹也長社益陽公主桓帝妹也解見上

其皇女封公主者所生之子襲母

封爲列侯

馮定獲嘉公主子襲封獲嘉侯馮奮平陽公主子襲封平陽侯此其類也

皆傳國於後鄉亭之封則不

傳襲其職僚品秩事在百官志

沈約謝儼傳曰范曄所撰十志一皆託儼搜撰垂

就儼尋求已不復得一代以爲恨其志今闕續漢志曰諸公主家令一人六百石丞一人三百石其餘屬吏增減無常漢官儀曰長公主傅一人私府長一人食官一人丞卷長一人家令一人秩皆六百石各有員吏而鄉公主傅一人秩六百石僕一人六百石家丞一人三百石也不足別載故附于后紀末

皇女義王建武十五年封舞陽長公主適延陵鄉侯太僕梁松舞陽

縣屬潁川郡松梁統之子其傳云尚光武女舞陰公主又松坐誹謗誅

皇女中禮十五年封涅陽公主適顯親侯大鴻臚竇固涅陽屬南陽郡顯親縣屬潁陽

郡固竇融子肅宗尊爲長公主

皇女紅夫十五年封館陶公主適駙馬都尉韓光光坐與淮陽王

延謀反誅

皇女禮劉十七年封清陽公主適陽安侯長樂少府郭璜璜郭況子也璜

坐與竇憲謀反誅

皇女綬綬作緜二十一年封酈邑公主適新陽侯世子陰豐豐害主誅

死郡縣屬南陽郡音讀亦反新陽縣屬汝南郡豐陰就子

世祖五女

皇女姬永平二年封獲嘉長公主適楊邑侯將作大匠馮柱獲嘉縣屬河內

郡楊邑縣屬太原郡柱馮勳子

皇女奴三年封平陽公主平陽縣屬河東郡適大鴻臚馮順順勳子也

皇女迎迎現改三年封隆慮公主隆慮縣屬河內郡適牟平侯耿襲牟平縣屬東萊郡襲耿弇弟舒之子

皇女次三年封平氏公主平氏縣屬南陽郡既不言所適不顯始終蓋史闕之也它皆倣此

皇女致三年封沁水公主沁水縣屬河內郡適高密侯鄧乾乾鄧震之子禹之孫

皇女小姬十二年封平臯公主平臯縣屬河內郡適昌安侯侍中鄧蕃昌安縣屬高密

國蕃鄧襲子禹之孫也

皇女仲十七年封浚儀公主適軼侯軼志作軼音伏師古曰又音徒系反黃門侍郎王度

秋縣屬江夏郡度王符子朝之孫

皇女惠十七年封武安公主適征羌侯世子黃門侍郎來稜

征羌縣屬汝南

郡稜褒之子歆之孫安帝尊為長公主

皇女臣建初元年封魯陽公主

魯陽縣屬南陽郡

皇女小迎元年封樂平公主

樂平本清河縣屬東郡章帝更名

皇女小民元年封成安公主

成安縣屬潁川郡

顯宗十一女

皇女男建初四年封武德長公主

皇女王四年封平邑公主

平邑縣屬代郡今魏郡昌樂東北又有平邑城

適黃門侍郎馮由

皇女吉永元五年封陰安公主

陰安縣屬魏郡

肅宗三女

皇女保延平元年封修武長公主

修武縣屬河內郡

皇女成元年封其邑公主

其縣屬河內郡

皇女利元年封臨穎公主

縣屬穎川郡

適卽墨侯侍中賈建

卽墨縣屬東臨建賈子復之曾孫

皇女興元年封聞喜公主

聞喜縣屬河東郡

和帝四女

皇女生永和三年封舞陽長公主

冠軍縣屬南陽郡

皇女成男三年封冠軍長公主

南陽郡

皇女廣永和六年封汝陽長公主

汝陽縣屬汝南郡

順帝三女

皇女華延熹元年封陽安長公主適不其侯輔國將軍伏完

完伏湛五世孫

皇女堅七年封潁陰長公主

潁陰縣屬潁川郡

皇女修九年封陽翟長公主

桓帝三女

皇女某光和三年封萬年公主

鐵道縣縣志之卷之五 藝文志

靈帝一女

三
五
四

皇后紀第十下

金陵齋同所
汲古閣本

後漢書十下



